



Fr Guilelmus Buelowic

D. E. S. H. Mpp
H

Pro Conuocato C. r. oruicns. S. C. r. m. m. l.





Aug. 23

✠

EXPLANATIO
R E G V L Æ
D. AVGVSTINI
EPISCOPI HIPPONEN:

*Facta ante centum Annos à R. P. GREGO-
RIO CÆLIO PANNONIO, Ordinis
FF. Eremitarum, S. Pauli Primi Ere-
mitæ, Presbytero:*

Nunc autem

Per A. R. P. ANDREAM GOLDO-
NOVSKI, eiusdem Ord: FF. in Polo-
nia ac Silesia Priorem Prouincialem,
correcta: additis breuibus virtutū
in præfata Regula contentarū,

P R A X I B V S.

*Cui explanationi, ipsa Regula S. Patris, signata Pro-
sodia accensibus, præmittitur.*

Opusculum, sanè omnibus Regularibus, sub
Regula D. P. Augustini militanti-
bus, perquam utile.


C R A C O V I Æ,

In Officina Andrea Petricouij, S. R. M. Typogr.

Anno Domini. 1642



IN STEMMA.



*Herculi & Marti vires, cum Palladis arte,
Cerno LVBINSIANÆ dona superna Domūs.
Duties ferro, moles domina arte Bisonū:
Robore nil hostis, nil valeatq. dolo.
Hū pietati amor supereminet: inde LVBINSKI
Archiprasuleo dignus honore coli.*

Illustrissimo ac Reuerendiss:
Domino,

**D. MATTHIÆ
LVBINSKI,**

Dei & Apostolicæ Sedis Gratia

ARCHIEPISCOPO

G N E S N E N S I,

LEGATO NATO, R.P. PRIMATI,

AC PRIMO PRINCIPI

DIGNISSIMO, &c.

Patrono colendissimo & beni-
gnissimo.



Rtaxerxes Persarū
Rex, Illustrissime ac
Reuerendiss: Dñe,
cūm per Regnum,
obequitaret, eiq; iuxta solitum,
morem populi munera offerrent;

Præfatio.

pauper quidam colonellus, habere
se nihil quod daret cernens, sta-
tim ad proximum amnem se pro-
ripuit; unde impletis aquâ am-
babus manibus, alios, qui cum
muneribus antecesserant, conse-
cutus, Regi aquam obtulit. Ego
in hoc plurimum congratantium
numero, qui Tuis Illustrissime ac
Reuerendiss: Dñe heroicis vir-
tutibus, ac præstantissimis in Rē-
publ: meritis debitam Sedem
Archiepiscopalem, Tibi applau-
dunt, aduertens me nihil dignum
Illustrissimæ ac Rndissimæ D. T.
ad offerendum habere; attamen
multis titulis Tuo Illustrissimo
nomini ac honori, unâ cum meis

Fra-

Præfatio.

Fratribus obligatum, hanc modicam sacrorum Dogmatum aquam, ex fonte S. Euangelij derivatam: Commētaria nimirum in Diui Augustini Episcopi Regulam, Calij Pannonij Ordinis nostri Presbyteri, per me è tenebris eruta, ac pluribus in locis illustrata, Tibi Illustrissime ac Reuerendissime Dñe supplex offero, & præsentō. Tibi inquam, cuius singularis beneuolentia erga Ordinem nostrum; deuotio laudabilis erga Diuam Claromontanam p̃ys ac crebris visitationibus ad locum eius testata; liberalitas ac munificentia, nulli usurpata hactenus, erga eundē locum Deipara

Præfatio.

sacrum (cuius nos indigni inquilini ac custodes sumus.) manifestè elucet. Tibi in super, qui olim Regula S. Augustini Zelosus in Conuentu Miechouienſi, cui feliciter præſuiſti, propugnator ac promotor: nunc autem, in adeo ſublimi dignitatis faſtigio conſtitutus, vniū exemplar præfulges. Non quidem hæc comentariola ſunt proluxa verbis, ſed præſtant pondere ac ſententijs; humili, ut ita dicam, calamo exarata, ſed eximijs præſcriptionibus, iuxta mentem S. Patris, morum Regularium referta; ſtylo ſimplici cōpacta, at ſpiritu Zeli caeſtis imbuta. Suscipies piè, credo, Illuſtriſſi-

Præfatio.

strissime Princeps, ac Rndissime
Dñe, hanc meam opellam, debita
ac sincera obseruantia, deuotissi-
miq; affectûs mei erga Illustrissi-
mam ac Rndissimam Domina-
tionem Tuam, quam præse fert te-
stificationem, penes laborem hu-
ius viri: atq; ut omnium Religio-
forum, sub Regula D. Augustini
militantium, manibus animisq;
foueatur, tuo eximio splendore
commendabis: Tui Magnifici
patrociniÿ tutelâ, plus assumatio-
nis ei addes, & Authoritate tui
grauissimi nominis eâdem stabi-
lies & illustrabis. Caterum no-
strum erit, Deiparam Virginẽ,
cuius Tu cultor Zelosissimus exi-


Præatio.

Itu in loco ipsi dicato, & impensis
tuis magnâ & magnificâ ex par-
te exornato potissimum precari,
ut benedictione Filij eius, Tu Ill^{me}
& Rnd^{me} Dñe, incolumis ac feli-
cissimus, S. Ecclesia, Reipubl: To-
lona, Illustrissima Tua Prosapia,
& nostro Ordini, in annos pluri-
mos uiuas. Datum in Conuentu
Clari Montis Czeszochouien.

Ill^{me} ac Rnd^{ma} Celsitud: Tua

Seruus in Christo.

Fr. Andreas Goldonowski,
Ord: S. Pauli Primi Ere-
mita Prior Prouincialis,
per utramq; Poloniam &
Silesiam.



Ad Lectorem.


CUm in hanc explanationem Regulæ Diui Augustini, per Melchiorum Pannonium Ordinis nostri Presbyterum factam, tenebris obrutam, ac planè in puluere sopitam incidissem; admirans in ea sinceram obseruantia Regularis affectum, hanc spem non fallacem, in animum induxi, vt sicut hic Author Sanctimonie amicissimus, suis collectaneis in S. Apocalypsim Diui Ioannis Apostoli (in quibus egregiam satis operam, teste Collectore Authorum, in Cathalogo suo, & alijs, nauauit) Doctoribus Christianis multum luminis contulit; ita etiam hisce commenta-


Ad Lectorem.

riolis bono zelo ipirituque religio-
so repletis, viris religiosis, qui vi-
tam, moresq; suos, in exempla
cæterorum trahere meminerunt,
multum emolumentum afferre vale-
at. Vt autem in perfectionis via
progredi incipientibus commodi-
us consuli possit; ex occasione ipsi-
us opusculi, singulis Capitibus (præ-
ter immutata quædam in ipso Au-
thore) breues Praxes virtutum in
Regula contentarum, ex diuersis
rerum Diuinarum scriptoribus col-
lectas, subieci. Parum enim est,
virtutem laudare, & ad eam se-
ctandam hortari; nisi etiam, (vt
sapienter Calaguritanus, de arte
concionandi, *Cap: 4.* differit) mo-
dum exercendæ virtutis ostendas.
Pluribus quidem sententijs, ac ver-
bis prolixioribus, tam ampla ma-
teria

Ad Lectorem.

teria per me potuisset tractari: verum hisce plus facere, quàm legere Lectorem intendo; cùm virtutis laus non in lectione, sed in actione (*ut Cicero 1. Offic:*) consistat; altioreque spiritu Diuus Iacobus, non auditores legis, sed factores iustificari asseueret. Tu Lector faue, vale, & pro salute animæ tuæ vtere.







Approbatio.

EGO IACOBVS VSTIENSIS, S. Theol: & I. V. Doctor ac Professor, necnon Ordinarius per Diocesim Cracouiensem librorum Censor: Explanationem Regule S. augustini Episcopi, à R. P. Gregorio Pannonio, Ordinis Fratrum Eremitarum S. Pauli Primi Eremita Presbytero, antecentum annos factam, & nunc per adm: R. P. Andream Goldonovski, eiusdem Ordinis Fratrum in polonia & Silesia Priorem Prouincialem, recognitam, atq; practici sanctioris vite documentis, in vsum Regularium, & quorumvis aliorum vite spiritaliu alumnorum, auctam, legi. Et quia Catholicam doctrinam, non modò viri religiosi, sed etiam alijs Christiane perfectionis amulatoribus proficiam, continet, eius imprimendi facultatem concedo. Datam Cracouia, in Collegio Maiori. Anno Domini 1642. ipso die S. Pauli Primi Erem.





INCIPIT REGVLA
D. AVGVSTINI
EPISCOPI.

 Nte ómnia Fratres Cha-
ríssimi, diligâtur D E V S ,
deinde próximus: quia ista duo
præcépta sunt principáliter no-
bis data:

Hæc igitur sunt, quæ vt ob-
servetis præcípimus, in Monasté-
rio constitûti.

Primum: propter quod in v-
num estis congregâti, vt vnáni-
mes habitetis in domo, & sit vo-
bis ánima vna, & cor vnum in
Dómino.

Nec

Nec dicatis aliquid propriū ;
sed sint vobis omnia communia:
& distribuatur unicuique vestrum
à Præposito suo, victus & tegu-
mentum, nō æqualiter omnibus,
quia nō æqualiter valētis omnes,
sed potius unicuiq; sicut cuique
opus fuerit. Sic enim legitis in
Actibus Apostolorum, quia erāt
illis omnia communia, & distri-
buebatur unicuique, sicut cuique
opus erat.

Rursus etiā illi qui aliquid
habebant in sæculo, quando in-
gressi fuerint Monasterium, li-
benter velint illud esse cōmune.
Qui autem non habebant, non
ea quærant in Monasterio, quæ
nec

nec foris habere potuerunt: Sed tamen eorum infirmitati, quod opus est tribuatur; etiamsi paupertas eorum talis erat, quando foris erant, ut nec ipsa necessaria poterant inuenire. Tamen non ideo putent se esse felices, quia inueniunt victum & tegumentum, quale foris inuenire non potuerunt: Nec erigant ceruicem, quia sociantur eis, ad quos foris accedere non auderant: Sed sursum cor habeant, & terrena vana non quaerant: ne incipiant Monasteria diuitibus esse utilia, non pauperibus; si diuites illic humiliantur, & pauperes illic inflantur. Rursus etiam illi qui aliquid esse

vide-

videbántur in sèculo, non hábeát fastídio fratres suos, qui ad illam sanctam Societátē ex pauperráte venérunt. Magis autem stúdeant, nō de paréntum díaitum dignitáte, sed de páuperum fratrū societáte gloríari: Nec extollántur, si commúni vitæ áliquíd de suis facultátibus contúlerint: nec de suis diuitijs magis supérbiant, quia eas Monastério partiúntur, quàm si eis in sèculo frueréntur. Alia quippe quæcúmq; iníquitas in malis opéribus exercétur, vt fiant: supérbia verò in bonis opéribus insidiátur, vt péreant. Et quid prodest dispergendo dare paupéribus, & páuperem fie-

ri,

ri, cum anima mīlra sup̄brior
efficitur, diuitias contēmnendo,
quam fūerat possidēdo ?

Omnes ergo vnanimiter, &
concorditer viuite, & honorate
in vobis Deum inuicem, cuius
templa facti estis.

Oratiōibus instate, horis &
temporibus constitutis.

In Oratorio, nemo aliquid a-
gat, nisi ad quod factum est, vn-
de & nomē accēpit. Si verò fortē
aliqui etiā prāter horas constitū-
tas, si eis vacat, orāre voluerint:
non eis sint impedimēto, qui ibi
aliquid agendum putauerint.

Psalmis & Hymnis cūm orā-
tis Deum, hoc versetur in corde,

B

quod

quod profertur in ore. Et nolite
cantare, nisi quod legitis esse can-
tandum. Quod autem non ita
scriptum est ut cantetur, non
cantetur.

Carnem vestram domate ie-
iunijs, abstinencia escæ & potûs,
quantum valetudo permittit.
Quando autem aliquis non potest
ieiunare, non tamen extra horam
prandij aliquid alimentorum su-
mat, nisi cum ægrorât.

Cum acceditis ad mensam,
donec inde surgatis, quod vobis
secundum consuetudinem legi-
tur, sine tumultu & contentioni-
bus audite, ne solæ vobis fauces
sumant cibum, sed & aures esu-
riant

riant verbum D E I.

Qui infirmi sunt ex pristina consuetudine, si aliter tractantur in victu, non debet alijs molestum esse, nec iniustum videri eis, quos fecit aliqua consuetudo fortiôres. Nec illos feliciôres putent, quia sumunt, quod non sumunt ipsi: sed sibi potius gratulentur, quia valent quod non valent illi. Et si eis qui venêrunt ex moribus delicatioribus ad Monasterium, aliquid alimêtorum vestimentorumuè datur, quod alijs fortiôribus, & ideo feliciôribus, non datur: cogitare debent quibus non datur quantum de suâ seculari vitâ illi ad istam ascen-

derint, quamuis vique ad aliôrũ,
qui sunt corpore firmiôres, fruga-
litatem peruénire non potuérũt.
Nec debent velle omnes, quod
paucos vident amplius, non quia
honorántur, sed quia tolerántur,
accipere: ne contingat detestán-
da peruérſitas, vt in Monastério
vbi quantum possunt diuites fiũt
laboriôsi, fiant paúperes delicâti.

Sanè quemádmódum ægro-
tantes necesse habêt minùs acci-
pere ne grauéntur; ita & post æ-
gritudinem sic tractándi sunt, vt
cítius recreéntur, etiamsi de hu-
millima séculi paupertate véne-
rint, tanquam hoc illis contúlerit
recéntior ægritúdo, quod diuiti-
bus an-

bus antérieur consuetúdo.

Sed cùm vires pristinās recuperauerint, rédeant ad suam felicitàrem consuetúdinem, quæ fámulos Dei tantò ámplius decet, quantò minus indigent : ne cibi eos téneat volúptas iam vegetátos, quos necéssitas leuárat infirmos. Illos æstiment ditióres, qui in sustinénda parcitáte fúerint fortióres.

Mélius enim est minus egêre, quàm plus habêre.

Non sit notábilis hábitus vester; nec affectétis véstibus placêre, sed móribus.

Quando procéditis, simul ambulare : cùm venéritis quo itis,

Ma.

simul state: in incéssu, statu, hábitu, in ómnibus mótibz vestris, nihil fiat quod cuiúsquam offéndat aspéctum, sed quod vestram déceat sanctitátem.

Oculi vestri & si iaciántur in aliquam foeminárum, in nullam figantur. Neq; enim quádo proceditis foeminas vidére prohibémini: sed appétere, vel ab eis appeti velle, criminósum est. Nec iolo rácito afféctu, sed afféctu & aspéctu quoque appetitur, & appetit cōcupiscéntia foeminárum. Nec dicátis vos habére ánimos pudícos, si habeátis óculos impudícos: quia impudícus óculus, impudici cordis est nūntius. Et cūm

se in-

se inuicem libimet, etiam tacente
linguâ, conspectu mûto corda
nûnciant impudica, & secûndû
concupiscéntiam carnis, altêru-
tro delectântur ardôre, etiam in-
tâctis ab immûnda violatiône
côrporibus, fugit cástitas ipsa de
môribus. Nec putâre debet qui
in foeminam figit ôculum, & ipse
in se illius dirigit fixum, ab alijs
se non vidêri cûm hoc facit: vidê-
tur omnîno, & à quibus se vidêri
nô arbitrâtur. Sed & si lâteat, vt à
némine hómînum videâtur: quid
faciet de illo dêsûper. inspectôre
quê latêre nihil potest? An ideo
putândus est non vidêre, quia tã-
tò videt patiéntius, quantò sapi-

éntius: Illi ergo vir ianctus time-
at displicêre, ne velit foeminæ
malè placêre, Illū cōgitet omnia
vidêre, ne velit foeminæ malé vi-
dêri. Illius namq; & in hac cau-
sa commendâtus est timor, vbi
scriptum est: Abominatio est Dō-
mino, defigens óculum. Quando
ergo simul estis in Ecclesiâ, & v-
bicūque foeminæ sunt; inuicem
vestram pudicitiam custodite:
Deus enim, qui hábitat in vobis,
isto etiam modo custódiat vos
ex vobis. Et si hanc, de qua lo-
quor, óculi petulántiã in álquo
vestrum aduertéritis, statim ad-
monête, né cœpta progrediân-
tur, sed de próximo corrigântur.

Si au-

Si autem & post admonitiōnem
iterum, vel alio quocūq; die, id
ipsum eam facere vidēritis: iam
velut vulneratū sanāndum pro-
dat, quicūque hoc potuerit in-
uenire. Prius tamen est alteri, vel
tērtio, demonstrāndum, vt duō-
rum vel trium possit ore convin-
ci, & competēti seueritate co-
erceri. Nec vos iudicētis esse ma-
linolos, quādo hoc indicātis: ma-
gis quippe innocētes non estis,
si fratres vestros quos indicādo
corrīgere potēstis, tacēdo perī-
re permittitis. Si enim frater tu-
us vulnus habet in corpore, quod
velit occultāri dum timet secāri,
nonnē crudēliter à te silerētur,

B

B 5

& mi-

4
& misericórditer indicarêtur?
Tantò ergò pótius debes mani-
festâre, ne detérius putréscat in
corde. Sed antequâ alijs demon-
strêtur, per quos conuincêndus
est, si negâuerit, prius Præposito
debet ostêndi, si admônitus ne-
gléxerit còrrigi: ne fortè secréti-
ùs còrréctus possit nō innotésce-
re cæteris. Si autem negâuerit;
tunc negânti adhibéndi sunt alij
etiam testes, vt coram omnibus
possit iam nō ab vno teste argui,
sed à duôbus vel plúribus cōuin-
ci. Conuictus verò secúndum
Præpositi vel Presbyteri (ad cu-
ius dispensatiônem pértinet) ar-
bitrium, debet emendatóriâ sub-

ire vin-

ire vindictam ; quam si ferre recusauerit, etiam si ipse non abscesserit, de vestra societate projiciatur : Non enim & hoc fit crudeliter, sed misericorditer, ne contagione pestifera plurimos perdat. Et hoc quod dixi de oculo non figendo: etiam in cæteris inueniendis, indicandis, prohibendis, iudicandis, conuincendisq; peccatis, diligenter & fideliter obseruetur, cum dilectione hominum, & odio vitiõrum.

Quicunque autem in tantum progressus fuerit malũ, vt occulte ab aliquo litteras, vel quodlibet munus acceperit, si hoc vltro confitetur, pareatur illi, & oretur

pro eo,

pro eo : si autem deprehénditur,
atq; cōuincitur, secúndum arbí-
trium Præpósiti vel Presbyteri,
gráuius emendêtur.

Vestes vestras in vnum habeâ-
tis sub vno custôde, vel duôbus,
vel quot sufficere possint ad eas
excutiêdas, ne à tîneâ lædântur.
Et sicut pascimini ex vno cellá-
rio, sic induâmini ex vno vesti-
ario. Si fieri potest, ad vos non per-
tíneat, quod vobis indumentum
pro témporum congruéntia pro-
ferâtur, vtrum hoc recípiat vnus-
quisq; vestrū quod deposúerat,
an aliud quod alter habúerat: dū
tamen vniúque, prout cúique
opus est, non negêtur. Si autem

hinc

hinc inter vos contentiones & murmura oriuntur, cum cõqueritur aliquis se detérius accepisse quam prius habúerat, & indignũ se esse, quod non ita vestiatur, sicut alius frater vestiebatur: Hinc vos probate, quantum desit vobis in illo interiõri sancto habitu cordis, qui pro habitu corpõris litigatis. Tamen si vestra toleratur infirmitas, vt hoc recipiatis quod posueratis: in vno tamẽ loco sub communibus custõdibus habete quod ponitis. Ita sanè, quod nullus sibi aliquid operetur, sed omnia vestra in vnum fiant maiõri stúdio, & frequentiõri alacritate, quàm si vobis singuli feceritis
pro-

propria. Charitas enim, de qua scriptum est, quod non quaerit quae sua sunt, sic intelligitur, quia communia proprijs, non autem propria communibus antepônit. Et ideo quanto amplius rem communem, quam propria vestra, curaueritis, tanto amplius vos proficere noueritis: ut in omnibus quibus utitur transitoria necessitas, superemineat quae permanet charitas. Consequens ergo est, ut cum quis filijs suis, aut aliquam necessitudine ad se pertinentibus, in Monasterio constitutis, aliquam contulerit vestem, siue quodlibet aliud, inter necessaria deputandum: non occulte recipiatur,

piatur; sed sit in potestate Præpositi, ut in rem communem redactum, cui necesse fuerit præbeatur. Quod si aliquis rem sibi collatam celauerit, furti iudicio condemnetur.

Indumenta vestra, secundum arbitrium Præpositi lauentur, siue à vobis, siue à fullonibus: ne interiorēs animæ sordes contrahat mundæ vestis nimius appetitus. Lauacrum etiam corporis, cum infirmitatis necessitas cogit, minimè denegetur: Fiat sine murmure de consilio medici, ut etiam si nolit, iubente Præposito faciat quod faciendum est pro salute. Si autem velit, & forte non
expe-

expedit, suæ cupiditatî non obediat. Aliquândo enim, etiâmsi noceat, prodesse creditur quod delêctat.

Dênig; si latens est dolor in corpore: famulo Dei dicenti, quid sibi dôleat, sine dubitatîone credatur. Sed tamen vtrum sanândo illi dolôri, quod delêctat expediat, si non est certum, medicus consulatur.

Nec eant ad bálnea, siue quocúnque ire necesse fuerit, minus quam duo, vel tres. Et ille qui habet aliquo eundi necessitatem, cum quibus Præpositus iússerit, ire debet.

Ægrotantium cura, siue post
agri-

ægritudinem reficiendôrum, siue
aliqua imbecillitate, siue etiã fe-
bribus laborantium, vni alicui
debet iniungi, vt ipse de cellário
petat quod cuique opus esse per-
spéxerit.

Siue etiam qui cellário, siue
qui vëstibus, siue qui codicibus
præponuntur; sine mûrmure sér-
uiant fratribus suis.

Códices certâ horâ singulis
diëbus petántur: extra horã qui
petierit non accípiat.

Vestiménta verò & calcea-
ménta, quãdo indigéntibus fúe-
rint necessariã, dare non differãt,
sub quorum custódia sunt quæ
poscúntur.

Lites autem nullas habeatis, aut quam celerrimè finiatis; ne ira crescat in ódium, & trabē faciāt de festūca, & ánimam faciāt homicídā. Sic enim légitis: Qui odit fratrem suum, homicída est. Quicúnque ergo conuicio, vel maledicto, vel etiam criminis obiéctū áliquem læserit, memínerit satisfactiōne quàm citius curāre quod fecit; & ille qui læsus est, sine disceptatiōe dímítere. Si autem ínui cem se læserint, ínui cem sibi débíta relaxāre debébunt; propter oratiōnes vestras, quas utiq; quantò crebriōres habētis, tantò sanctiōres habēre debētis. Mélior est enim

qui

qui quamuis irâ læpè tentâtur, tamen impetrâre festinat vt sibi dimittâtur, cui se fecisse agnôscit iniúriam, quàm qui târdius irâscitur, & ad véniam petendam târdius inclinâtur. Qui autem nunquam vult pétère véniã, aut nō ex ánimo petit; sine causa est in Monastério, etiãsi inde non proijciâtur.

Proinde vobis à verbis duriôribus párcite, quæ si emissæ fuerint ex ore vestro, non pígeat ex ipso ore proférre medicaménta, vnde facta sunt vúlnera. Quando autem necéssitas disciplinæ in moribus coercéndis, dicere vos dura verba compéllit, etiãsi ipsi

vos modum excelsisse sentitis, non à vobis exigitur, vt vobis à subditis véniam postulétis; ne apud eos, quos opórtet esse subiectos, dum nímium seruâtur humilitas, regéndi frangâtur auctoritas. Sed tamen peténda est vénia ab ómnium Dómino, qui nouit eos, quos plus iusto fortè corrípitis, quantâ beneuoléntiâ diligâtis.

Non autem carnâlis, sed spirituâlis inter vos debet esse dilectio.

Præpósito tanquam Patri obediâtur: multò magis Presbytero, qui ómnium vestrum curam gerit.

Vt ergo

Vt ergo cuncta ista seruén-
tur, & si quid seruátum minùs
fúerit, non negligénter prætereá-
tur, sed vt emendándum corri-
gendúmue curêtur. Ad Præpó-
situm præcípuè pertinêbit, vt ad
Presbyterum (cuius est apud vos
maior aúthóritas) réferat, quod
modum vel vires eius excêdit.


Ipse verò qui vobis præest, nō
se existimet potestâte dominán-
te, sed charitâte seruiénte felicē.
Honôre coram vobis Prælátus
sit; timôre coram Deo substrátus
sit pédibus vestris. Circa omnes
seípsum bonôrum ôperum præ-
beat exémplum. Corripiat in-
quiêtos, consolêtur pusillánimes,

sustineat infirmos , pátiens sit ad omnes, Disciplinam libens hábeat, metuendus impônat, & quâuis utrûmq; sit necessárium, tamen à vobis plus amâri áppetat, quam timêri ; semper cógitans Deo se pro vobis redditûrum ratiônem. Vnde vos magis obediendo, non solum vestri, sed etiã ipsius miserémini , qui inter vos quantò in loco superiori, tantò in perículo maiôri versâtur.

Donet Dóminus vt obseruetis hæc ómnia, tanquam spirituâlis pulchritúdinis amatôres , & bono Christi odôre de bonâ conuersatiône fragrántes ; non sicut serui sub lege, sed sicut líberi sub grátia constitûti.

Vt

Vt autem vos in libello hoc,
tanquam in speculo possitis in-
spicere, ne per obliuionē aliquid
negligatis, semel in septimana
vobis legatur: & vbi vos inuené-
ritis ea quę scripta sunt faciētes,
ágite grátias Dómino bonórum
ómnium largitóri: vbi autem si-
bi quicúnque vestrum viderit á-
liquid deesse, dóleat de præteri-
to, cáueat da futûro, orans vt
sibi débitum dimittâtur, &
in tentatióem non
inducâtur.



EXPLANATIO

REGVLÆ

D. AVGVSTINI

EPISCOPI HIPPONEN.

HÆc Regula Professionis nostræ, commendatur à præstantiâ Authoris, qui est excellens Ecclesiæ Doctor; utpotè, qui totum mundum suâ illustravit sapientiâ. quæ quidem Regula quia particulatim, maximè in sensu, excerpta est ex Sacra Scriptura, quæ tota Christi est; reuera Christi potius dicenda, qui Spiritum excitavit in B. Augustino, ut illam iuxta formam Apostolicam, conscriberet: seu daret certas præceptiones, quæ modò rectè viuendi præberent hominibus religiosis, ut per eas ad perfectionem vitæ tenderent: quatenus charitate Divinâ, seu amore benevolentia Dei supernaturali imbuti, ablatâ inordinatâ passionum, seu affectionum carnalium,

cupidi-

cupiditate, vitijs depulsis, ac ornati virtutibus; expediti redderentur ad functionem vitæ spiritualis, moreq; heroico, purè propter ipsum Deum, bona agerent, mala perferrent: idq; ad exemplum Christi Domini.

FVNDAMENTVM

REGVLÆ.

*Ante omnia Fratres Charissimi,
diligatur Deus, deinde
proximus. &c.*

FVndamentum Regulæ non est aliud quàm ipsum Euangelium, quod totum charitas est, intendens bonum, solius Dei, & proximi propter Deum: quæ tam necessaria res est, vt sine hac nulli constet salus, vt probat Apostolus 1. Cor: 13. *Si linguis hominum loquar, aut Angelorum, charitatem autem non habeam, factus sum velut æsonans, aut cymbalum tinniens: quæ cum alijs sonitu profint, cæterùm se ipsa pulsu destruunt; homines conuocant, & congregant, ipsa in*

loco fixa manent. Plura ibidem in hanc sententiam dicit; quod nec Prophetiæ sine hac valeant, nec sapientia, vlla; imò quod maximum est, nec ipsa fides. (quod enim iustus ex fide viuere, à S. Apostolo asseratur, *ad Rom: 1.* intelligi debet de fide charitate formata.) sed neque distributio rerum pauperibus, ipsumq; Martyrium. Perinde ergo est charitas in re salutis, atque vita radices in arbore, sine qua nec folia, nec fructus profert. Propterea & in lege maximum præceptum datum fuit de ipsa dilectione, vt habetur *Deut: 6. Matth: 22. Mar: 12.* ed quod quidquid lege continetur, totum in idipsum desinat, vt totam nostram intentionem non ad aliquod bonum creatum, quantumcunque illud sit vtile, honestum, delectabile: sed ad Dei maius beneplacitum, & obsequium eius dirigamus; totum intellectum Deo subiiciamus; omnes appetitus nostros, necnon omnia opera externa ad normam legis Diuinæ componamus; nihilq; prorsus velimus contrarium dilectioni Diuinæ: quin prius consideremus verbum, ipsamque

cogitationem, antequàm illi consentiamus, an Deo placeat nec ne? Proximo autem, etià inimico, bonum cupiamus, sicut nobis ipsis; ei que succurramus, sicut vellemus nobis ipsis succurrere: principaliter autem, ei optemus bonum animæ, ipsam que felicitatem, æternam; cum alia in ordine ad eam consequendam, ipsum re ipsa adiuuantes: Ideo dilectionem D. Paulus vocat plenitudinem legis, *Rom: 13.* & finem præcepti ipsam charitatem; *1. Tim: 1.* quam definit de corde puro, conscientia bona, & fide non ficta.

P R A X I S.

Diligendus est Deus, non solum, ut Author naturæ, sed etiam ut Author gratiæ & gloriæ: ut docet S. Thomas, *1. 2. q. 113.* & passim DD. Si quis enim, v. g. cognoscit Petrum ut Dominum suum; istum quâ dominus eius est, veneratur & amat: si tamen eundem postea cognoscat esse Patrem suum, profectò altiore modo eundem honorabit & diliget: ita Deus Opt: lumine rationis, quâ Creator; & lumine fidei, quâ gratiæ & gloriæ lar-

ria largitor à nobis cognitus, non solum amore naturali, ve: ùmetiam supernaturali est diligendus. & eodem amore actus nostri ad meritum gloriae caelestis, ut ab eo procedant, sunt informandi: ut habet Concil: Trident: Sess: 6. c. 16. & communiter DD.

Praxim autem diligendi Deum, habemus ab ipso Deo traditam, in breui Dialogo S. Catherinae Seneñ: in hæc verba: Si me perfecte amare vis, te tria facere necessè est. Primò: Ut voluntatem tuam ab omni amore, affectuq; terreno & carnali, pro suis amoveas, segreges, mundifies; ita ut in ista vita nihil transitorium, nihil caducum, nihil temporale ames, nisi propter me, & quod maius & maximum est, non ames me propter te, aut proximum propter te; sed ames me propter me, & proximum propter me: quoniam diuinus amor terreni affectus, aut alterius cuiusvis amoris, consortium pati non potest. Vnde quantum te terrenarum rerum, cogitatione infeceris tantum & in mei amore peccabis, & de tua perfectione desperdes: mentem quippe ut munda sit & sancta, omnia quæ carnis sentit, fastidire necessè est. Effice igitur, ne quidquam ex his quæ à bonitate mea vestros in usus profecta sunt, te ad me

aman-

amandum impediatur; sed omnia adiuuent,
accendant, inflamment; quoniam ea vobis
creando concessi, ut bonitatis mea largitatem
latius ex ipsis dignoscentes, me abundantiore
quoque amore prosequamini. Cum hoc imple-
ueris, ad secundum etiam, quod est altioris
perfectiōnis, peruenire poteris, ut omnes co-
gitationes, actus & opera tua dirigas ad meū
solummodò honorem, & gloriam, semperque
soli meae laudi studiosissime des operam, preci-
bus, verbis, & exemplis, & quomodo possis;
ut non tu tantum sic, sed alij omnes tecum pa-
riter & eodem modo affecti sint, utque unius: si
me ipsum nōrint, ament, colant; hocque magis
mihi placet quàm primum, quoniam magis
inaples voluntatem meam. Tertium, quod
reliquum est, si affecuta fueris; tibi nihil de-
esse, teque consummatam integritatem conse-
cutam sibi. Illud autem hoc est, ut summo
desiderio queras, nitaris, & studeas ad hanc
peruenire mentis dispositionem, ut mihi ita
coniuncta sis; tuaque mea (quae perfectissima
res est) ita similis sit conformisque voluntas, ut
nolis non solum malum, sed & bonum, quod
ipse nolim, idque eueniat quicquid velit, & un-
decumque velit in istius vitae misceria, siue spiri-
tualibus; siue temporalibus in rebus: hoc mi-

nime

nimè frāgatur pax tua, turbetur uē quies mē-
tis tuæ; sed in concussa fide teneas, me semper
Deum tuum omnipotentem magis amare te,
quā tu te ipsam, meq. tui diligentissimam
habere curam, ac multo diligentiorē quā
tu. Quāto magis sic te mihi commiseris, de-
derisq. tantō magis te adiuvans tibi semper
adéro; & tu ipsa clariùs cognosces, ac uberi-
ùs senties circa te dulcissimam charitatem
meam. Ad hanc autem perfectionem perue-
niri non potest, nisi per stabilem, constantem,
& absolutam, propriæ voluntatis abnegatio-
nem; ad quam plurimū iuvabit (ut ibi-
dem subditur) cognitio sui, sicut etiam co-
gnitio Dei, ad diligendum Deum, quæ ordi-
nariè in Sacris Meditationibus exercetur, ac
obtinetur.

C A P V T I.

De vnitāte animorum.

Hæc igitur sunt, quæ ut obserue-
tis, præcipimus, &c.

PROposito hoc tam insigni ac præ-
stanti fundamento, cui tota Scri-
ptura

ptura sacra innuitur; & quod est robur salutis nostræ: B. Pater aggreditur superstruere suas præceptiones; ac primò hortatur ad vnitatem & concordiam; tam forti persuasione; vt rationem capiat ab illa nostra intentione, quâ ipsis initijs ingressi sumus hanc Religionē, quando non aliud cogitabamus, quàm vt iugiter in sanctâ professione; ad quâ suâ inspiratione hos Christus induxit, communi charitate soli Deo conuiueremus; aliàs quis in hanc sodalitatem accessisset? Conuenit ergo, vt illam intentionem nostram semper in recētī memoriā habeamus; vt viuamus vnanimiter & concorditer, qui primus est charitatis fructus. Nec enim Christo cordi est congregatio dissentiens; qui, vt habetur *Iouan: 17.* rogat Patrem; vt vnum sint sui in ipso: & hoc est vnanimis esse, quod vnā animam habere; id est, in charitate consistere.

Adiēcit autem: *In Dōmino*: vt per hanc particulam exploderet malē sibi consentientem societatem; neq; enim latrones; fures; alijsq; malefactores, etsi se mutuo ament, & vnanimis sint; quia
tamen

tamen in malo, & non in Domino, charitatem habere dicuntur: quæ solum in Domino quærit domicilium, & in ijs qui sunt ad diuina beneplacita concordēs, residere putatur, quos etiam Deus ipse inhabitare facit vnius moris in Domo. Primum igitur præceptum Regulæ est, vt vnanimēs habitemus in statu S. Religionis, idem sentiamus pro Deo, cœlo, virtute, ac bono S. Ordinis: indeque mutuis consilijs, auxilijs, ac etiam communibus obsequijs, vt strenui milites, fideles cooperatores, probique filij, quos communis ratio boni vnum intendere cogit, nos iuuare inuicem, parati simus, cum propter id vnum simus congregati.

Est autem argumentum à necessitate causæ: quia propter id congregati sumus in vnum, ac iisdem legibus obstricti, vt vnanimēs habitemus in Domo; vt non sint in nobis schismata, sed vna anima, & cor vnum in Domino, procul sepositis priuatis respectibus. Nobis inquā, qui in Monasterio, Scholâ virtutis, Palæstrâ perfectionis, professione humilitatis ac innocentiae, sumus consti-

constituti. Dicit namq; Paulus : *Quacumq; lex loquitur, his qui in lege sunt loquitur.* Rom: 13. Cogit ergo hoc præceptum nos, ad sui obseruationem.

P R A X I S.

Hieronymus Platus, lib: 3. Cap: 10. *Praxim vnanimitatis Claustralis, hoc modo innuit. Itaq; illam quoq; suauitatem affert hæc religiosa Societas, quod conuiuendo, frequentem, aut potius assiduam, præbet quodammodo officiorum copiam, quibus amor fraternus, quasi ignis suo pabulo alitur, aut augetur. Primum consuetudine & vsu tam familiari, vt non possit esse interior, congressibus & colloquijs humanissimis; deinde beneficijis datis & acceptis, & vicissitudine quadam studiorum & obsequiorum non inaniū; cuiusmodi inter seculares pleraq; sunt in speciem, & ad proprium ferme commodum; sed spiritualium, & in quibus nihil aliud quam fraterna utilitas, vel Dei honor queritur.*

Potissimum verò medium, Calaguritanus parte 2. Instr: Nouit: Cap: 4. præbet adseruandam vnitatem: Aliorum se moribus accommodare, quantum sine virtutis

damno fieri valet; ac in semetipso corrigere, quidquid ob deformitatem alijs displicere potest. Deinde, aliorum errata, vel deformia, patienter ferre, nec sibi molesta esse, significare. Demum, ut Seruatus in Opt: Reg: Specul: 39. habet. Prælatus quantocius bonorum dissidia tollat, eorumq; concordiam conglutinet: deinde qui in malum conspirant, abinuicem auellat, dimoueat, distrahat. Et quia virtutibus vitia contraria sunt: prudentissimè vitium proprietatis, quod ex diametro virtuti unanimittatis opponitur, sequente præcepto à Religiosis propulsatur.

CAPVT II.

De Voto paupertatis Religiosæ.

§ I.

*Nec dicatis aliquid proprium,
sed sint vobis omnia communia.*

Quam aptissimè præcepta ex præceptis nascantur, & quam pulchro ordine

ordine disponantur, vides: post geminam charitatem, vnanimitatem posuit, quòd effectus eius sit proprius; nunc quid maximè possit impedire, imò & rumpere vnanimitatem, cauet; & istud est vitium proprietatis, seu proprium: nam si id in sanctam congregationem irrepsit, dissoluta sit vnanimitas necesse est: propter enim Meum & Tuum, vniuersus diuiditur Orbis. Vbi operæpretium fuerit nosse per definitionem, quid sit proprium; in omni enim, inquisitione oportet primùm intelligere, quid per nomen significetur, eùm, id præcognitionem quandam afferat ad rei proprietates posterius cognoscendas. Vnde D. Augustinus, Manichæum hæreticum ostēdit esse etiam inde grauius lapsum, quòd nesciret quid esset malum, de malo disputaturus.

Proprium ergo, vt ad præsens pertinet, est, quidquid celatur Abbati, id est, occultatur Prælato; vel habetur sine legitimâ permissione, aut contra voluntatem eius. Fieri enim potest, vt illegitimam faciat quandoque permissionem, vel ex suâ deprauatâ voluntate

Prælati, vel ob peruersam importunitatem, aut insolentiam subditi; vtpotè ad tenendam pecuniam, vel aliud, propter quod vitium proprietatis incurritur. Igitur vt penitus definitio posita explicet totam rationem definiti, sic illud definiri multis placet. Proprium est, ius aut facultas possidendi rem, per se aliquam, aut per alium; vel illa vtendi ex propria voluntate; & independenter à voluntate Superioris; vel quantum in ipso est, tanquam suam defendendi; siue cum permissione id habeat, siue non. Et hæc est perfecta proprii definitio, cuius cognitio abscindere potest omnem possessionem à professore integerrimo Sanctæ paupertatis; cum, per professionem iam, non, sic sui iuris: Quod si iuris sui non est, quæ iniuria, vt iam possidere nihil valeat? quæ peruicacia, vt audeat?

Vnde nota: quo die quis Regularem Professionem emittit, debet omnia relinquere, & nihil mundi retinere, triplici ratione. Primò: vt pacem cordis habeat, aliàs hanc non assequitur; sicut nec quis in sinu spinam abscondit, &

non

non eijcit. Senecæ, grauis morum Magistri, sententia est: *Proijce qua cor tuum lamiant, quæ si aliter extrahi nequeunt, cor ipsum cum eis euellendum est.* Secundò, vt eum Deus totum habeat: nam si aliquid mundi à professione quis possidet, Princeps huius mundi, id est Diabolus, aliquid in eo habet, & non est totus Dei. Vult enim Christus nihil cū hoc Principe commune habere: *Quæ enim participatio, dicit D. Paulus, iustitiæ cum iniquitate, aut quæ societas luci ad tenebras? quæ conuentio Christi ad Belial?* 2. Cor: 6. Necessè est ergo, vt excussus expeditusq; sit ab his impedimentis, qui ad Religionis statum accedit, vt non retinaculis vllis retrahatur, prorsusq; Dei sit ex toto. Tertiò, ne pro modico multa perdat. Religiosus enim habens proprium, amittit Deum. Augustini verba sunt in persona talium: *Ego per auaritiam meam non te amittere volui, sed volui tecum possidere: mēdacio te amisi, quia non dignari cū mendacio possideri.*

Porro miseret me enumerare, quibus proprietarius exponat se periculis in Religione. Primum horum est, quia

eo factō est inobediens iuræ Regulæ, quum, obseruare solemni voto se obstrinxit; est & periurus, quod vouerit paupertatem, nec obseruat: est scandalosus, per quem plures labuntur. *Sed vñ homini, per quem scandalum venit. Mat: 18.* Secundum, quia inobediens est Ecclesiæ, quæ cauet, ne quis Monachorum, possit habere proprium. Sic enim legis in *Extrauag: de statu Monach: Cū ad Monast:* Prohibemus districtè, in virtute Sanctæ Obedientiæ, & sub attestatione diuini iudicij, ne quis Monachorum proprium aliquo modo possideat: sed si quis aliquo modo possidet, in continenti resignet. Si verò deprehensus fuerit, regulari admonitione præmissâ, de Monasterio expellatur, nec ultra recipiatur, nisi poeniteat secundum Monasticâ disciplinam: & si in extremis circa aliquem proprium repertum fuerit, ipsum cum eo, in signum perditionis

sub-

subterretur. Tertium, quod horrendissimum, est, quia proprietarius quodammodo est excommunicatus. vt habetur in *Extravag: de statu Monachorum*. vbi legitur: Monachus, qui peculium habuerit, nisi ei pro iniunctâ administratione ab Abbate permissum fuerit, à communione amoueat^r Altâris: & qui in extremis cum peculio inuentus fuerit, & dignè nō poenituerit; nec oblatio pro eo fiat, nec inter Fratres sepulturâ recipiat. Quartum, sic irregularis, id est, sine regula & lege: secundum quod dicit Apostolus: *Quicumq; sine lege peccauerunt, sine lege peribunt: & quicumq; in lege peccauerunt, per legem indicabuntur.* Rom: 2. Ideò D. Bernardus: *Monacho habenti proprium, negabit Deus suum proprium, quod est misereri & parcere.* Et proprietarij qui non conuertuntur, vt plurimum malâ morte & subitanâ moriuntur. *Sic mortuus Ananias & Saphira.* Act: 7.

Quàm prudenter ergo maximum hoc malum, hæc Sacra Regula, à suis

profel-

professoribus remouet, cūm dicit : *Nec dicatis aliquid proprium.* Minus est dicere, quā habere : quōd si id quod minus est cauet, multō magis id quod est maius intercedit. Vel per id verbum, *dicimus*, vult significare quod habemus : vt sit dicere pro habere. Nec dicatis, id est non habeatis ; vt quī in communem vitam iurāstis, steteris iureiurādo vestro, vt cōmuniter habeatis omnia ; qui vosmetipsos communes fecistis Congregationi : vt nemo vestrūm sui iuris sit. Hæc idcirco fusiùs tradidi, quod sit vnū ex tribus professionis nostrę Votis, paupertatis votum, contra quod proprietatis dimicat. Tu promissa Deo exolve, & ex dictis plura conijce. Hic mihi statim exiliat quis, dicens : Fieri non potest, vt vita hæc præsidio careat suo ; & donec in mundo sumus, multis circumuallamur necessitatibus ; quis igitur providebit mihi ? Ad hoc in promptu est responsio, in eo quod sequitur.

§. 2.

Et distri-

*Et distribuatur unicuique vestrum
à Præposito suo, &c.*

TRia hic docemur : Primum est, ut à Prælato Domûs, unicuique victus & tegumentum, provideatur, quibus solis contenti debent esse Religiosi, iuxta illud Apostoli : *Habentes alimenta, & quibus tegamur, his contenti simus.* 1. *Timoth.* : 6. Nam soli necessitati naturæ, in sustentationem eius, providere debemus, & non intendere superfluitati, ut aliqui mundo dediti solent, qui cum latis addunt, nec satiantur ad extremû. Secundum est : ut non æqualiter omnibus provisió fieri debet, sicut nec omnibus eodẽ modo infirmis providet Medicus, sed prout cuiusque naturæ complexio exigit : ita nobis, eò quòd non æqualiter validi sumus in fortitudine naturæ, sed alij alijs imbecilliores, iuxta requisitum necessitatis providendum. E. G. Hic Novitius est mollius sustentandus, ut potè, teneræ complexionis, donec pertingat ad rigoris sufferentiã : ille sublimiter natus, aut de summâ di-

gnitate ingressus, ad tempus aliter fouendus est, quousque natura solidetur, & fractus non deficiat: paulatim namque durioribus assuescimus. Sic suos lentè habilitabat ad vitā Apostolicam Christus, eosdemque, vt essent norma sustentandi Nouitios, contra calumniatores sapienter simul & oportunè excusauit dicens: *Non possunt filij nuptiarum ieiunare, donec sponsus manet cum illis.* Sic fieri non potest, vt statim delicati Nouitij veteranis adæquentur, quos consultius paulatim assuescimus vitæ austeritati, id est, abstinentijs, Vigilijs, alijsque oneribus Religionis. Id quoque cura Matrū edocet, quæ infantem, molliori lactis suctu fouent; tum, præmansum cibum ingerunt; postea alimēta cætera, cautiùs expediunt.

Nemo tamen putauerit inde, gulæ studium à nobis persuaderi: non vtiq; , imò sicut summa cura in educandis pueris est adhibenda, ne à tenera ætate, gulæ indulgere assuescant; sic in Religione ita fouendi & educandi sunt Nouitij, vt à delicijs desistant: non est igitur quod hic personarum acceptionem

innu-

innuam, sed occurrentis necessitatis subleuationem.

Tertium est quod docemur: Vt in commune congregemus; id est, vt proprietarij non simus: erimus autem, si in commune non congregauerimus. Domini vox est: *Qui non est mecum, contra me est: & qui non colligit mecum, dispergit.* Luc: 11. Hac Domini autoritate potest quilibet Prælatus cōtra proprietarios vti, ijsque statum primitiuae Ecclesiae, cuius post professionem Sacram imitatores facti sunt, reuocare: vbi credentes vendebant possessiones, & afferebant pretia rerum ante pedes Apost. Act: 4. opinor moti verbis Domini dicentis: *Si vis perfectus esse, vade, & vende omnia quae habes, & da pauperibus, & habebis thesaurum in caelis: & veni sequere me.* Mar: 10. & Matth: 19. Item ex eo quod dicit: *Qui non renunciauerit omnibus quae possidet, nō potest meus esse discipulus.* Luc: 14

In summa, identidem considerent Prælati, ne fiant occasio proprietatis subditorum, si minùs necessitatibus eorum prouiderint. Non quod & subditi à peccato immunes sint, dum pro libi-

tu suo

tu suo res sibi comparant, aut ijs vtuntur, sed occasio mali eorum Prælati fiunt, ad quos pertinet dispensatio. Considerent etiam, e regione subditi, ne cupiant præter victum, & amictum, aliquid superflui: hæc enim, sola posita sunt in Regula: Ego victus & amictus metior dispensationem, iuxta facultatem Domus, & labores subditorum. Vbi suâ diligentia Prælatus adniti debet, ne quasi inuitus, sed liberè; non tristis, sed hilarius; non turbulentus, sed mitis; non improperans, sed exhortans necessaria distribuat: ac semper vt melior à se discedat, subditus, agendum est Prælato,

§. 3.

*Rursus qui aliquid habebant in
saeculo, quando ingressi fuerint
Monasterium, &c.*

INstituerat Sermonem de non habendo proprio: copiosius eundem complet & producit, & tantâ contentione,

& ani-

& animi vi; tantâ prudentiâ & circum-
spectiōe, vt nihil abesse queri possit.
Hic autem cū dicit: Rursus qui ali-
quid habebant in seculo, quādo in-
gressi fuerint Monasterium, libenter
velint illud esse commune. Confir-
matio videtur superioris Sentētiæ; quā
depulit proprium à S. Religionis pro-
fessoribus. Ac si diceret: Tantum abes-
se debebit proprij possessio à professo
Fratre; vt ne his quidem qui nouiter in-
gressi sunt, etsi improfessis, permitti po-
terit aliquid possidendum; sed quod
intulerint, velint illud esse commune.

Quæres: Vtrum Religionem, in-
trans, & in illam bona sua inducens, fa-
ciat secundū Domini consiliū, vbi
dicit: *Si vis perfectus esse, vade, & vende
omnia quæ habes, & da pauperibus* Matt: 19.
Videtur enim quodd non impleat hoc
consiliū, eò quodd non distribuāt pau-
peribus quod secum induxit, sed sibi re-
tineat cum alijs, quorum sodalitatē,
intrauit? Respondeo: Si diligenter rem
volumus intueri, non obstante, quodd de
eis in posterum aliquid cadat in suū,
viliū,

vsum; plenè consilium Domini, intràs
 sic Religionem, implet. Vadit enim,
 ille, qui à sua voluntate recedit, vendit,
 qui nihil sibi derelinquit: vt scilicet in
 primo abnegatio propriæ volūtatis sit,
 quod maius est, quàm rerum à se alie-
 natio; eò quod nihil carius habeat ho-
 mo, nihilq; tenacius sit illi, quàm sua
 voluntas: vt magis possibile sit omnia,
 quantumuis magna & multa, relinque-
 re homini, quàm ipsam voluntatem.
 Hoc ergo est, quod primò, & præcipuè
 amisisse debuimus, vt de cætero, non
 nostra sed aliena volūtas vigeat in no-
 bis, sumpta pro nostrâ, & tanquam no-
 stra, habita; sicut truncus insitum ra-
 musculū, velut suâ fouet arborē, in fru-
 ctus, cum multiplices, tum suaues. Por-
 rò in secundo verbo: videlicet, *Vende*,
 alienatio temporalium rerum indica-
 tur; quod abundè implemus, dum vo-
 luntariè pauperibus, id est Fratribus, res
 nostras communes facimus. Num tibi,
 oro, pauper videtur professor vitæ re-
 gularis? aut vter magis hoc nomine in-
 signiendus, quem fecit necessitas, an
 quem fecit voluntas? Equidem quem,
 fecit

fecit voluntas; qui causâ Dei omnia reliquit. & seipsum Deo obtulit; qui nihil in mundo vult habere proprium, quantum vel vno passu metiaris. Sunt multi pauperes, necessitate magis quam voluntate (nisi cui necessitas ipsa, versa sit in voluntatem) quorum multis paupertas grauis fit. & odiosa: grata autem voluntarijs, qui inde placent Deo, quia propter amorem Christi, paupertatem Euangelicam sponte elegerunt.

Sed quid sibi vult, quod sequitur: Qui autem non habebant, non ea quærant in Monasterio, quæ nec foris habere potuerunt. An ita intelligendum? Vestem non habebant, non igitur danda eis? panem non habebant, negandus illis cibus? Non utique. Sed hoc præcipitur, vt non superflua habere velint; atque vt contenti sint his, quæ illis conceduntur ad vsum, pro necessitate tantum subleuanda, non pro superfluitate, qui foris vix fortè ipsa necessaria habere potuerunt.

Ideo sequitur: Sed tamen eorū infirmitati, quod opus est tribuatur,

etiamsi

etiam si paupertas eorum talis erat, quando foris erant, ut nec ipsa necessaria poterant inuenire. Neque enim secularis fortuna in Religione est adeò spectanda, ut pro modo conditionis cuique prouideatur, considerando videlicet, an fuerit splendidus, obsecutus, diues an pauper, alioqui vitio acceptionis minimè carebitur.

In summa, præcipit Regula, ut qui ex paupertate aduenient, non quærant superflua, sed ut collatis sint contenti. Docentur & hîc Prælati, ut necessaria administrent subditis: ita, ut duplex sit verbi sensus, alter ad subditos deflectens, alter ad Prælatos. Quidam enim venientes de paupertate, quærent in Religione abundantiam; contra quos D. Hieronymus ad Heliodorum: *Ditiores sunt, inquit, Monachi, quàm fuerunt seculares.* Imò non solum quærent abundantiam, sed etiam delicata. Vnde idem Sanctus: *Natus, inquit, in paupere domo, in tugurio rusticano, qui vix millio & pane ventrem rugientem cibare poterat: nunc similia, nunc mella fastidio ei sunt.* Sed no-

stro ma-

stro malo irrepsit, & aliud quoq; inconueniens; vt hic clari esse velint, obscuri antea, honores quærissent ignobiles, concilient fauores apud summos, contrahant amicitias. Sicne itur ad astra? Audiant ij D. Bernardum: *Pleriq; in domo Domini, non patiuntur contemni, qui in sua non nisi contemptibiles esse potuerunt.* Magna abusio, vt in loco paupertatis, vbi diuites incurrunt penuriam, pauperes quærant abundantiam; in loco afflictionis, vbi diuites delicati mortificantur, homines rustici quærant delicias in loco vbi honorati eligunt abiecti, ibi abiecti quærant honorari.

P R A X I S.

PRaxim paupertatis Euangelica introducere Superiori Regularium, vti fidei dispensator rerum Consuetus sui, seu potius bonorum Christo dicato: um, ex officio suo incumbit. Modo pro cautela ponere hic sufficiat doctrinam Calaguritani, in Instr: Nouit: parte 2. Nocendi genus miserrimum, est, vt qui ampla patrimonia, vel alia pretiosa respuerunt, vnius libri vestis, vel aliarum

nullius pretij rerum, amore capiantur: quod propterea vigilantissime cavendum est; & affectus istiusmodi, per actus paupertatis acquirenda internos, sapientius cupiendo ex animo pauperem Christum sequi, repurgandus, simulq; per actus exteriores exercendus.

Vnde Religioso, frugali victu (vt rectè idem author ibidem, & Alvarez de Paz, Tom: 2. de Virt: acqu: docet) simplici vestimento & cellâ, opus est contentari. Se ipsum rebus necessarijs, ipso etiam cibo & potu, indignum reputare: si aliquid à Superiore tollatur, minimè turbari, multo minus murmurare. Paratam esse semper ad resignandum omnia in manus Superioris. Superflua nulla recipere; quin si aliquid deest, patienter ferre: quod enim genus paupertatis, cui nihil deest?

Sed maior abusus, dum hi, qui prius in saculo de labore vivebant, ibi volunt otiosam ducere vitam, aduersus quos fremit illa vox Apostolica: Qui non laborat, non manducet. Et hic communis est ferè morbus, vt humilis, altior quærat videri; contra quod omnis acies sermonis dirigitur, ad initium sequentis Capituli.

CAPVT III.

De Humilitate.

§ 1.

Tamen non ideò putent se esse felices, &c.

Felicitas hîc, ex loci circumstantia, in malam partem accipitur pro superbia: cùm enim duplex sit hæc; altera mundana, cœlestis altera; qui mundanâ felicitate sunt pleni, vt puta, diuitijs, honoribus, & id genus alijs mundi suppellectilibus, vt plurimùm, turgidi sunt & inflati, & qui cæteros nauci faciunt, se amantes, alios contemnentes. Quos autem egestas rerum compresserit, in ijs videas spiritum humilem, deiectumque, & qui supplex sit, aliorumque imploret auxilium. Id verò subinde procedere solet, vt ex his qui statuuntur ad fortunatiorem statum, tanto vehementius efferantur, prioris statûs, fortis, ac conditionis obliti; quod in Religione vsu euenire quandoq; solet:

vbi duplicem habent intumescendi
causam: alteram, quia inuenerunt vi-
ctum & tegumentum, qualia foris, id
est, dum in saeculo agerent, inuenire
non potuerunt: alteram, quia associan-
tur magnis, ad quos foris ne quidem
accedere audebant, modò facti pares.
Cauet ergo, ne vtrius ex causâ hîc su-
perbiatur, vbi est humilitatis professio;
imò vbi simplici animo est simplex
Christus imitandus. Idè enim mun-
dum reliquimus, ne mundus suos nos
agnoscat; agnoscet autem, vbi vitia eius
cœperimus imitari, horum, & primum
& insigne, Superbia est: idè & homi-
nibus odiosa. Contra tales ergo illud
monitum D. Pauli assumitur: *Si confur-
rexistis cum Christo, quae sursum sunt quæri-
te, vbi Christus est ad dexteram Dei sedens;
quae sursum sunt sapite, non quae super ter-
ram. Colos: 2.* Vos estis, Fratres, ad quos
deriuatur sermo Apostoli, qui depulsa
morte vitiatorum, in vitam virtutum cō-
surrexistis: consentaneum igitur est, vt
conuersatio vestra sit in cœlis, nec iam
amplius actiones vitæ vestrae secundum
rationes terrenas, sed secundum coele-

stes ac

stes ac diuinas dirigatis; & sursum corda vestra, non contra Dominum, sed ad Dominum, cum deuotâ animi submissione, eleueis.

Quod verò addit: Nec erigant ceruicem; ad eandem sententiam refert: hoc enim nomine superbia in S. Scriptura solet designari; vt ostendit illud: *Contra omnipotentem roboratus est; cucurrit aduersus eum erecto collo.* Et in Hierem: conqueritur Dominus: *Indurauerunt (inquiens) ceruicem suam, & non audierunt sermonem eius.* Hier: 19. Hoc exprobrat & Stephanus primus Martyr, ludæis duris, ac superbis, inquiens: *Durâ ceruice, & incircumcisis cordibus.* Act: 7. Magna apparuit indignatio omnipotentis Dei, contra hoc vitium: primò contra superbientes Angelos, quos deturbauit de cœlo; tum contra omnes alios, qui illud sequentes, miserè perierunt. Vnde optimum est, sequi Dei voluntatem in humilitate: *Quia excelsus Dominus, & humilia respicit.* Plal: 132.

Sequitur: Ne incipiant Monasteria diuitibus esse vtilia, non pau-

peritus: si diuites humiliantur, & pauperes illic instantur. His verbis ostendit, solis humilibus vtile esse Monasterium. Si enim superbis Angelis non fuit vtile cœlum, quonam pacto talibus veile erit Monasterium? Nunquid Monasterium cœlo dignius, auferacius virtutum? Hic animaduerte, quantumunque sanctus locus sit, sanctus sit habitus, sancta opera; omnia vno tractu tollet superbia, vt cæterum inutilia sint: humilibus è contra, omnia vtilia meritoriaque, si sunt, qui ex corde diligunt Deum.

S. 2.

Rursus etiam illi, qui aliquid esse videbantur in seculo, &c.

Q Vemadmodum præceptum dedit eis, qui ex tenuiore fortunâ ad Monasterium accedunt contra fastum, & superbiam, ne videlicet vllâ ex occasione insolecant: Sic modo eis, qui feliciore sorte relictâ, in sanctam pauper-

tatis

tatis Congregationem sese amore Dei,
suæq; salutis ingestere, aduersus idem
malum legem dare intendit, quâ se pre-
muniant, ne incauti labantur, dicens:
Rursum etiam illi, qui aliquid esse vi-
debantur in sæculo, &c. Simili mo-
do locutionis utitur S. Paulus, scribens
Galatis, Cap: 2. *Contuli* (inquiens) *cum*
illis, qui videbantur aliquid esse de summis
illis Apostolis, Petro & Iacobo, alijsq; quibus-
dam, qui primitias spiritus acceperunt: in-
telligens, *aliquid*, id est præcipui æsti-
matione; similiter & hîc aliquid de
præcipuo intelligitur. Itaq; ij quorum
nominis dignitas veneranda fuit, Spi-
ritu Dei afflati, attractiq; virtute eius,
dum in Sanctam Religiosorum, Con-
gregationem adueniunt, ne fastidiant
Fratres suos, qui ex obscuro sordidoq;
loco paupertatis adueniunt. Solent e-
nim illos, quemadmodum & hos, no-
xiæ cogitationes instigare de his rebus,
quibus olim eminebant, ut contemnât
eos, quibus se non æquant, merientes
se, non quales modò, sed quales fuerût
antea, qualesq; nunc alij. Sed non sic

petitur coelum : tu tibi reuocas in mentem, qualis eras antea ; & ego tibi te propono, qualem te effecisti propter amorem illius, qui cum diues esset, propter te pauper fieri voluit, vt tu paupertate eius in æternâ beatitudinæ dītesceres ; qui pro te multa tulit, sudauit & alfit, contemptibilem se fecit, omnibusq; abiectiorem, vt vix in hominum numero recenseretur, diceretq; : *Ego sum vermis & non homo, opprobrium hominum, & abiectio plebis. Psal: 21.* Vermis apprehensus extremis digitis, facile ad petrâ atteritur, vel pede concultatur : sic & Christus attritus propter scelera nostra, non se aestimabat à genere dum extrema pateretur ; dum ignominiosum crucis supplicium perferret ; dum in similitudinem carnis apparuit, peccatum pro nobis factus : prout testatur Apostolus.

Quid itaque intumescis, quid superbis^r vermis^r & puluis ? nunquid tu maior es illo, à quo omnis nobilitas^r, omnis eminentia procedit ? Si illius amor huc te traxit : iam cum omnibus fortunis vanas complacentiæ tuæ cogitationes

tationes reliquille debueras. *Gaudet vere humilis, vilipendi magis quam honorari.* teste D. Bernardo: & quod amplius cognoscit id quod est in se, eò amplius se Deo submittit, ac in Deum omnia bona, sibi indigno ab eo concessa, grater & humiliter refundit. D. Iacobus dicit: *Nonne pauperes elegit Deus diuites in fide, quibus inclinatur ceruicem orbis.* Quàm itaque consentaneum, ac planè necessarium est, obtemperare præcepto Regulæ dicentis: Magis autem, studeant, non de diuitum parentum dignitate gloriari: quia, iuxta supradicta, contemnenda sunt omnia, propter gloriam nominis Iesu, & salutis amorè,

I. 3.

Nec extollantur, si communi vita aliquid de suis facultatibus contulerint, &c.

Persiste in continuatione sermonis, aduersus pestem Superbiæ, eamque extollentiam hinc vocat, ut ante ceruicis

E s

erectio-

erectionem: lolet enim. & 8. Scriptura
his metonomijs uti, ornatûs causâ, &
ut proprietatem rei magis indicet. In
utrisque enim est quædam altitudo, dū
superbientes nituntur alios excedere,
quatenus appareant alijs, quasi in im-
mensum euecti virtutibus. Dicit ergo:
Nec extollantur: hoc est, non ex eo
superbiant, sibi intra se peruersè ap-
plaudentes, nec supra alios se hinc exi-
stiment, quasi laude digniores; si de su-
is facultatibus, id est, bonis temporane-
is, aliquid communi vitæ largiri sint.
Nota: quod hic docemur, Nouitium,
Monasticam vitam amplectentem, de-
bere bona sua secum importare, poti-
us, quàm foris in diuersa dissipare: sub-
leuanda est enim, communis vita in
quam venimus, à quo, vel à quibus fie-
ri potest; nec consilium dandum, ut fo-
ris facultates suas relinquunt, nisi ve-
lint singulariter egestatem parentum,
aut sanguine sibi iunctorum, in parte
adiuare. Est enim, placita Deo Rei-
publ: promotio, etiam, temporaneis
hiscè bonis; ut habeant Fratres, vnde
vitam in dies sustentent: tamen non

ex co

ex eo superbia cordi induenda, quasi optimè, hoc facto, de Ordine Fratribusque meritis quispiam sic; nam præstaret in sæculo diuitias possidere, quàm in Monasterium distribuere, & ex hoc gloriari. Quisquis enim ex benefactis intumescit, eo ipso tramite, quo proficit, cadit: bona quippe actio cum elatione, non leuat, sed aggrauat, & ad infernum deprimat; iuxta illud Saluatoris: *Qui se exaltat, humiliabitur.*

§ 4.

Alia quippe quaecunq; iniquitas, &c.

Reditio rationis, superioris sententia, est intexens miseriam, latamq; malitiam superbia. Cùm enim alia vitia nunquam nisi in malis infamibusq; diuersentur actionibus, nec vllum suas metas transgrediatur: sola superbia longè lateq; euagando, etiam bonarum, actionum campos ingreditur, ibique omnia deuastat, vt cuncti fructus pereant, qui alioqui seruarentur in vitam, nisi pe-

nisi peste hac corrumperentur. O quoties in te bene agentem intrat hæc cogitatio ! quasi melius inter mortales id ageres : oras deuotè ; surrepit tibi, neminem te sanctius id agere : præstas consilio ; iam crista tibi erigitur, veluti honore ab omnibus dignus sis : reluces castitate ; fastidis non æquè tibi candentes : patienti corpore in ediam toleras ; excraris manducantem : canis sonanter ; gloriam inde venaris : dimisisti multa, pecuniam, domum, rem familiarem ; iudicas ex æquo hinc tibi deberi cœlū : & ne omnem catalogum piæ actionis percenseam, dico breuiter, nihil tutum esse ab hac insanâ bestia. Quo enim se nō insinuet animi reputatio, & ea ipsa, quæ ob sui altitudinem, superbix nomen iam pridem, antiquorum donatione, recepit sui complacencia, aut appretiatio ? Quod vitium, cum sit omnium nocentissimum, & quo non sit aliud peius, quod plura citiusue deperdat : totâ circumspeditione vitandum est ab omnibus illis, qui soli Deo placere sincere studuerunt. Hinc D. ille Psaltere precabatur : *Non veniat mihi pes super-*

bia.

bia: hoc est, ipsa voluntas placendi mihi, quâ super alios putans me existentē, intumescam, & agam contra te, neglectis præceptis tuis, quæ per se sanctissima sunt, & obseruanda. Legimus Tobiam senem, quàm sanctissimè filium, erudentem: *Superbiam nunquam in tuo sensu, aut in tuo verbo, dominari permittas. Tob: 4.* Scriptum est quoque Ecclesi: 10. *Odibilis coram Deo & hominibus superbia, quam qui tenebit, maledictis implebitur, & subuertet eum in finem.* Etenim propter hanc exhonorauit Dominus conuētus malorum, & destruxit eos vsque in finē. Ideò rectè dictum est: Alia vicia, vti sunt furtum, parricidium, raptus, & id genus alia, in malis perpetrari: solam superbiam, etiam honestis in rebus, & quæ per se laudabiles sunt, versari, vt vno tractu tollat omnia, nec in gloriam coram Deo sinat nasci.

Contra quod sequitur: Et quid prodest dispergendo dare pauperibus, & pauperem fieri, cum anima misera superbior efficitur, diuitias contemnendo, quàm fuerat possi-

dendo?

dendo? Equidem ne minimùm proderit elata paupertas, cùm multò commendabilior sit peccator humilis, etiam in medijs diuitijs, quàm elatus in tenuitate Religiosus. Igitur in primis discenda est præ omnibus humilitas, ad quam sectandam, Leo Papa Ser: 7. Epiph: nos grauioribus verbis incitat: *Vnde tota (dilectissimi) Christiane sapientia disciplina, non in abundantia verbi, non in astutiâ distatandi, neq. in appetitu laudis & gloria; sed in verâ & voluntariâ humilitate consistit: quam Dominus IESVS ab utero Matris, usq. ad supplicium crucis; pro omni fortitudine, & elegit, & docuit. Et D. P. Augustinus in alio loco docet, omnem virtutem humilitate contineri. Cùm enim dixisset, ad Dioseorum scribens, omnium Philosophorū ceruices Christo oportere submitti, hæc subdit: Huic te, mi Dioscore, ut totâ pietate subdas, velim: nec aliam tibi ad capeßendam & obtinendam veritatis viam munias, quàm qua munita est ab illo, qui gressuum nostrorum, tanquam Deus, videt infirmitatem. Ea est autem prima humilitas, secunda humilitas, tertia humilitas; & quoties interrogares, hoc dicere:*

non

non quòd alia non sint præcepta quæ dicantur;
 sed nisi humilitas omnia quæ bene facimus,
 & præcesserit, & comitetur, & consecuta
 fuerit, & proposita, quam intueamur; & ap-
 posita, cui adhareamus; & imposita, quæ
 reprimantur; omnia, pereant necesse. Hac
 viâ progressus cum, sic Christus, hac
 Sancta eius Mater, hac summi illi Prin-
 cipes orbis Apostoli, & quicunq; ab ini-
 tio Deo placuerunt: quantum dedecus
 fuerit, cuipiâ nostram ab illa deflectere?

I. S.

*Omnēs ergo vñanimitēr & con-
 corditer viuite, &c.*

Generalis conclusio est præmissarū
 præceptionum, vt in cōmuni vi-
 tã concorditer viuatur: alioqui congrega-
 tio dissentiens, Conuentus appellari
 non poterit, magis conciliabulum dis-
 cordiæ: tantum aberit, vt templum Spi-
 ritus S. quisquam sit ex eis, qui nō vult
 vñanimitatē. Vñanimitēr ergo illi
 viuunt, qui in seipsis inuicem Deum,
 honorant, cuius Tempļa facti sunt vñ-
 nimitēr

nimiter viuentes: aliàs non templa Dei erunt, quos obsidet Dæmon, qui in eis parat diuisionem, author omnis discordiæ. Porro vnanimis, sibi non detrahunt, se non mordent, nec aliquo modo molestant; sed compatiuntur infirmitatibus aliorum, & aliena mala deputant sua; quanquam nihil est alienū in verè Religiosis, quibus sunt omnia communia. Dicitur ergo: Omnes vnanimiter & cōcorditer viuite, &c. Ac si dicat: Quia Deus æquē vos coadunauit sibi, suæquē mansioni, in templis nihil est quod alter alteri præferatur, sed omnes vno modo sitis, quatenus vnanimitas, concordia, & humilitas, maneat in vobis, honore inuicem præuenientibus, sicut verè estis honorandi, quia estis templum Dei.

P R A X I S.

Sicut charitas est anima omnium virtutum: sic humilitas, cum fide Theologica, earundem fundamentum. Illius Praxis hic ponitur ex lac: Alvarez de Paz, Tom: 2. lib: 3. par: 2. cap: 10. desumpta.

1. Sei-

1. Seipsum agnoscere, & omnia dona, tum naturalia, tum supernaturalia, aliena esse, nempe Dei, verissimè profiteri; & se ex se nihil boni habere, sine ullâ fictione cogitare.

2. Seipsum despiciere, & quoad ea quæ ex se habet, seipsum vilipendere, ac de se ipso diffidere.

3. Seipsum, exceptis Dei donis, indignum reputare, & ad recipienda ineptum, talemque se quisque potest æstimare, sine ullâ falsitate: quia reuera talis est, secundum ea quæ ex se habet.

4. Nullam laudem ab alijs querere: sed omnem honorem sibi exhibitum, in Deum reicere.

5. Desiderare, quantum in se est, contemni, & vilis haberi; nisi aliud personæ dignitas, officij qualitas, proximorum ædificatio, & Diuina gloria requireret.

6. Proprios defectus libenter detegere, & ingenitam vilitatem declarare; nisi Fratrum ædificatio, & voluntas Dei aliud suadeat.

7. Dolere, quod magni fiat & honoretur, nisi ob gloriam Dei, ratione officij, aut dignitatis quam gerit; & omnem gloriam, auctoritatem & honorem, quem vitare non decet, in Deum suum Auctorem referre.

8. Censere se omnibus viliorē, secundū ea quae ex se ipsis sunt; & in alijs diuina dona considerare.

9. Subjicere se Deo, tanquam mancipium Domino, vel tanquam testa figulo, ut de se, ad suum placitum, in hac & in aliā vitā disponat.

10. Subjicere se hominibus propter Deum, praecipue Superioribus; ac se sincere, sine ullā difficultate velle gubernari.

11. In externis functionibus, quantum est in se, abiectiora amplecti: ut latus sinistrū in congressibus, locum infimum in consessibus, officia minus honorata, deteriores vestes, pauperiorem suppellectilem, incommodiorem cellam, simpliciores Socios, & huiusmodi. Hac in affectu: nam in opere debet se accommodare muneri, ac dignitati, quam gerit.

12. Seipsum tandem, in conspectu Dei & hominum, canem mortuum & fatentem reputare, quem omnes fugiant, omnes vel conspectum eius exhorrescant. Hac ille.

C A P V T IV.

De Oratione.

§ I.

Orationibus instate, horis & temporibus constitutis, &c.

Non satis est Religiosos unanimi-
tatem & concordiam in Congre-
gatione obseruare, nisi etiam studeat se
in bonis operibus exercere. Maxime
enim quadrant illa verba Christi ad A-
post: directa, *Ioan: 15.* Religiosis, utpo-
te primitiuæ Ecclesiæ, & Apostolicæ
vitæ sectatoribus: *Ego elegi vos, & posui
vos, ut eatis & fructum asseratis, & fructus
vester maneat: ut in statu professionis
sux in quo positi, ac veluti fructifera ar-
bores plantati, fructus commodos va-
riarum virtutum, præcipue ad promo-
tionem cultûs Diuini, & ornatum Ec-
clesiæ producant, inter quos potissimû
videtur habere locum orandi assidui-
tas. Quamuis enim oratio specialiter
sumpta, quatenus significat petitionem,
aut postulationem, sit instrumentum
ad bona opera acquirenda, cum iuxta
promissum Saluatoris omnia possit im-*

petrare : generaliter tamen comprehendit alias optimas animi actiones ; utpote, gratiarum actionem , deuotionem , seu promptitudinem voluntatis ad placita Dei exequenda , reuerentiam Dei internam , adorationem , & alias animi affectiones erga Deum ; ex quibus deinde sancta verba , & studiosa virtutis opera prouenire solent. Et de tali oratione , quantum Deo placeat , *Apoc : 8.* fit mentio : *Ego Ioannes , vidi fumum ascendere incenso : um , de orationibus Sanctorum.* Ut rectè præceptum sit in Regula : Orationibus instate , horis & temporibus constitutis. Quid est instare Orationibus , nisi frequentes esse in Oratione , & non deficere ? Sicut & Dominus dicit , *Luc : 18 Quoniam oportet semper orare.* Et Paulus , *Thess : 5.* præcipit , sine intermissione orare. Est autem hic locus Regulae sumptus ex *Epist : Colos : 4.* ubi sic legis : *Orationi instate , vigilantes in ea.* Idè S. Apost : hortatur , *Philippen : 4. & Thessalon : 5.* ut per omnem orationem , & obsecrationem , orantes omni tempore in spiritu , & in ipso vigilantes , in omni instantiâ bono intendant , *Prophetis*

Vacent,

vacent; ut spiritu, & animo integro corporeque, sine querela coram Christo inueniantur. Hortatur & alibi persæpè, ad vigilantiam & orationem; quod per hanc magnæ tentationes pellantur à nobis, quibus expositi sumus. Equidè tantò utilior, quantò crebrior, solet esse oratio: nam quò crebrius oratione pulsatur Deus, eò facilius ad exaudendum inclinatur.

Adiecit autem: Horis & temporibus constitutis: quandoquidem nō semper eisdem intendere possumus, ut potè minùs idoneis temporibus. Proinde illud Domini verbum: *Oportet semper orare*: referendum est ad certa tempora; licet semper orare dicatur, qui inuigilat, ut bene semper viuat: nā & re ipsa illos deuotionis affectus, quos tempore orationis habuit, præsefert; dum, E. G. cauet in omnibus, ne gratiam Patris coelestis amittat, ut nomen Dei sanctificetur, voluntas Dei in suis actibus impleatur, proximo benefiat. &c. Ideò consultissimè subiunctum est: *Et non deficere*. Vel sic intellige: Ne ita declinemus ab oratione, ut nolimus

amplius orare. Quod & Apost: innuit
dicens: *Sine intermissione orate*: ille enim
verè intermittit, qui non vult ultra ora-
re, quasi precem contemnens, & ipsum
Deum negligens.

§ 2.

*In Oratorio nemo aliquid agat,
nisi ad quod factum est, &c.*

Cum plùs sit nobis orandum spiri-
tu, ac mentis intentione in Deum,
quàm labiorum motu; ideò in oratio-
ne sic agendum est, vt mens quiescere
possit ab alijs curis, iuxta S. Regulam:
vt nemo orans alteri negotio intendat,
nullus suo strepitu, aut mullitatione,
alterius orationem perturbet: quinimò
ita quisq; sit in oratione compositus, vt
expeditius spiritus eius in causa sua a-
gere valeat ante Deum, ante quem ele-
uatus versatur, & consistit. Nam & ora-
tio ipsa sic definitur: vt sit eleuatio mē-
tis in Deum; quod si hoc verum est, er-
go plus spiritu orandum, quàm labijs.
Quod & ipsa veritas ostendit, dicens:

Isa:

Ita: 4. *Spiritus est Deus, & eos qui adorant, cum spiritu & veritate adorare oportet.* Nisi enim attentionem requireret, nequaquam illis verbis vteretur: nam in veritate adorare, est interiùs orare; quod fieri non potest, nisi in primis recolletus sit orans, & cogitatione intendat, quod orat. Aliàs si dissentiat mens ipsa à lingua, non in veritate oratur: veritas enim est adæquatio rei ad intellectum; res ipsa oratio est, quæ tunc adæquatur ad intellectum, quando cogitatio ipsa intendit ad id, quod lingua depromit; ut rectè admoneamur, non aliud nos debere agere in Oratorio, quam orationibus vacare, ne eiusmodi intentio turberetur orantis in ipsa meditatione. Ideò Dominus ait, *Isa: Cap: 6. Domus mea, domus orationis vocabitur.* Idem citatū est à Domino, *Matth: 25. Luc: 19.* Vbi nota, quod tria orationi competunt: instantia videlicet, intentio, & deuotio. Instantia in sollicitudine; intentio in cogitatione; deuotio in affectione consistit; quibus orantem instructum esse oportet.

§ 3.

*Psalmis & Hymnis cū oratis
Deum, hoc versetur in
corde, &c.*

Materia orationis exprimitur, cū
dicitur: Psalmis, & Hymnis.
nam & David his orare nouerat, doctus
à Spiritu S. à quo plura mysteria acce-
perat: idē aiebat: *Confitebor tibi in va-
sis Psalmi, veritatem tuam, Deus, psallam*
Psal: 70. Item Psal: 99. *Introite porta:
in confessione, atria eius in Hymnis, confitemi-
ni illi.* Et Psal: 126. *Hymnum cantate no-
bis.* Item Psal: 148. *Hymnus omnibus San-
ctis eius.* Dicitur ergo: Psalmis & Hy-
mnis, cū oratis Deum, hoc verse-
tur in corde, quod profertur in ore.
vbi propositio est duplex sensu, com-
positione simplex; nam duo præcepta
innuit. Prima pars sensus est, vt orare
debeamus Deum Psalmis & Hymnis.
Id est: Horæ Canonicae in his persol-
uendæ

uendæ sunt, iuxta institutionem Ecclesiæ, vt non possit hæc obligatio aliâ lectione. Scripturæ suppleri, etsi Sacræ; cum non sit hæc ordinatio Ecclesiæ. Altera pars propositionis in sensu eius: Vt hoc verberetur in corde, quod proferitur in ore: fidelis namq; & prudentis Oratoris munus est, vt cum intelligentia verba enunciet sua, & affectu. Debet ergo quisque attendere ad ea quæ dicit: Si quidem oratio sine attentione & affectione supplicis, proinde est atque lampas sine oleo; fumigare potest, non lucere.

Fateor equidem, in continenti prolixaque maximè oratione id fieri posse difficillimè, vt semper id attendat mēs nostra, quod ore proferimus, cum & in breuiusculâ oratione subinde rapiamur ad alia: attamen hac in re, virtus primæ intentionis hâc iacturam reparare poterit, dummodo seria animi præparatio orationi supponatur, nec contrario actu interrumpatur. Euagatio namque mentis (inquit S. Basilii) in oratione peccatum est, quoties ex proposito fiat,

vel ex negligentia. Proinde viri doctissimi, considerantes humanæ mentis mobilitatem, censuerunt, distractionē inuoluntariam in oratione culpā vacare: ideo hic prima intentio ante orationem, & conatus attentionis, in procursu illius, sub præceptum videtur cadere; iuxta illud, Eccles: 18. *Ante orationē prepara animam tuam, & noli esse quasi homo qui tentat Deum.* Et Eccl: *Ne temerè quid loquaris; neq; cor tuum sit velox ad proferendum sermonem coram Deo.*

Quod verò de cantu præcipitur, in eundem sensum est, ut non temerè fiat cantus Ecclesiasticus, & iuxta arbitrium diuersorum; quemadmodum fieri solet in cantilationibus vulgi. Psalmi etiam cum pronunciantur, aut lectiones, pro modo Ordinis id fieri debet; maxime ut puncta obseruentur, & ne nimis in recitando celeres simus, nec nimis tardi, velut qui vinculis ab incessu regulato impediuntur: sed sicut Oratorum mos est, verba medio modo tractare, ut nec tardi simus, nec precipites.

P R A X I S.

PRaxim deuota orationis, facile addiscere poteris à mendicis stipem postulanti-
bus, aduertendo, quantà illi reuerentià, hu-
militate, studio, alijsq; caremonijs, supplicant
suis Prouisoribus : quod eleganti apote-
gmate Drexelius ostendit in Rhet: coel.
Moraliter autem semper orabis, si orationi-
bus eiaculatorijs, more illorum qui sunt opti-
mè Deo affecti, sæpius uteris : desumes tibi
plurimas ex S. l' salmodia, ex libr: Confess:
S. Augustini, Soliloquijs, & Meditationibus
eiusdem: Vel si quâlibet horâ, si non frequen-
tius, Patri cœlesti, penes meritâ Christi, B.
Virginis Mariae, & SS. Patronorum, te cum
pio affectu offeras : ut optimè Calaguritan:
in Instr: Nou: lib: 2. par: 3. Cap: 2.
Præcipuè autem ipsam orationem Domini-
cam in iugi memoria habebis: cuius partes si
deuoto ac sincero affectu usurpaueris, magnū
profectum in spiritu acquires, multa q; tibi, &
alijs etiam fidelibus defunctis, impetrare po-
teris: de quo D. Cyprianus, de Orat: &
multi post illum. Maximè si eius singula por-
tes, singulis virtutibus Christi applicentur, &
per eas

per eandem, ac per crucem, sanguinem, & passionem eius, obsecratur.

Pro Praxi sacra Psalmodia, habet Bellarminus insignem doctrinam in Psal: 37. v. 3. quam hic subscribo: Sic etiam, inquit, per illud (Bene psallite ei in vociferatione.) Et infra, in Psal: 46. v. 6. (Psallite sapienter.) admonemur, dum psallimus, bene facere hoc diuinum opus; attentè, deuotè, magno cum affectu, & cordis iubilo. S. Benedictus in Regula sua monet: Psalmodiam esse opus Dei, & ideo ceteris omnibus anteponendam. Et S. Bernardus, Ser: 47. in Cant: Vos, inquit, moneo, dilectissimi, pure semper, ac strenuè, diuinis interesse laudibus: strenuè quidem, vt. sicut reuerenter, ita & alacriter Domino assistatis. Non pigri, non somnolenti, non oscitantes, non parcentes vocibus, non praeidentes verba dimidia, non integra transilientes, non fractis & remissis vocibus, muliebre quidpiam baldà de nare sonantes; sed viuido, vt dignum est, & sonitu, & affectu, voces S. Spiritus deprometes.

Rectè autem subdit Author: Cum affectu. Nam hic est fructus Psalmodiae, vt p̃ij affectus per ipsam excitentur, tam in nobis, quam in alijs. Idcirco hic pro ampliore

exerci-

exercitio, aliquos affectus Psalmodyæ, qui in libris Spiritualibus circumferuntur, indicabo.

Tres existunt ex laude Dei.

Primus est, dilectio, cum prædicatur Dei bonitas: quò reducitur gratiarum actio pro acceptis beneficijs. Secundus est, admiratio; cum agitur de sapientia, maiestate, & potentia Dei. Tertius est, congratulatio, cum narratur aliquid sublime gestum à Deo, & successus aliquis felix.

Tres, ex memoria nostri boni.

Primus, desiderium, quo afficimur ad absens bonum nostrum, & proximorum, & petimus, siue de liberatione à malis, siue de consecutione bonorum agatur. Huc reducitur exhortatio proximorum, & instructio. Secundus est, confidentia in Dei auxilio, tam de huiusmodi malis euitandis, quàm de bonis consequendis. Tertius est, gaudium de iisdem bonis euitatis, & bonis adeptis.

Tres, ex nostræ miseriæ commemoratione.

Primus, timor, cum agitur de malis futuris

turis imminetibus, tam nostris, quàm proximorum. Secundus est, dolor, cum agitur de malis praeiitis, & praesentibus. Tertius erit, humilitas, cum agnoscimus infirmitates, & defectus nostros.

Tres, ex reprehensione malè agentium.

Primus, zelus iustitiae contra iniurias, & mala illata. Secundus, indignatio aduersus nequitiam, quod reducitur conquestio. Tertius monet malè agentes, ut resipiscant. Ex his affectibus aliquando aliqui miscentur, ut congratulatio & gaudium, desiderium & confidentia, insuper dilectio, &c. omnes autem Psalmi & Scripturae, ad huiusmodi affectus trahi possunt. Attentio autem ad praedicta, saltem in fine Psalmorum, reuocanda est.

CAPVT V.

De Ieiunio.

S. I.

*Carnem vestram domate
ieiunijs, &c.*

Pract.

PRæceptum hoc, tria complectitur. Primò, quòd domanda sit caro. Secundò, quòd ieiuniò demanda. Tertiò, modum ieiunij docet. Pro cuius intelligentiâ sciendum est: quandoquidem vitia in homine, vt plurimum, à carne cooriuntur, & hoc ex vitacitate fomitis, qui est in carne relictus, qui ita cum carne vires accipit, vt si paulò liberius pasta sit, ipsa caro sarrago fomitis, èd ampliùs incendatur, vt magna difficultas incidat nobis, pugnandi aduersus ipsam carnem: è contra, eà repressâ reprimitur & fomes, nec vires altiores in vitia assumit. Vnde & Paulus vaselectionis, castigabat carnem suam, ne aliquo modo ab illa electione excideret, idedq; aiebat: *Castigo corpus meum, & in seruitutem redigo; ne forte cum alijs predicauerim, ipse reprobus efficiar.* 1. Cor: 9. Quare? *Vidco* (inquit) *aliam legem in membris meis.* Róm: 7. *Si quidem caro concupiscit aduersus spiritum, & spiritus aduersus carnem.* Gal: 5. Certum est, interire illum qui concupiscencias carnis sequitur, libentiùsq; indulget illis: con-

tra. vi.

tra viuit ille, qui lege spiritus ducitur in carnis crucifixione, & talis ad electos Christi pertinere dicitur; testante eodẽ Paulo: *Qui, inquit, Christi sunt, carnem suam crucifixerunt, cum vitijs, & concupiscentijs.* Idẽd tanquam conclusionẽ dictis inferens, ait: *Mortificate membra vestra, quæ sunt super terram.* Colos: 3. ex quibus omnibus hĩc locus acceptus videtur. Secundò exprimit, quod ieiunio sic domanda caro, quo impetus eius frangatur: constat enim carnis ferocitatem, incrementa sumere ab alimentis; quæ cùm carni negantur, vires eius, quæ maximè ardent in vicia, minuuntur: tamen sic est alleuiandum, ne ciuem interficias ipse tuum.

Abstinendum autem, quoad fieri potest, non solũ ab alimentis escarũ, sed etiam à potibus vini, propter quod maiori incendio solet ipsa caro flagrare, iuxta illud Scripturæ: *Nolite inebriari vino, in quo est luxuria.*

Tertium sequitur: *Quantum valetudo permittit.* Sapienter particula hæc adiecta est; namq; aliàs Regula

gula nimis leuera esset, si discretionem ab abstinentiâ remoueret: sunt enim aliqui infirmioris naturæ, qui tantum sustinere nequeunt, quantum alij; quorum ieiunium sic moderandum est, vt non deficient. Quo in loco satis laudabiliter instruimur, vt nec superfluè, nec nimis rigidè sustentemur; sed sicut decet seruos Dei, parsimoniam, seu frugalitatem obseruantes: nec vnquam sumentes tantum, quantum valetudo permittit.

§ 2.

Quando autem aliquis non potest ieiunare, &c.

Mirantur plerique, qualem concessionem hîc dederit B. Augustinus impotentibus, id est his, qui ieiunare nō possunt: cū enim omnes qui ieiunāt, vnicā comestione per diem soleant refici; ex quâ ergo parte laxat ieiunium in impotentibus, si quidem eos adstringit ad ieiunandum, vsque ad horam determinatam refectionis? Certè hîc

mihi esse videtur nodus Gordi⁹, qui nō
 facile explicetur: nam negare non pos-
 sumus, quin aliqualem concessionem,
 fecerit ijs, qui ieiunare nequeunt; sed
 tamen cū vetat aliquid alimentorum
 sumi extra horam prandij, non facile
 planius dixerim quid velit. Nisi forte
 existimes, Regulæ Authorem loqui de
 antiquorum Patrum ieiunijs, qui in per-
 petuā ferè inediā erant; id est, abstinē-
 tiā ab alimentis: quod per se interpre-
 tari videtur Author in definitione ipsi-
 us ieiunij, vbi dicit: Carnem vestram
 domate, abstinētiā escæ & potūs.
 vt intelligamus, de quo potissimum ie-
 iunij genere loquatur. Legis, B. Bene-
 dictum bis solummodò in Hebdoma-
 dā, modicum quid cibi sumpsisse: hūc
 modum, in ieiunando obseruabat B.
 Maurus discipulus eius, quem charius
 ex omnibus amabat. Incredibilia mo-
 dō nobis videntur, quæ alij multi, ad
 capeſſendum Regnum cœlorum, facie-
 bant, & tolerabant, vt sibi in primis in-
 ferrent bellum, & continuè secum pu-
 gnarent, cū aliās externē pacem ha-
 berent.

berent. Hoc etiam ieiuniū rigorosum, obseruabatur à quibūdam, tempore B. Augustini, in suo Monasterio : propterea hīc ille subiunctiuam statim subintulit sententiam : Qui autem non potest ieiunare : hoc est, totā die abstinere à cibo ; non tamen extra horam prandij aliquid alimentorum sumat, nisi cūm ægrotat : vt indulgentia fiat his aliqualis ; videlicet, vt horā in Claustro præfixā comedant. Hoc si itā intelligere voles, omnis tibi difficultas soluta manebit. Iam, verò horam prandij latiùs quidam volunt extendere, vt à primā, secundæ quoque locus detur refectioni. Mihi cerrè hoc parūm ad sensum Regulæ arridet : nam & loca Scripturæ edocent planè ieiunij vocabulum ; in ediam totius diei indicare. *Legis Iud. 20.* de his, qui toto die abstinuerant à cibo : *Ieiunauerunt*, inquit, *illā die usq̃, ad vesperam.* Et *I. Machab. 3.* *Ieiunauerunt illā die.*

Qua in re, hoc cum primis animaduertendum est : vt si nequimus, iam naturā fragiliore, cum illis Patribus absti-

nentiam seruare, saltim vsuale ieiuniū continuemus, & horā assignatā reficiamur. In summa, cū dicitur: Carnē vestram domate ieiunijs; victūs abstinentia commendatur, per quam caro spiritui subiiciatur. Vbi verò additur: Quantum valetudo permittit; virtus discretionis indicatur. Hic tamen non videntur electuaria, & alia quæ minùs faciūt ad nutritionem, magis autem ad cerebri confortationem, prohiberi: attamen & hæc in debitā quantitate, & rarò debent sumi, idq; ex Prælati permissione; ne à minimis ad maiora dilabi contingat. Omnia enim ex Prælati scientiā & sententiā meliùs fient: ne nostri iuris esse iudicemur, qui semel aliorū potestati nos cōmisimus.

P R A X I S.

Etsi cuiq; Religioso specialiter cauendum est ab omni excessu: præcipue tamen circa potum, circumspèctum debet se gerere; pro quo conuincentes affert rationes Hugo Viât: in Cap: 6. Regulæ, & Humber-

tus.

tus. Vnde in Concilio generali Lâteranensi,
 sub Innocentio VIII. statutum est: vt Reli-
 giosi vinum aquâ temperatum bibant, ita vt
 si vinum purum bibant (intellige cum peri-
 culo ebrietatis) peccent mortaliter. Vbi eti-
 am prohibentur in conuiujs, alios ad biben-
 dum incitare, &c. Ebriosis autem, Iure Ca-
 nonico puniuntur, subtractione à communio-
 ne per triginta dierum spatium, vel supplicio
 corporali; ex Cap: fin: dist: 35. & ex Cap:
 à Crapula: pœnâ suspensionis ab officio, &
 beneficio, si à Superiore moniti non abstine-
 ant. Vide plura apud Lerañ: Cap: 9.
 n. 38 in summa Q. R. Quapropter secu-
 larium conuiuia, exemplo D. P. Augustini,
 vel nunquam, vel rarò, idq; ex causâ per Su-
 periores cognita, adeant, nec vllò modo se
 permittant, velut mancipia ventris, in illis
 obrui cibo, aut potu: sed dent exemplum par-
 simonia regularis tractantibus; iuxta illud
 monitum Christi: Attendite, ne grauen-
 tur corda vestra, crapulâ, & ebrietate.
 Dicit, attendite: ne sub pretextu necessitatis,
 voluptate decipiamur. In refectionibus quo-
 que extraordinarijs, puta solemnitatibus, aut
 alterius occasionis, maximè sunt cauenda

*Demonis insidia, ne sub specie recti seducat :
ut sapienter pramonet Alvarez de Paz,
Tom : 2 lib : 1. de vicio gulæ.*

C A P V T VI.

De escâ spirituali, & corporali.

S.

*Cum acceditis ad mensam, donec
inde surgatis, &c.*

Quia omnia cum modestiâ, & secundum ordinem fieri debeant in nobis, quos Dominus in domo suâ constituit velut luminaria lucentia, ad quos nulli non spectant oculi, etiam ad mensam, modestia nostra, & sanctitas illa, quam exigit à nobis Christus, exhiberi debet : utq; cum cibi capiendi causa mensæ affideamus, plus animum, Scripturæ S. auditione, quàm corporalis cibi sumptione pascamus.

Proinde, cū acceditis ad mensam : id est, accedere debeatis (cū tali præcepti sensu, credimus articulos hîc pos-

(105)

tos) donec inde iurgatis; id est, surgere minimè debeat, ut pariter confidentes, reficiamini & corpore, & mente; nec sit licitum coiquā singulari in sequestro refici, sed communiter ad mensam. Duo igitur præcipiuntur: Primum, ut ad communem mensam, reficiamur cibis corporalibus. Secundum, ut lectio Sacra ad mensam legatur. Hæc consequuntur alia duo: Primum, ut nemo surgat ante finem refectiōis; nisi in casu, puta infirmitatis, aut iussu Prælati, ob aliquam necessitatem. Secundū, ut quæ leguntur, intentè audiantur; quod sumptum ex Paulo videtur, ubi dicitur: *Obsecramus in Domino Iesū Christo, ut cum silentio operantes, panem suum manducet. 1. Tim.: 3.* Hoc est autem esurire verbum Dei, quod attentè, cum quādā mentis voluptate, auscultare. Spiritus enim noster suum panem requirit, qui est verbum Dei. Constat enim omnibus, duplici nos portione compactos esse, corpore videlicet, & spiritu; & utraq; portio suum in nobis requirit edulium; utque est spiritus longè nobilior corpore, sic nobiliore,

cibo nutriendus, quod est verbum Dei, quod mens semper esurire debet, vnde in bono crescat, & roboretur.

PRAXIS.

Optimam Praxim, audienda cum fructu lectionis spiritualis ad mensam, dat B. P. nimirum, ut cum audivitate, audiendi verbum Dei, ad mensam accedatur, & cum esurie illud anima recipiat. S. Pachomius censet, ad mensam missitanti, statim pœnitentiam assignandam. Bonum quoq; erit, fructum lectionis factæ ad mensam, quandoq; repetere: tum voce submissâ, vel signis, necessaria petere, ac meminisse cautela, quam habet seruatus in Opt: Regul: Cap: 7. ubi docet violatores silentij ad mensam, peccare venialiter, si contemptus adsit: loquentes verò, causa turbanda disciplina regularis, atq; impediendi Lectorem, non effugere reatum peccati mortalis.

CAPVT VIII.

De vitandis delicijs.

§ 1.

Qui infirmi sunt ex pristina consuetudine, &c.

Infirmas, hoc loci, non modò morbi est, sed etiam teneritudinis imbecillitatisque vocabulum; ac si apertè dicat: Fortiores aequanimiter tolerant, cum viderint tenuiores molliùs ex misericordiâ tractari: imò hinc, quia fortiores sunt, debent in se abstinentiæ rigorem constantiùs seruare, nec alijs inuidere. Porro cum consuetudo altera sit natura, quæ non facile in exuendis vitijs, atq; in ipsis carnalibus desiderijs illecebrisq; mutatur; nihilominùs accedente feruenti desiderio, fufis ad Deum precibus, sedulâq; animi contentione potest dedisci, & penitus eradicari: quod liquido constat in multorum exemplis Sanctorum.

§ 2.

Et si eis, qui venerunt ex moribus delicatioribus ad Monasteriũ &c.

G 5

Quod

QUod dixerat de victu, idem præcipit & de alijs vitæ necessarijs, vt sunt operimenta, vestimenta que; quæ si liberius aliquibus quandoque concedantur, id non fiat molestum alijs: alioqui carnales sumus, dum alijs inuidere incipimus; & non tantum longè absumus à Religione, quæ Christianismi flos est, decor, & honestas, sed etiam, ab alijs honestioribus Christianis. Non est igitur quod hinc dolore torquearis de alterius commoditate; non est quod inuideas, qui te ipsum in totum abnegasti, & alieni es iuris, non tui. Sic solent alijs inuidere qui sua quærunt, qui seipsos diligunt, & hoc in carne, in qua gloriantur; nos autem in spiritum semel reducti sumus: pudeat igitur relabi in carnem, inque eam demutari; sed in spiritu potius in dies fortificari, cuique persuasum sit.

Compati debemus alienæ infirmitati, non dolere de felicitate; quanquā illa felicitas necessitatis prouisio sit, & necessitas potius dicenda, quam felicitas. Oro, ausculta parumper. Nonne Christus dicit: *Diligite inimicos vestros,*

bene-

benefacite his qui oderunt vos. Matth: 8. Et Paulus ad Rom: 12. Si esurit inimicus tuus, ciba illum: si sitit, da illi potum. Quanto igitur iustius id faciendum est amicis? quanto denique Fratribus, qui in eadem professione nobiscum viuunt? Nonne tibi videtur ingens beneficentia hæc, cum infirmi pro necessitate sustentantur, imbecilles & labore defessi roborantur? Hoc si tu non facis, ast saltem ne doleas quod illi faciunt; sed gaude potius, & gratias age, quia tu non ita eges sustentatione, quia fortior es naturâ, si notâ malignitatis vis effugere.

S. 3.

Nec velle debent omnes, quod paucos vident amplius, &c.

Inuidiosam ergo cupiditatem, præceptum Regulæ suffocat: cuius rei causam subiungit, videlicet detestandam, peruersitatem. Quis enim vnquam vir factus, viscera materna reperijt? Quis vbera matris, adultus, vt lac suggeret, requisivit? Id profectò euenit ijs, qui
cùm

cum in S. Religione, ex infantibus Nouitijs, qui fortè lautius foueri debuerunt, iam modò durioribus assuefacti, ac indulgentiam victus necessitate oppressis inuidentes, puerilia fomenta concupiscunt, & ad refectiones debiliorem cum aliorum risu, reuerti anhelant; & hoc in Monasticâ vitâ; ybi quantum possunt, fiunt diuites laboriosi, ne fiant pauperes delicati.

Potes & simpliciter hoc quoq; intelligere, iuxta præmissum sermonem, videlicet, pauperes eos, qui in Ordine votum paupertatis sequentes, etiam, à secularis vitæ teneritudine confirmati, longâ frugalitate valent, qui fortiter quæuis dura laboresq; pati possunt: hi enim quasi repuerascere, & vt ita dicâ, renouitari videntur, si eas delicias quarunt ciborum, quibus ali solent inhabitare ad duriora Nouitij.

Dicam apertius: erunt, qui nunquam foris deliciosè victitârunt; nunc si in Religione delicias peterent, magna utique esset peruersitas: cum & diuites in hoc ipsum sese assuefaciunt, vt

vitatis

vitatis delicijs, fortiùs parsimoniam, & labores, sustineant.

In summa, in verbis his, inæqualitas sustentandi, haud aliâ ratione scribitur, nisi necessitatis, ideò, quod infirmis condescendendum est, charitate id exigente. Item præcipitur diuitibus, vt duris assuescant laboribus, & priores delicias non quærant; pauperes autem modis omnibus fugiant delectamenta omnia: vt quisque perfectioni in hac S. Religione intendat, quisque hanc solâ vnicè diligat, bona agere, dura perferre, pro voluntate Dei implenda, assuescens. Hinc rectè cuidam D. Franciscus, suadenti sibi, vt maiorem ignem ex lignis, quorum copia ad putredinem vergebat, ad calefaciendum, sese conficeret, respondit: Ego, inquit, non ex lignis hic putrefactis, sed a me còbustis, rationem sum redditurus.

I 4.

*Sanè quemadmodum agrotantes
neceffe habent, minùs accipere
ne grauentur, &c.*

Datum

Datum est præceptum de prouisione facienda circa ægrotos: modò datur ipsis ægrotis, post depulsam ægritudinem confirmatis; vt restitutis viribus, non vltra maneant in domo infirmariâ, sed vt redeant ad Conuentum, & in communi vitâ degant, qui iam, priuatâ sustentatione non egent; & tantò magis decet eos hæc felicior consuetudo, scilicet communitas vitæ, quantò minùs indigent: hinc iam confirmati ex ægritudine repetant communem societatem, nec quærant priuatam sustentationem, ob delectationē gustûs, & ventris saginationem; siquidem iam paulò studiosiùs tractati conualuere.

Non est igitur decens, vt Religiosi quærant delicias in Monasticâ vitâ, vbi non nisi frugalitatis virtus esse debet. Noluic S. puer Daniel gustare cibos regios, contentus leguminibus pane, & aquâ. Neque Rachabitz vinum gustare voluerunt, quamuis S. Propheta Ieremias, à Deo monitus, in confusionē Iudæorum, illos id facere iusserit, *Ierem. 30.* Nec Patres nostri, prisci temporis, alio quàm frigidâ aquâ, necessi-

tati na-

tati naturæ satisfaciebant; ut nos ventri gulæque, minimè obediamus.

Abiit igitur à nobis, ut iusticiæ viam derelinquamus: insistendum, est potius maiorum vestigijs, qui Christum unicum Ducem, & Saluatorem, sibi præfigentes, vitam innocuam transegerunt. Illi forti gressu viam, salutis prestantes, nos præcessere: quid restat, nisi ut eos pro viribus sequamur? Namque, ut hic ostenditur: Illi æstimandi sunt ditiores, qui in sustinendâ paritate fuerint fortiores. Et certè optimum est, modicam indigentiam intra etiam ipsam necessitatem sustinere, quandoquidem hoc expeditum militè demonstrat, & sincerum amatorem Dei, qui cupiat quamprimum in sublimè ferri, cælestibusque adscribi. Plenus enim, est spiritualibus bonis; ideo minus sentit corporalem necessitatem. O felices illos, qui ita sunt instituti! verè abundè diuites sunt, copiâque omnium rerum, pleni. De quibus illa vox Pauli est: *Tanquam nihil habentes, & omnia possidentes.* Contra verò, qui plus habere cupi-

re cupiunt, arguantur cupiditate ipsâ laborantes; alligatiq̃ue mundo, ut potè, destituti feruore spiritûs, & qui plûs terrenis, quàm cælestibus, delectentur.

P R A X I S.

Status regularis, status pœnitentiæ, etiam de licitis, suadet discretè quandoq̃ nobis aliqua subtrahi, ne ad illicita paulatim deuoluamur. Quin D. Gregorius, vult omninò, ut qui illicita perpetrârunt, pro pœnitentiâ etiam à licitis abstineant: nam sine mortificatione, tam interiore passionum, aliarumq̃ potentiarum animæ, quàm exteriorè sensuum corporis; sicut & sine deuotâ oratione, impossibile est, iuxta communem Magistrorum spiritualium doctrinam, bonum fore Religiosum.

C A P V T VIII.

De amictu interiore, & exteriorè.

S. Non sit notabilis habitus vestis, &c.

Ad Re-

AD Religionem, quantum est status honestatis ac summæ modestiæ, pertinet honestas habitûs: & sicut hæc convenit illi, ita abhorreat ab ea contrarium, quod est notabilitas habitûs, indeque summopere fugienda. Cõmuniter enim æstimatur illa fœmina probatæ virtutis, quæ nullis gaudeat pigmentis, nullum purpuriffi cærusæq; adhibet genis colorem, sed nativâ formâ quæ sit contenta: nam mulier, quod sit ornatio, eò suspectior; simplex & rusticus habitus caret suspitione: ita & in Fratribus cogites, oportet. Ille enim modestior gratiorq; tibi apparebit, qui minùs gaudet ostentatione; quod verò cultior erit, eò suspectior, quod nondû deposuerit fastum, & illam cupiditatē, quæ multorum est radix malorum, à quibus se expedire debuit ingrediens Religionem. Idèò & S. Evangelium, caret adscitio elegantiae colore, ne suspectum redderetur, & quasi elegantia sermonis sese venditans appareret, & non synceritate veritatis: quâ veritate cùm Ethnicorum scripta destituta sint, oportuit, in ea induci colores, quibus

vel maxime placerent. Constat ergo Evangelium, nullâ myropœciâ, nullis pigmentis, nullis fucis litum esse; & quod nullos habeat cinnabos, sed plana omnia; quod sit contentum proprio colore quo se aperit: ad quod nos conformari oportet per omnem modum.

Obserua : notabilitas habitus primò fit ex nimia pretiositate, de quâ erubescere se dicebat D. Augustinus. Secundò ex mollietate, quæ multum dedecet poenitentes, qui olim in cinere, & cilicio vixisse, leguntur. Ideò Dominus: *Ecce (inquit) qui vestiuntur mollibus, in domibus Regum sunt. Matth: 11. vbi non est locus idoneus poenitentiae, sed vanitatis sapius, & sui ostentationis.* Tertiò ex pulchritudine, vnde nascitur superbia. *Glos: super illud Matth: 3 Ioannes habebat vestimenta de pilis, &c. Seruus Dei non debet habere vestimenta ad decorem, sed tantum ad tegendam nuditatem.* Quartò ex superfluitate, quæ directè cōtra votum, paupertatis pugnat. Quintò, ex nimia compositione, quæ lasciuiae & impudētiæ est signum, ex quibus multi scandalizantur secularium.

Quo-

Quocirca summopere cauendum est, ne nisi necessitas suppeditetur in Religione: vnde nec affectemus placere vestibus, vti solent hi, qui internè carent virtutibus, quibus oculus cordis plurimum solet delectari: idèd enim isti foris quærunt placere apud homines, quorum oculis sese ostentant, quia non habent quo se Deo placere faciât, aut quod ipsi aspiciant in semetipsis intus, vbi sordent omnia, & nonnisi densissimæ tenebræ vitiorum, occupant omnia; virtutum scilicet radijs euanescentibus, vt eximiè additum sit: sed moribus; quibus placeamus oportet non fucate, non in hypocrisi, sed in veritate. Primò autem ipsi Deo placere, adnitamur, cuius amicitia omnibus præferenda.

P R A X I M.

Pro Praxi huius Capituli, multum seruiunt suprà posita, de paupertate, & humilitate.

CAPVT IX.

De honestate, & grauitate, foris seruandâ.

S.

Quando proceditis simul ambulate: In incessu, statu, habitu, &c.

Valdè indecens, multùm inconueniēs est, cùm Fratres aliquò missi, ab inuicem separantur, siue in Horis Canonicis, siue in mensa, siue in aliquo negotio: vel quando diuagatur vnus ab altero in aliam domum. Hoc enim ipsum iustâ suspicione carere non potest, aut scandalo quandoque graui: cōtra quos illud Euāgelicum dictum personat. Luc: 9. *In quamcunq; domum intraveritis, ibi manete, & non exeatis.* Intellige, manete simul cum decoro, nec discurratis per domos alienas. Vnde consuetissimè Regula docet: Simul ambulate,

bu-
fo-
ne-
fi,
ris
quo
us
im
po-
cō.
er-
tra-
lli-
tis-
on-
m-
te,

bu-ate, iunui itate; vt in Religioso viro appareat grauitas, & morum honestas.

Subditur deinde: In incessu, statu, habitu, nihil fiat, quod cuiusquā offendat aspectum, sed quod vestrā deceat sanctitatem. Similis locus habetur apud D. Paulum, ad Colos: 4. *honestè ambulate ad eos qui foris sunt.* Item Cap: 2. *Ambuletis dignè per omnia, placentes Deo* Et 1. Tim: 4. *Exemplum esto fidelium, in verbo, in conuersatione, charitate, fide, & castitate.* Hoc enim faciens, te ipsum saluum facies, & eos qui te audiunt. Et 1. Cor: 10. *Sine offensione estote: id est, sine scandalo.* Huc pertinet & id quod Dominus dicit, Matth: 8. *Sic luceat lux vestra coram hominibus, vt videant opera vestra bona, & glorificent Patrem vestrum qui in cælis est.* Nam vult homini illi, per quem scandalum venit. Matth: 19. Ideò & D. Petrus admonet, dicens: *Conuersationem bonam inter gentes habentes, vt ex bonis operibus vos considerantes, glorificent Deum Patrē.* 1. Petr: 2.

Huius ergo præcepti articulus de-

clarat aperte, in quibus rebus seruanda
sit modestia; scilicet in incessu, statu, &c.
Sancta namque Religiosorum congregatio, non solum virere debet integritate conscientiae, sed etiam florere honestatis decore, sicut scriptum est: Eccles: 24. *Flores mei, fructus honoris & honestatis.* Et in eodem Scripturae loco, sermo dominicus loquitur: *O audite me fructus diuini, & quasi rosa plantata super riuos aquarum fructificate; quasi Libanus odorem suauitatis habete, florete flores quasi liliū, & date odorem, & frondete in gratia* Eccles: 39. Religiosorum, quippe munus est, vt sicut internè Sancti sunt Deo homines; ita & externè exhibeant decorem honestatis. Sic enim docuit D. Paulus, vt non simus contenti coram solo Deo nostrā conscientia; verum etiam probitatis insignia, exhibeamus coram hominibus. Cor: 8. *Providentes* (inquit) *bona, non solum coram Deo, sed etiam coram hominibus.* Et certè valde indecorum est, vt ipsi reprehensibiliter viuāt, quorum Ordo exigit vt cæteris præbeant formam sanctitatis: namque ad eos hæc sententia pertinet: *Estote sancti,*

sicut &

sicut & ego sanctus sum. Luc: 19. Verè sancti debemus esse, qui nomen & habitum gerimus sanctitatis, & professionem tenemus Religionis. Apostoli vox est: Sic nos existimet homo, ut ministros Christi. 1. Cor: 4. Existimatio igitur nostri, & bona fama, necessaria est nobis, ut quod sumus, id & appareamus: & quod apparemus, id & simus, ut extrinsecus nihil appareat reprehensibile: ut incessus non, sit mollis, muliebri perfimilis, aut sublimis, ne nimiam arrogantiam, prætendat; sed virilis & modestus. Similiter status non, levis inconstansuè, & quasi loco stare nesciat; pes nescio quo ardore mobilis: in habitu autem maior pars animi morumque inerit.

In summa, docemur irreprehensibiles vitâ permanere, & id quidem magnâ ratione. Sumus enim in perfectiori vitæ statu in Ecclesia Dei, ubi decet & sanctè vivere, decet & nomen bonum, habere: illud ad integritatem nostri, hoc ad exemplum aliorum; ut censet D. Bernardus: Nullum consilium melius fore, quàm si exemplo tuo edificaueris Fra-

treum tuum, prouocans semper ad optima sequenda. Id enim iustorum est proprium, ut omne quod dicunt, vel agunt, non solum per hoc profectum suum, sed etiam proximorum edificationem querant. Author est D. Gregorius in Moral. Cap: 32. Est & alia huius rei ratio: Sumus enim (modò simus sancti) lucernæ ardentes, & lucentes in tenebris peccatorum. Iam scimus quid sit lucernas in manibus tenere, quia proximis nostris lucis exempla monstrare est. D. Gregorio exponente. Vnde & in veteri lege præceptum erat: Facies (inquit) lucernas septem, & pones eas super candelabrum, ut luceant ex aduerso. Exod: 25. Septenarius numerus, perfectionis est typus; idè per lucernas septem, omnes perfectos in Dei Ecclesia designari intelligimus, qui cum verbo, tum exemplo lucent, ex aduerso sibi charitate inuicem correspondentes. Tertia ratio, quia in ministerio positi sumus, ut adstemus Domino in similitudinem SS. Angelorum, qui assistunt semper coram Deo, & in hoc ministerium exhibent illi. In eius rei figuram, ostendit se Iohanni Christus ornatu ministratorio, in medio

medio candelabrorum septem. ut Apoc. scriptum est: *Erat enim vestitus veste lineâ albâ usq; ad talos, præcinctus ad mammillas zonâ aureâ. Hæc charitas constringens est. Caput & capilli candidi erant, velut lana alba, & nix: Hoc modestiam, morumque gravitatem ostendit in ministro Dei. Oculi eius tanquam flamma erant. Hoc vivacitatem intelligentiæ indicat, ut non sit stolidus, aut idiota, minister Dei. Pedes autem eius similes aurichalco: id est, voluntas eius sit aurea, inque speciem auri multis tribulationum ignibus diducta. Vox tanquam aquarum multarum: nam clamare ministrum Dei oportet, in Hymnis & Canticis, siue in Verbi Dei prædicatione; imò contra vitia, velut tubâ horrifonâ clangere, & ad superna vocare.*

Ex his autem hi fructus nascuntur: Primò enim, honorificatur Deus, qui abundè fructus pulcher & eximius est. Secundò, ædificatur tunc proximus tuus; & id tibi magnæ gloriæ fore non dubites. Tertiò, cumulatur præmium: quale autem te præmium pro his maneat, auris non audiuit, oculus non vi-

dit, nec cor alicuius excogitauit. Ad ultimum hæc omnia tibi accedunt, si religiosam vitam duxeris, ut sacro instituto, & iureiurando tuo, respondeas.

Religiosè autem viues, si illicitos motus compresseris tuos, carnis desideria contempnas, aut abominatus fueris, sensus cohibueris: ne aut oculi petulantiores sint, aut aures prurientes ad inuicilia audienda, vel ad mundanas consolationes, quæ sæpè impuræ sunt; denique si proprium amorem euacuare contenderis, ac spiritu tuo recollecto uni Christo incumbas, illi soli placere studeas, ut quæ iussit facias, spe ad superna euectus.

P R A X I S.

Moestitia plurimos actus videre licet a multis sacros & profanos Authores: hæc statim ab ipso tyrocinio discenda est, & ad ipsos canos protrahenda; nec audiendi sunt illi, qui se falsò putant exemptos esse à multis actibus moestitie, cum Nouitiatus annum excesserint: quasi verò illa moestitia virtus, quæ in Nouitiatu lactens fuerat, cum illis adolescere,

ſce. e, & ad ulteriorem perfectionem tendere non debeat, cum nec ipſi Religioſi eſſe deſiderint. Lege Nigronium in Alcei: Ir: 10. de minimis.

Eleganter de hac Scribanus in Medico Rel: lib: 3. Cap: 23. Dici non poteſt, quantum, ſive ad invitationem, ſive ad perſuadendum, religioſa morum compositio valeat, vultus totius modestia ac maturitas, decens omnium membrorum compositio, frons ſerenior, oculi modicum deiectionis, & verecundiam ſignantes; os genarum pudorem teſtantes; manuum, totiusque corporis, ſeria maturitas; ut vel hac ſola ingentia, non ſemel incitamenta fuerint vita melioris: potentiora nimirum ad ſuadelam facta verbis ſunt; plusque poteſt morum locutio, quam fecundiſſima verborum ſumina, diuite quocunque fonte manantia. Ita non raro plus ſuperioris aspectus ad ſeueritatem compositus, quam acerbior a verba potuerunt.

CAPVT X.

De cura Caſtitatis.

§. I.

Oculi

Oculi vestri, et si iaciantur in aliquam fœminarum, in nullam figantur, &c.

MAgnum malum, induxit super nos præuaricatio primorum parentum, ut per eam obnoxij essemus infirmitatibus his, quas in nobis iugiter experimur: ecce enim vniuersi sensus nostri, tam interni, quam externi, corrupti sunt, qui fœdis suis delinimentis, ad seruiendum carnali corruptioni, inducunt miseram animam; ipsam rationem, quæ quiddam diuinum in se præfert, excæcantes: ut nisi æquis legibus coërceantur, adhibitâque seriâ custodiâ seruentur; facile à magnanimitate, & decore honestatis, nos deiiciant, ac in belluam quandam, immutent; ut ne quidem hominis verè sani vestigium, in nobis relinquant. Inter quos vel notentissimus vilus dignoscitur: qui haustum venenum diffundit vsque in interiora animæ, ac omnia deperdit; ut iure in personâ quorundam conqueri videatur.

deatur Ierem : Thren : 3. *Oculus meus, de-
pradatus est animam meam.* Et in alio lo-
co : *Ascendit (inquit) mors per fenestras
nostras.* Cap : 9. *Quid fenestræ istæ sunt,
nisi oculi, per quos pater accessus ad in-
teriora peccatis, quæ per oculos hauri-
untur.* Ideò rectè admonet D. Grego-
rius in Moral : *Vt mens sit munda in cogi-
tationibus, deprimendi sunt oculi, quasi ra-
ptores ad culpam.* Oculi enim sunt pro-
pria tela libidinis, quorū aspectus men-
tem hominis vulnerat, & cor. Sic B.
Iob depresserat oculos suos, qui cōstan-
tissimè dicebat : *Pepigi fœdus cum oculis
meis, ut non cogitarem quidem de virgine.*
Iob 31. Inde q; Sapiens in Eccl : monet :
*Auerte (inquit) oculos tuos à muliere com-
ptâ : propter speciem enim mulieris multi pe-
rierunt.* Item in Prouer : *Multos vulnera-
tos deiecit, & fortissimi interfecti sunt ab eâ.*
Idem. *Gladius igneus, species mulieris.* Vt
rectè regius Psaltes orauerit : *Auerte ocu-
los meos, ne videant vanitatem.* Vnde Gre-
gorius : *Si Eva lignum vetitum incautè non
aspexisset, non illud tetigisset.* Ecce quâ ra-
tione prohibetur incautus fixos oculi
in Regula ! Domini vox est : *Qui vide-*
in muli-

rit mulierem ad concupiscendum eam, iam
 mæchatus est eam in corde suo. Matth: 5.
 Quod igitur non licet concupiscere, nō
 liceat aspicere: illabitur enim, subito
 per visum pestis atrox; & ad intima os-
 sium dilabitur; figit altiùs radices, ut nō
 facilè euelli amoueriq; possit. Equidem
 non paruo negotio anima purificatur,
 hac ubi sorde imbuta fuerit; nec facili
 labore sanabitur corrupta. Proinde re-
 ctè ille magnus Arsenius, mulieri pe-
 tenti pro se orare, respondit: Orabo (in-
 quit) ut nunquam tui memoriam habeam.
 Ecquis vnquam in sinu anguem absco-
 derit? aut gesserit ignem? Ergo ad cui-
 tanda hæc mala, ipse etiam, aspectus
 metuendus. Et quia plerique sunt, qui
 malè autumant se non coinquinari im-
 pudico aspectu, idè contra hoc statim
 fulmen præcepti iacitur.

§ 2.

*Nec dicatis vos habere animos
 pudicos, si habeatis oculos
 impudicos, &c.*

Minimè

Minime tutum est figere aspectum.
in foeminam, cum statim sequatur
cor, motum laiciuentis oculi. Nemo
se putet sanctiorem Davide, quem am-
plā plenitudine inhabitabat spiritus
Dei: neque sapientiozem Salomone,
qui in excogitandis rerum euentibus,
iudicijsque admirandis, perquam felix:
neque fortiorem Samfone, qui ab ipsā
infantia Deo consecratus, stupendā vir-
tute hostes prosternebat. His omnibus
deceptrices illusere mulierculæ: for-
mā, aspectu, consuetudine. B. Augu-
stini verba sunt: *Crede mihi, Episcopus lo-
quor, Cedros Libani ex hoc cecidisse reperi.*
Quid Cedri Libani sunt, nisi excellen-
tissimi in professione Castitatis: hæ e-
nim potentissimæ arbores sunt in mō-
te Libano, quod nomen, candicationē
significat. Proinde generoso animo fu-
giet consortia hæc pestifera, quicumque
castitatis verus professor fuerit: *Nam,*
sicut à vestimento prorepat tinea, sic à mulie-
re iniquitas: dixit Eccles: 42. Hic animad-
uerte, duplicem, esse impudicitiam;
alteram carnalem, spiritualem alterā.
Spiritalis est, quæ ex delectatione cō-
ceptā

cep:â, per consensum contrahitur; de
quâ hic dicitur: Et cum inuicē, &c.
vſq; fugit castitas ipsa de moribus.
Carnalis est, quæ in operatione per va-
rias peccati species perficitur: multis
autem modis vtrâq; incrementa sumit,
modò per visum, modò per auditum,
modò per allocutionem, &c. quæ non
aliud locum sibi sortita est, nisi in sta-
gno, & sulphure ardenti, ignis infernalis.
Apoc: 20.

§ 3.

*Nec putare debet, qui in fœmi-
nam figit oculum, &c.*

CVm venerea voluptas semel occu-
pauerit mentem hominis, cōtinuâ
vi agit intra eius præcordia, & vſque
adeò quidem, vt facillè nequeat discer-
nere quid fas sibi sit, quidq; nefas; cuius
initium sæpè visus solet esse. Vt igitur
exterreamur ab his malis, quos in san-
ctificationem vocauit Deus, duos Sacra
Regula proponit obseruatores nostri:
Primò

Primo hominem, deinde Deum : à primo confundimur per infamiam ; à secundo, per iudicium. Ab homine nāq; oboritur mala fama, vt confundamur in conspectu hominum : à Deo autem intentatur pœna, iuxta rectitudinem sui iudicii, qui non potest inultum relinquere peccatum. Dicit ergo. Nec putare debet, qui in foeminam figit oculum, &c. Sunt enim pleriq; qui cū mala faciunt, putant se latere; sed difficile est crimen non prodi; & difficilius tegitur crimen luxuriæ, cū mēs excœcetur ab eo, ne aduertat sui observatores. Sed fiat quòd celetur ab hominibus, sicut quandoque solet accidere, vt multorum nesciantur scelera; attamen videt omnia Deus, cui omnia nuda sunt apertaq; qui habet oculos tanquam flammam ignis. *Apoc: 7.* id est viuacissimos, quibus penetrat etiam interiores cogitationes mentium. Non igitur dicat peccator: *Non videbit Dominus, nec intelliget Deus Iacob.* Circa cardines cœli versatur, opera hominum non considerat. Sed confiteantur, ne gentiæ: Deus

est summa mens, summus intellectus:
 qui finxit oculum, omnia considerat: qui docet hominem scientiam, omnia novit: qui corripit gentes, peccantes arguit. Psal: 93.
 Vnde nobis magna ratio probitatis inserta est, quod habeamus Deum supra nos, omnia cernentem, nobis præsentissimum, observantem omnes semitas nostras: ut quidquid dixerimus, vel cogitauerimus, egerimusue; solliciti simus, ne quid in nobis Deo displiceat: sicuti habemus illum, Iob iustū pro instructione nostrā. Semper enim quasi tumentes super me fluctus, timui Deum. Iob 31.
 Et alibi: Verebar ego omnia opera mea, sciens quod non parceres delinquenti. Quod autem peccatorem non statim punit, dat rationem S. Propheta Isaias: *Expectat Dominus, ut misereatur vestri.* Cap: 30.
 Ignoras, inquit D. Paulus, Rom: 2. quoniam benignitas Dei te ad penitentiam adducit, qui in Ezechiele de se dicit: *Nolo mortem peccatoris, sed ut conuertatur, & viuat.* Cap: 19. Attamen, quanto fuerit eius misericordia diuturnior, tanto grauior fiet in fine ipsius iustitia, iuxta illud: *Lento quidem gradu, ad vindictam Divina procedit*

procedit ira, sed tarditatem supplicij grauitate compensat.

§. 4.

Illi ergo vir sanctus timeat displicere, ne velit foemina male placere, &c.

PROhibuit superius aspectum criminofum, eo quod nihil sit faciendum contra Deum, quem, & cuius leges præponere debemus omnibus, atq; ad eò in spiritu renouari, vt ne in minimo offensum iri velimus; cum, offensa eius non modica sit: modò subiungit: Vt ei vir sanctus timeat displicere, &c. Ac si dicat: hoc solo displicebit Deo, si male placere voluerit foemina. Deo enim nemo placere poterit in causâ peruerfitatis. Nota hîc, Religiosum hominem, sanctum appellat, qui sit, amicus Dei, primò per fidem, ac deinde per præceptorum eius obseruationem, ex charitate. Primum igitur hoc studium nostrum sit, hæc principalis cura, ac vi-

gilantia, ne in aliquo Deo displiceamus, nec solum id faciamus, quod praescribit Regula, verum & alia, quae à nobis Deus requirit, ut sub vno omnia intelligantur. Secundum, ut cogitantes praesentiam Dei, non male videamur. foeminae, concupisci ab ea volentes, nam sibi est male videri ab ea: quod sane non eorum est, qui ad perfectionem tendere debent.

§ 5.

Quando ergo simul estis in Ecclesia, & ubicunque foeminae sunt, &c.

Scriptum est, Eccles: 17. Quia unicuique mandavit Deus de proximo suo: videlicet de custodiendo, & non scandalizando: Ideo Gen: 4. reprehendit Caïn, qui Deo interroganti dixit: Nunquid fratris mei custos ego sum? Unde iustissimo praeepto Regulae, ad mutuam custodiam admonemur, praesertim in re pudicitiae; quae ut preciosissima est

in no-

in nobis, ita plurimos nacta est impugnatōres. Primò à carne impugnatur; quæ concupiscit aduersus spiritū, *Rom. 2.* deinde à Dæmonibus, quorum prauas suggestiones, *igneatela*, vocat Apōs. *Phil. 6.* Vt enim tela flammantia succendūt, vbi iaculata ceciderint; sic praua Dæmonum suggestiones, in fauillā vertunt omne ædificium spirituale, si per consensum acceptatæ fuerint; quod ne fiat, præcauet: *State succincti lumbos vestros in veritate.* Quin ipse Dominus apud Matth: *Sint lumbi vestri præcincti.* Cap: 5. Expugnatrices quoq; Castitatis nostræ, sunt ipsæ formæ foeminarū, à quibus (vt suprà) custodiendi oculi. Audi Paulum loquentem: *Hoc igitur dico, & testificor in Domino, vt iam non ambuletis, sicut & gentes ambulant, in vanitate sensus sui, tenebris habentes obscuratum intellectum, alienati à viâ Dei, per ignorantiam quæ in illis est, propter cæcitatem cordis ipsorum, qui desperantes semetipsos tradiderunt impudicitia, in desperationem immunditiae omnis.* *Ephes. 4.* Expende singula orationis membra, & quâuis occasione, prout Dominus dederit, extirpes,

etiam in alijs hoc turpissimum scelus? Non enim vocauit nos Deus in immunditiam, sed in sanctificationem, ut sciat unusquisque vas suum possidere in sanctificatione, non in passione desiderij. *Thessal: 4.* Quàm igitur conuenienter iubemur ad mutuam custodiam, ut inuicē spiritu fulciamur, ne impatientes custodiæ, in passionis ignominiam tradamur ab irato Deo: idè namq; congregati sumus, fratres, quæ vocamur, ut mutuis auxilijs subleuemur. *Meliùs est enim esse duos, quàm unum; habet enim emolumentum societatis suæ. Eccl: 4.* Si unus ceciderit, ab altero fulcietur: vñ soli, quia cùm ceciderit, non habet subleuantem se. Sequitur: Deus enim qui habitat in vobis, ipso etiã modo custodiet vos ex vobis. Ac si dicat, etiã si habeat alios quoque modos custodiendi vos à malo; tamen is est vnus, & præcipuus: proinde nec negligendus à vobis.

P R A X I S.

Media castitatis acquirenda, corpori applicanda, desumpta ex Aluarez de

Paz.

Paz, Tom: 2. par: 2. lib: 5. Cap: 14.

1. *Mediocritas in cibo & potu.*
2. *Sensuum mortificatio.*
3. *Honestas in incessu, statu, aliq^q situ corporis.*
4. *Asperiorum applicatio; uti sunt, durus lectus, disciplina, prostrationes in terram, manuum extensiones, &c.*
5. *Fuga mulierum, otij, aliarumq^q occasionum ac incentiuorum ad libidinem.*

Media castitatis acquirendæ, animo applicanda.

1. *Cognoscere Deum, auctorem castitatis.*
2. *Frequenter, & sincerè, à Deo illam postulare.*
3. *Studio literarū ac sapientiæ intendere.*
4. *Delicias cœli cupere.*
5. *Ad voluntatem in cunctis Dei attendere.*
6. *Circumspicere sua verba, gestus, socios, aliq^q pericula prævidere.*
7. *Animum continere in patientiâ iniuriarum, aliarumq^q aduersitatum; inde enim sine consensu perferentur, & animo generoso contemnentur carnis tentationes.*
8. *Statim in principio istas cogitationes impuras*

impuras detestari, aut inuitè malum pati.

9. *Se vilipendere, ac humilitatē exercere.*

10. *Mortis horrorem ac miseriam meditari.*

11. *Suae imbecillitati semper diffide e.*

12. *Spiritualis Magistri instructione uti*

Idem ibidem Cap: 15 & quidem latius

Nec valet quorundam friuola excusatio dicentium se non posse continere. Contra quod eleganter Ma: chantius respondet in Horto Past: lib: 3. tr: 4. lect: 8. Nemini Deus precipit impossibile, qui dixit Gen: 4. Sub te erit appetitus tuus, & tu dominaberis illius. Non experiuntur lasciuui homines quid possint, voluptatibus carnalibus resistendo, sed ad primū lenocinantis voluptatis sensum, statim captiuum tradunt consensum, & sic carnem non vincunt, sed à carne vincuntur. Si eis grandis summā pecunia proponeretur, ut continerent. tunc promptè & fortiter carni obssisterent. Vbi verò apud Deum premium seruatum continentibus, non satis consideratur: dicunt se continere non posse. Adde, si mortem corporalem sibi imminere ex incontinentia imaginarentur, frænum sibi inijcerent: ubi verò æternus animæ interitus impendet, non satis ponderatur. Si in homi-

num pra-

num presentia continuo agerent, continere possent; at quia in Dei, & Angelorum, se esse non considerant, dicunt se continere non posse: cum predicta considerantes, contrarium dicere deberent. Insuper liberum est illis malo non consentire: Deus enim nunquam instat praecepto, quin praecurrat auxilio: qui ut inquit Concil: Trident: Sess: 6. cap: 11. iubendo monet, & facere quod possis, & petere quod non possis, & adiuuat ut possis.

CAPUT XI.

De correctione fraternâ.

§ 1.

*Et si hanc, de qua loquor, oculi
petulantiam, &c.*

Non est quo melius possit huic mederi malo, cum altè cordi in sedere, quàm reprehensione, aut correptione: delinquens namq; si castigatus fuerit, ut plurimum resipiscit, & poenitudine veniâ consequitur: & ideo scriptura ait: *Corripe amicum tuum, ne fortè non intellexe-*

tellexerit, & dicat non feci; ne iterum addat id facere. Ecclesi: 19. Et iterum corripe amicum, saepe enim fit commissum peccatum. Clarius hac de re D. Ambr: lib: 5. in. Caput 5. Lucæ: Sint igitur aliqui monitores mentis, qui animum hominis, quamuis exterioris corporis debilitate torpentem, ad superiora erigāt. Hæc autem correptio, nequaquam ex indignationis affectu proficisci debet; verum ex beneuolenti animo, cupiente salutem pereunti. Vnde ibidem scriptum est: Corripe proximum antequam comineris, & da locum timori Altissimi: alioqui non æqua putabitur correctio, nihil gratiæ secum afferens, sed mendax, sicut scriptum est: Correptio mendax, in via contumeliosi.

S. 2.

Si autem post admonitionem, iterum, vel quocunq; die, &c.

Parcendum est famæ proximi, quoad fieri potest: verum si salus animæ in eo periclitari incipit, nec aliter illi mederi poterit, fama negligenda erit, & saluti

& salutis animæ, pro qua Christus mortuus est, prouidendum; ita ut salus præponenda sit omnibus. Quo autem modo & ordine in accusatione procedendum sit, edocet in sequentibus, in quod sequitur.

§. 3.

Prius tamen est alteri, vel tertio demonstrandum, &c.

Conuertitur ad illud, quod primo tempore est faciendum: antequam enim facinus occultum, per accusationē propaletur, testes sunt cōquirendi duo, aut tres: sicut Deus constituit. Deut: 19. *Non stabit testis unus contra aliquem, quicquid sit illud peccati, & facinoris: sed in ore duorum, aut trium, stat omne verbum.* Idē habetur Ioan: 8. & Match: 18. *Si peccauerit in te frater tuus, vade & corripe eum intrate, & ipsum solum; si audierit, lucratus es fratrem tuum: si autem te non audierit, adhibe autem tecum adhuc unum, vel duos, ut in ore duorum, vel trium, stet omne verbum.* Huc respiciebat & ipse Apostolus ad Tim:

ad Tim : 5. *Aduersus Presbyterum accusationem noli recipere, nisi sub duobus, aut tribus testibus.* Aliàs facile erraret examen iudicij.

Hic igitur ordo in accusatione seruandus est, vt occultè delinquens, primò fraterno affectu admoneatur, si est spes emendationis: deinde si se corrigere neglexerit, Prælato intimetur (posito quòd sit vir discretus, non violentus, aut subditis malè affectus) non tanquàm iudici statim executionem efficaciter procuranti, sed tanquam Patri, aut Pastori; vt provideat secretiùs monens, diligentius custodiens delinquentem, pericula mali remouens, aut alia remedia morbo adhibens: demum, si reus proteruus inueniatur, testes contra eum conquirat ad conuincendum eum, & grauiùs castigandum.

S. 4.

Nec vos indicetis esse maleuolos, quando indicatis, &c.

Respondet tacitæ obiectioni per antipophoram: posset enim aliquis

intra

intra se argumentari: Tu iubes propalationem culpæ Fratris; sed ego nolo esse iniurius cuiquam, nolo esse asper & grauis, ipse viderit. Sed certè nihil hoc eris minùs iniurius, minùs innocens; imò opus misericordiæ perquàm magnum fuerit, proximum emendare: & è contra graue facinus, culpam in fratre negligere; ac permittere, vt æternaliter pereat gratià destitutus. Sumit autem argumentum ab exemplo vulnerati, cui cum sanie concepta intumescit, ex percussione aut alio vitio, caro cum cute, & virus dilapsum sit intra viscera, vt nisi ferro cædatur, virusq; cum sanie educatur, actum sit de illo; quem si celles defendas, ac ille intereat, tu hominem interfecisti, esq; reus parricidij. Similis ratio est in re spiritali, imò maior, propalandi. Non est ergo maleuolentia, sed beneuolentia; non iniuria, non crudelitas, sed debitum charitatis, hæc delinquentis delatio. Imò maxima per te erit iniuria salutis, dum indicando Fratris morbum, eum sanare potes, & tacendo negligis, vt ille pereat, in conscientia, in Dei gratia, quæ est vi-

ta ani-

ta animæ ad beatitudinem æternam.
Ergo nullo pacto debes occultare sce-
lus proximi, sed ad sanandum prodere:
alias contra charitatem peccare te no-
ueris manifestissimè, cum Pharisæis, di-
centibus Iudæ: Quid ad nos, tu videris.

I. S.

*Sed antequam alijs demonstre-
tur, &c. Si autem negave-
rit, &c.*

VTitur hic figuratâ constructionis
oratione, quæ à Græcis *ιστερον προ-
τερον* dicitur; quâ uti solemus, quoties
præponenda postponimus, & è cōtra:
quæ figura commodè hic posita, vel id-
circo videtur, ut per intellectiōem
membrorum orationis, apertius pro-
cessus causæ innotescat. Ut videlicet,
si delinquens post admonitionem fra-
ternam, vel denunciationem factam,
Prælato, eiusque admonitionem, culpâ
suam defendat; studiosius obseruetur,
eādem per testes conuictus grauius pu-
niatur. Sunt enim præstanti ingenio,
ac opti-

ac optima natura quidam, qui delicta
sua nulla graui contentione confiten-
tur, ab ijsque quamprimum absolui e-
mendariq; cupiunt: sunt & alij proter-
uiiores; quorum cor obduratum est, ex
vitijs in consuetudinem iam obductis;
qui vt emendari reuunt, sic & confite-
ri culpam nolunt; qui nec Dei iudiciũ
timent, nec ignem eiusmodi obstinatis
paratum; aut fortè quia confiteri erube-
scunt: in hos ergo adhibendi sunt testes
fide digni ad conuincendum. Nemo
enim, nisi conuictus, iure, punitur, ob-
scurientes, ac malo veneno tinctas ob-
trectatorum linguas: & in hoc iudicia
sunt instituta; vt reus legitimè conuin-
catur; alioqui insons pro fonte facile
haberi posset.

Et quoniam in charitate fundati
sumus, iuxta eandem sicut denuncians,
itã & iudex Prælatus procedat, vt non
facili negotio Fratrem in publico con-
fundat, si priuatim coram se, vel coram
yno, vel duobus Fratribus familiaribus
reo, possit eum, iuxta maiorem vel mi-
norem notitiam, aut grauitatem crimi-
nis, emendare. Secus tam en est; cum

deli-

denotum templenè constat probatum,
 vel publicâ infamiâ laborat, vt publicè
 corripitur. Secundùm tamen eandem
 charitatem iusta punitio temperabitur,
 vt non nimis seuerè peragatur; nec in
 alium finem, nisi vt delinquens correptione
 fortius resipiscat, vtq; alij metu
 coërceantur. Pauli vox est: *Peccantes coram omnibus argue, vt ceteri timorem habeant.* Tim: 5. Est enim medicina quædam,
 correptio, cum illi qui deliquit, cum aliis,
 quibus palàm, fit iustitiæ rigor, ob
 quam causam instrumenta iustitiæ publicè
 exponuntur, vt iudicium declaret
 iusticiam, legisq; seueritatem ibi non
 negligi. Proinde conuictus, debet patienter
 emendatoriam subire vindictam,
 propter correctionis vtilitatem, & quia
 hic verè poenitens non vltra punietur,
 dicens Scripturâ: *Deus non iudicat bis in idem.* sum: nam non consurget duplex tribulatio. Nau 1. Enimuerò, multi ideò poenas
 ignis æterni non euadent in futuro,
 quia hic poenas temporales non sustinuerunt;
 quòd aut sint potentes, aut iudicia
 fugiunt, & exinde sibi maiora acquirunt iudicia.

Is autem qui iuxta leges pœnam decernit, caueat, ne ex indignatione, sed cum compassione id faciat; vt benè S. Paulus consult, ad Galat: 6. *Si praecipatus fuerit homo in aliquo delicto: vos qui spirituales estis, instruite huiusmodi in spiritulenitatis: considerans te ipsum ne & tu tēteris.* Soler enim, iusto suo iudicio, istiusmodi rigidos ac turgidos Iudices, Deus deserere, superbiâ eorū offensus, vt similiter, & sæpè grauius cadantiquatenus ex se primum discant; qualiter, cum fragilibus sit agendum. Petrum, hîc considera, qui cecidit, antequam Tribunal illud summum Pontificij iuris ascenderet, vt ex se doctior fieret ad condescendendum alijs: vnde, non nisi urgente necessitate, rigorem iusticiæ ostendebat; vt patet in Ananiâ & Saphirâ, Simone Mago, &c.

§ 6.

Quam si ferre recusauerit, etiâ si ipse non abcesserit, &c.

Delictum eorum, qui nec culpas verentur committere, & pœnas recu-

K

fant

sant ferre, dicitur incorrigibilitas; delictum grauiſſimum, & periculoſiſſimū, quod & remedia ſanatiua repellat, & morbum in dies augeat: planè Diaboli eſt proprium, qui ſemper peccata peccatis accumulāt, nec vnquam pœnitere intendit. Hoc Religionēs ſacras demolitur, congregatiōes diſſipāt, & latibula latronum, facit ipſa domicilia clauſtralium; cū obedientiam abiiciat, quæ eſt primum robur & munimentum Religionum, in quā omnis virtus conſiſtere videtur. Amplius dico; hoc ſolū eſt ſcelus, quod homines damnat, cū nullum aliud ſit tam enorme, tam patens crimen, quod id efficiat, ſi adſit vera pœnitentia, ac vitæ correctio: eſt enim inter alias ſpecies directè contra Spiritum S. qui effuſus eſt in mundum, ſi quis velit eo vti, trahereq; eius vō a in vitæ emendationem, cui repugnat incorrigibilitas.

Quapropter peccatum iſtud, in nullo, quantūcūq; magnus fuerit, ſuſtinentum: etſi fortè alia rationabilius ſuſtineantur. Contra iſtiusmodi incorrigibiles, militat laudabilis corrigibilitas

Theodo

Theodosij Imperatoris : cum enim illū D. Ambrosius , ob quoddam graue facinus , ab Ecclesia reieciſſet , ſequē excuſanti lapſu Dauidis , adulterio ac homicidio , reſpondiſſet : *Secutus es errantem , ſequere pœnitentem* ; ipſe ad hoc verbum compunctus , ſuſcepit pœnitentiam , & cum humilitate perfecit ſuam iuſtitiã. De incorigibilibus eſt illud Domini præceptum : *Si Eccleſiam non audierit , ſit tibi Ethnicus & publicanus. Matth : 18.* id eſt , ſequeſtratus de medio iuſtorum. Huic concordat præſens Regulæ locus : De veſtrâ , *inquit* , ſocietate proijciatur.

Obſerua : hanc expulſionem , varij variè interpretantur : alij de quodam genere excommunicationis ; vt quando interdicitur delinquenti communis conuictus : alij de ſequeſtratione carcerali ; alij de eiectione , adempto ipſi habitus ; quod hîc probabiliffimè D. Auguſtinum dicimus ſenſiſſe. Conſultiffimè tamen nos fecerimus , ſi ſecundùm diuerſas perſonæ culpæuē circumſtanti-
as , quandoq; primum , quandoq; ſecū-

dum, quandoq; tertium præstabimus; ita vt semper mitior poena, aut salubrior eligatur, & scandalum alijs, aut pro-uocatio malitiæ non sequatur; insuper si legis iustitia inde non defrauderetur. Pro hoc Argumento, Eccles: 11. *Attende tibi à pestifero.* Item Apostolus deuitare iubet, ad Tit: 3. hominem hæreticum, post trinam admonitionem. Ec 2. Thessal: 3. *Denunciamus vobis Fratres, in nomine Domini nostri IESU Christi, vt subtrahatis vos ab omni fratre ambulante inordinate, & non secundum traditionem.* Sæpè Deus, ob vnius peruersi noxam, irascitur toti congregationi; vt habemus exemplum, Iosue 22. vbi ob vnum Acham, *super omnem populum Israël, ira Dei incubuit.* Ideò dictum est: Non enim & hoc fit crudeliter, sed misericorditer, ne contagione pestiferâ plurimos perdat: quia istiusmodi, & verbis quibus se defendere solent, & exemplis prauis, alijs præstare solent audaciam, ad similia facienda.

Sed quid faciendum, si petunt receptionem sui? Respondeo: Si culpæ

incor-

incorrigibilitas in ipsis manet, non tenetur eos, eiektores, recipere; imò iuste possunt à receptione repelli, sicut iuste sunt expulsi.

Nec obstat Decretalis, quæ dicit fugitivos esse requirendos: quia hoc intelligitur, quando sunt tales, qui cum utilitate Congregationis possunt tolerari; aliàs frustra eiekti fuissent. Nam & ouis morbida eiecta, non solet in caulâ reduci per eandem causam, quia eiecta est. Si verò credatur probabiliter, quòd sint de culpis correcti, & cessauerunt mala facere, & consuetudines prauas deseruisse: tenentur eiektores, eos recipere, saluâ disciplinâ Ordinis.

§ 7.

Et hoc, quod dixi de oculo non fingendo, etiam in ceteris, &c.

NE putares, vnâ speciem dum tractat, ita intellexisse vt non alias sub eadem notaret: docet in specie genus accepisse, ac dicit eundem modum obseruandi, denunciandi, ac corripiendi,

obseruari debere, in omnibus culpis. Neq[ue] enim fas est in locis sacris vitia suboriri, sed omnia in semine extingui debere, ne in segetem crescant; vbi nihil nisi summa sanctitas, summa integritas, puritasq[ue] vitæ, esse debet: ad quod diligenter ac fideliter iubet omnes intendere, maximè Prælatos; id est, vt sine vllâ somnolentiâ, sine acceptione personarum, procurent, vt vitium tollatur; frater, pro quo Christus mortuus est, saluetur.

§ 8.

Quicumq[ue] autem in tantum progressus fuerit malum, &c.

SVnt pertinaces quidam, qui arbitratu suo, quasi iure sibi debito, vt amari & quod professione emissâ semel abnegâtunt, rursus cupiunt in suum vsum assumere, vt libertate voluntatis licentius fruantur, parùm aduertentes, quàm in graui malo versentur, agantq[ue] contra conscientiam. Hi solent literas, aliaq[ue] munuscula, sine scitu Superioris accipere,

cipere, & data obleruare, sic apud se ratiocinantes : Si hoc ostendam Prælato meo, eius vsu carebo ; aut potest esse in literis quidpiam tale, quod minimè deceat alios scire. Contra quos illud. Proverb: 12. *Via stulti, recta in oculis eius : qui autem audit consilia, sapiens est.* Item, D. Hieronymus in Epi : ad Nepot : *Crebra munuscula & sudariola, blandasq; literulas, sanctus amor non habet.* Vnde merito quidam : *De radice peculiaritatis, vel amore pecunia, gignuntur vitia hæc : inobedientia, superbia, contumelia, voracitas, mendacium, luxuria, &c.* Hoc vitium, turbat pacem cum proximo, subijcit hominē Diabolo, auertit animam à Deo, vt nusquam feratur affectus, quàm de conseruando peculio. Dicit ergo : Quicumque in tantum progressus fuerit malum, &c. Et : si hoc vltro confiteatur, parcatur illi, & oretur pro eo. Sunt enim aliqui timoratae consciētiae, qui si aliquid per errorem contra statuta admiserint, adeunt Prælatum, vltro culpam, confitentur ; accepta, ne quid sarcinæ secum ferant in iudicium, de-

ponunt; quibus utiq; parcendum est: sic tamen, ut oratio fiat pro eis à Sanctis Fratribus; quod zelosa prudentia Superiorum, facile poterit disponere. Sunt alij duro & obstinato animo, qui tardius requirunt erratorum suorum remedia: qui iuxta suprà dicta, grauius emendari debent, pro ratione delicti.

P R A X I S.

TEnemur sub mortali peccato, ad correctionem etiam peccatorum venialium, quæ proximè disponunt ad mortale, aut magnum alijs afferunt detrimentum. Vide hæc de re plures DD. apud Bonac: Tom: 2. d. 3. q. 4. pun: 1. prop: 1. n. 3. Aliquando omiſſa fraternâ admonitione, denunciandus est delinquens Prelato: primò dum præsumitur incorrigibilis, vel valdè probabile est non profuturam emendationem: deinde, cum timetur aliquod damnum; vel dum urget periculum, quod non dat tempus pro admonitione. Tol: lib: 5. Cap: 57.

Aliàs ordo Euangelica correctionis, à Christo præscriptus, nunquam potest omitti quando ei locus est: nam eo seruato, in Religionibus

gionibus non essent tot controuersia, amulationes tot, tot scandala, &c. & praecluderetur aditus omnis, & via omnis, inquietis & maleuolis, &c. Ita Octavius Spar: in Praxi, de modo corr: Reg: T. 6. Cap: 3. n. 3. Ideò peccans, & fraternè se monenti obstrepens, rectè à D. Basilio, reus excommunicationis dicitur; ut potè, indignus fraternâ societate, ac per hoc contra Spiritum S. delinquens. Ideò tales à Christo vocantur canes & porci: Matth: 7. ubi dicitur: Nolite dare sacrum, canibus: nolite mittere ante porcos margaritas. Frater, à Pralato de emendatione priuatim monitus, conuincitur inde spirare vindictam, dum petit sibi delatorem, vel testes propalari: quos Prælatus etiam, quæ index, in Processu regulari prodere non potest, nisi (quod absit) in aliquo facto criminali; & hoc cum maturo consilio, precauens grauiora mala. Lezana in. Sum: Quæst: Cap: vlt. & alij plures. De eijciendis incorrigibilibus ex Ordine, extat Bulla SS. D. N. Urbani VIII. cuius explicationem vide apud Lezan: Cap: 23.

• 03150 •

CAPVT XII.

De curâ rerum communium.

§. 1.

*Vestes vestras in unum habeatis
sub uno custode, &c.*

INtencio Regulæ hæc est, vt communis charitas inuiolabiliter obseruetur, & nullus quod suum est quærat, sed quæ alterius, ac propriæ Reipublicæ. Insuper interdicitur, ne quis extra Monasterium quicquam teneat.

§. 2.

*Si autem hinc inter vos contentiones
& murmura oriuntur, &c.*

Contentio, quæ in diuisione animorum est, cum Religioso statu pugnat, de qua supra dicit: Lites autem nullas habeatis. De murmure idem,
senti-

sciendum est; quia nec filij Israël intrare, ob id, in terram promissionis permisi sunt, quibus Moyses & Aaron dicebant, Exod : 17. *Non est murmur vestrum contra nos, sed contra Deum.* Iisdem dictū fuit à Deo, Num : 14. *Omnes qui murmurastis contra me, non intrabitis in terram, super quam leuavi manum meam, ut habitare vos facerem.* Sic & modò, minime sinentur ingredi Regnum cœlorū murmurantes. D. Gregorius : *Regnum cœlorum nullus, qui murmurat, accipit.* Hoc est enim peccatum, quod non solum in futuro, sed etiam, in præsenti sæculo, Deus horribiliter punit : ob id namque Maria, soror Moysis, percussa est leprâ. Num : 2. Ob id ignis diuinitus accensus, combussit extremam partē castrorum. Num : 12. Ob id Datan, Cores, & Abiron, absorpti sunt à terrâ viuentes. Num : 16. Hoc est pessimum vitium, quod facile concitat omnes. Scriptum est enim, Num : 14. *Quia pauci murmurare fecerunt omnem multitudinem contra Moysen.* Dixit Abbas in Vitis Patrum : *Qui querulus est, Monachus non est.* Non igitur murmuraueritis, qui in partem.

Sancto.

Sanctorum vocati estis, ac plùs attendere deberis ad vestimētum animæ, quod est sanctitas, & iustitia; quàm corporis, quod breui terra consumeret.

§ 3.

Et ideò, quantò amplius rem cōmunem quàm propria, &c.

PRimum & maximum in omni Re-
publ: est ab omnibus diligenter ob-
seruandum, vt communi studio res cō-
munis procuretur, promoueat, & au-
geatur; cuius promotio, est omnium ci-
uium conseruatio, dignitas, & honor: :
vt meritò pro bono publico omnia sint
contemnenda rei propriæ, & ipsa vita
deferenda, si casus tulerit. Vt autem di-
gnitas & emolumentum Reipubl: secū
trahit honorem, & omnes omnium ci-
uium dignitates, & ipsa emolumenta: :
sic è contra damna secū inducit omni-
bus, ac despectus, si paulò incautiùs cu-
rata fuerit. Pari modo quoq; res nobi-
scum agitur: Scitis enim quia in Repub:
Ordinis sumus; vna Domu, eadem le-

ges

ges continent nos; si commune bonū
curauerimus, salui sumus: si defrauda-
uerimus, minimè. Dupliciter autem,
defraudatur commune bonum; aut ne-
gligentiâ, aut proprii curatione: illud
abesse debet à nobis, qui ad laborem
nati sumus, & vocati; vt magna igno-
minia sit homini Deo dedito, in desi-
diâ vitam transire mortalem: deficit
enim hæc, vt vomer siue iaceat, siue in
opere exerceatur; sed melius exedi splē-
dente in exercitio, quàm iacentem,
rubigine consumi. Hoc autem, nempe
proprii curationem, professâ paupertas
abegit à nobis; ideo verissimè est dictū:
Quanto amplius rem communem
quàm propria vestra curaueritis,
&c. vt in omnibus, quibus vitur
transitoria, necessitas superemineat,
quæ permanet, charitas.

§ 4.

*Consequens ergo est, vt cum quis
filijs suis, &c.*

PRæcipimur hic, ab extraneis nihil occultè accipere; cùm iam iuris nostri non simus, nec aliquid proprii tenere possimus: vnde nec etiam ab ipsis parentibus nostris aliquid accipere, ac tenere, cōtra voluntatem Superioris nostri, audeamus, si verè Religiosi esse volumus. Verùm aliquis fortasse subijciat: quòd minùs sufficiēter providetur subditis à Prælato. Sed hæc opinio, multos fefellit, multos evertit: non conquerebatur Ioannes, qui vilibus indutus erat eremum incolens, vilibusq; in hominū conspectus prodibat: non Paulus Primus Eremita, Ordinis nostri Pater, qui nuditatem, è palmæ folijs texturâ, vestiebat; gloriatur quoque Apostolus in suâ nuditate; sed & præceptum Regulæ dicit: nec affectetis vestibus place-
re, sed moribus. Proinde vestitus exterior si non potest pro voluntate fieri, saltem fiat pro necessitate; quia scilicet, melius est minùs egere, quàm plus habere.

Deinde cùm dicitur: Quod si quis
rem

rem tibi collatam celauerit, turti
iudicio condemnatur. Res collata,
dicitur celari tribus modis: primò, cum
ponitur in aliquo occulto loco, animo
abscondendi: tales per similes sunt cor-
uis, aut graculis, qui nummum suffu-
rantur & occultant: alio modo, quan-
do quæritur, & non propalatur. Sic Ra-
chel occultauit, quærenti Patri, idola in
stramentis. *Gen: 31.* Tertiò, quando tẽ-
pore debito non ostenditur: sicut facit
fur, non solum dum, surripit rem, sed
etiam cum furto ablatam non indicat.
Hinc ergo qui rem collatam celat, recte
dicitur fur, quia rem non suam, sed cõ-
munitatis, inuito Domino, scilicet Su-
periore, ad quem pertinet dispensatio,
clam accipit, occultat, detinet in ab-
sccondito, & ideo uer fur est puniendus.
Triplici autem pœnâ fur punitur: Pri-
mò confusione, seu uerecundia. *Eccel: 5.*
Super furem confusio. Secundò, red ditio-
ne furti, *Exod: 12. Si furto ablatum quid
fuerit, restituatur.* Tertiò, punitione
corporali. *Iosue 7. Non eratis uobiscum, do-
nec conteratis eum, qui huius sceleris reus est.*
Ergo

Ergo qui rem collatam celaucrit, furti iudicio condemnetur. id est, in noticiam aliorum detur publicâ obiectione, & cogatur ad restituendum accepta, & poenâ carcerali vexetur.

P R A X I S.

P Raxis huius Capituli, pertinet ad Caput de vnanimitate & paupertate Regulari.

C A P V T XIII.

De mundicie vestimentorum,
& corporum.

§. I.

Indumenta vestra, secundum arbitrium Præpositi, lauentur, &c.

Semel emissum votum, ampliùs retractari non potest; nec qui alieno iuri sese volens subdidit, ultra sui iuris esse potest: non igitur nos arbitrio no-

stro in

stro in S. Religione aliquid efficere
possumus, nisi consulto Superiore, de
cuius arbitrio pendemus: hinc est, quod
etiam ablutio vestium nostro interdicitur
arbitrio, quatenus omne nostrum
opus maiori præmio cumuletur, & ne
vllum opus sit sine vsu obedientiæ, quâ
vel solam exhibeamus in operibus no-
stris, Christum nobis proponentes, qui
ex obedientia effecit omnia, & cuius
opera ipsâ obedientiâ maximè exornâ-
tur, vsq; ad ipsam mortem crucis. Cer-
tum namq; est nos à merito deflectere,
si quid nostrâ propriâ voluntate paulò
liberiùs nobis indulgere coeperimus,
ad quod malum nos philautia, seu in-
ordinatus amor, nobis connaturalis, in-
ducit. Proinde ne nostra voluntas fiat,
etiam in minimis; ipsam abluitionem,
vestimentorum sine concessione Præ-
lati fieri non procuremus; siue etiam vt
in modicis mereamur, siue vt nec ad
punctum ab obedientia. discedamus,
per quam etiam nobis necessariâ coro-
nare in nobis nouit Dominus. Insuper
huius causâ subditur: ne interiores a-

nimæ sordes contrahat mundæ vestitis nimius appetitus; id est, ut non cū peccato delectationis, vel superbiæ, quæ sunt sordes animæ, fiat eiusmodi mundities.

§ 2.

Lauacrum etiam corporis, cū infirmitatis necessitas, &c.

Sicut vestimentis, sic & corpori concedit necessariam mundiciem per balnea, cuius iustam causam ponit infirmitatem; quæ si desit, nemini suffragatur: imò prohibitio in hoc mox sequitur: Cū autem velit, & fortè non expedit suæ cupiditati, non obediatur; causa in promptu est. Aliquādo enim etiam si noceat, prodesse creditur quod delectat: ita ut si necessitas tulerit, etiam si nolit, cogatur ut subeat balneum. Sic ergo disiunctiuam sententiam copulat, ut necessitati indulgeat, nō voluptatis; & id quidem per modum re-

medij


medij cuiusdam, vt citra culpam fiat indulgentia: nisi enim adsit necessitas, nõ deerit vitium in delectatione. Attendant præceptum isti, qui nullâ necessitatis infirmitate, ad balnea frequentius recurrunt: nunquam enim hoc est concedendum, nisi valetudinis causa recuperandæ, ne cutem curemus, sensusq; nostros in delectatione excitemus, qui carnis mortificationem in nos suscipimus, omnem voluntatem religiosè abdicantes.

Sed & istud venit in quæstionem: quid est quod dicitur: Aliquando enim etiam si noceat, prodesse creditur quod delectat; vtrum ad corpus, vel ad animam, nocumentum referendum sit? Potest ad vtrumq; referri, nã & corpori balnea sæpè nociua esse, iuxta Medicorum placita; & animæ, si delectationi consentiatur, nouimus: brutorum enim animalium est voluptate duci, non hominum, qui ratione; non Religiosorum, qui S. Euangelio, & vitâ Christi, regi debent.

§ 3.

Deniq, si latens est dolor in corpore, famulo Dei, &c.

Sicut mors, ita mortis circumstantiae adfunt nobis, quæ sunt morbi, qui ut varij sunt, ita persæpè iuxta causas incogniti. Certum est autem, vnumquëq; hominum, suum experiri morbum, cuius vi cruciatur, in quo quisque sibi succurri ab alijs desiderat; & vbi viderit compassionem, lenimen doloris in se ut plurimum aliquod sentit, quod compassio secum ferat occultam virtutem, remedij: contra immisericordia facit augmentum doloris. Vnde rectè præcipitur: ut si quando famulus Dei confitetur quid sibi doleat, statim, & sincerè ei fides detur. Verùm quia interim, appetit infirmus, vnde sibi præsidium, subuentionis sperat; idèd in tali casu Medicus consulendus, & secūdum præceptum eius faciendum.



P R A.

P R A X I S.

B *Vlla Clementis VIII. de Reg: prae-*
pit, ut valetudinarium in singulis Con-
uentibus certo ac salubri loco constituatur,
quod pro loci situ, ac Fratrum numero, quo-
ad fieri poterit, commodissimum esse possit,
in quo Fratres omnes, cum agrotabunt, cu-
rentur. Item autem exercitium cura circa
agrotos, sincera charitas erga Deum, & ne-
cessitas pauperis Fratris, ipsaq; honestas Ordini,
edo ebit Superiores. Alias timeant ne
similibus aut grauioribus oppressi morbis, in-
stè Deo id permittente, maiorem rerum pe-
nuriam ferre cogantur; & quod maxime
formidandum est, ne audiant post illud hor-
ribile feriens tonitru: Ite maledicti in
ignem æternum, quia infirmus eram,
& non visitastis me. Matth: 25.

CAPVT XIV.

De egressu extra Claustum,
 & Infirmario.

§ I.

L 3

Nec

Nec eant ad balnea, siue quocunque necesse ire fuerit, &c.

Istud mandatum, ad itinerantes pertinet : quia enim Religiosorum status, est Schola perfectionis, & summæ honestatis : proinde Religiosi summam modestiam ubique debent, prætere : hoc autem modestiæ conuenit, ne soliuagi incedant Fratres, sed comite iuncto. Cum autem necessitatem eundi insinuat, intelligere debemus, ut non sine iustâ causâ de Monasterio egrediamur.

Sed nunquid solum Fratrem mittere quispiam possit Prælatus ? Respondeo posse, ubi viderit eam integritatem in eo, quæ inconcussa sit, ac in multis probata : nam, & Apostoli soli sæpe ibant, & summæ modestiæ virtutem, prætendebant, fructum salutis procreantes optimo sui exemplo, & doctrinâ. Extat Decretalis Innocentij, Prælatum posse dispensare in ijs quæ citra vota sunt, in casu necessitatis.

§ 2.

*Ægrotantium cura, siue post æ-
gritudinem reficiendorum,
vni alicui, &c.*

CVra inter alia ægrotantium est ha-
benda præcipua, cum semper mise-
ris subueniendum sit; miseria autem
magna obsidet ægrotos: primùm, quod
impotentes sui sint; deinde, quia cruci-
atibus dolorũ, pro genere morbi, variè
premuntur. Et certè membrum mem-
bro subuenire satagit, sentiens eius af-
flictionem; nos autem sumus inuicem
membra, vt docet Apostolus. Primò
fidei Sacramentis: deinde Religionis
professione, quã indiuisè vnum sumus,
vnumque nos confitemur: merito igitur
vbi vnitatis causæ tot concurrunt,
alter alterius onera portemus, & ideo
quoties alicui ægroti cura imponitur,
illam sine vllâ recusatione subire debet,
illi promptè & hilariter inseruiens, vt
ministerium plenum sit charitate, me-

ritoque remunerandum. Namq; præter fidei Religionisq; societatem, etiam naturæ lege ad id adstringimur, ut inuicem nobis seruiamus: in hoc enim & conuietus hominum primò cœpit, ut mutuis obsequijs adessent sibi, cum olim ferinis moribus, passim, per nemora vagarentur. Hinc & nostri Patres, præter alias causas, coacti sunt e nemorum latibulis in Cænobia, ut necessitatibus animi & corporis sibi inuicem subuenientes, ampliora charitatis, obedientiæ, aliarumq; virtutum lucrarentur merita. Quod si id negligimus, quis vlus fuerit huius societatis, non video. Neque verò solis dulcibus verbis succurrendum putaueritis, cum non in verbis, sed factis, vera consistat charitas. Hoc clamat Ioannes, hoc Iacobus, in Epistolis summâ gratiâ conscriptis: *Non diligamus verbo, neq; lingua: sed opere & veritate. Qui viderit Fratrem suum habere necessitatem, & clauerit viscera sua ab eo, quomodo charitas Dei manet in illo?* Ioan. 3. Item in sequenti Cap: *Si diligamus inuicem, Deus in nobis manet, & charitas eius in nobis perfecta est.* Charitas verbalis est im-

est imperfecta, & hypocritica, neque aliud quam dolosa irrisio, de qua Iac: 2. Si frater & soror nudi sunt, & indigne int victu quotidiano, dicat autem aliquis, ite in pace, calefaciemini & satumini: non dederit autem eis quæ necessaria sunt corpori, quid proderit? Talibus, sola in ore natus pietas, in corde immanicas: Sed iudicium sine misericordia fiet illi, qui non fecerit misericordiam. Zach: 2. Obserua, vbi dicitur: Petenda esse necessaria de cellario; omnem curam iniungi, vt per vnum omne officij genus intelligatur.

P R A X I S.

Estat expressum mandatum Clementis VIII. Quoad egressum; de Claustro Monasterij, & Socio prodeuntis: Vt omnis scandalorum & vagationis causa tollatur, Conuentus clausus, a perpetuo ac diligenter seruetur, ac propter ea à superiore iamitor constitutatur: qui diligentia, ac morum integritate, maximè commendetur. Is ianua constituta semper assistat: eam nemini Fratrum aperiat, nisi Socium, & exeundi facultatem, obtineat: Nullus à Conuentu egredi audeat,

nisi ex causa, & tum Socio, licentiâq; singulis vicibus impetratâ, ac benedictione acceptâ à Superiore, qui non aliter eam concedat, nisi causâ probatâ, Sociumq; exituro adiungat, non petentis rogatu, sed arbitrio suo, neq; eundem sepius. Licentia verò generales exeundi, nullò omnino concedantur. Contravenientes autem pœnâ graui, etiam carceris, ad Superioris arbitrium, plectantur. Eandem etiam ianitor subeat, si sciens exeundi facultatem fecerit. Cum autem quis in Conuentum reuertitur, Superiorem iterum adibit benedictionem recepturus, qui à Socio itineris rationem, & quid rei actum sit, diligenter requirat.

C A P V T X V.

De necessarijs animi & corporis.

I.

Codices certâ horâ petantur, &c.

DVo præcipiuntur: primum de libris legendis; alterum, de necessarijs ad

rijs ad vestimentum distribuēdis. Quo-
ad primum : est hoc intentum Regulæ,
vt non otio vacent Fratres, sed vt bonis
studijs operam nauent, magnâ satis ra-
tione : nam legem Dei, de ore eorum homines
requirunt ; vt Malach : 2. habetur. Siqui-
dem hoc totum illorum in vitâ Mona-
sticâ exercitium est, vt cum Moyse quâ-
doque ascendant montem contempla-
tionis, vt ibi cernant, per lumen S. Scri-
pturæ, gloriam Dei, & illi sese cum de-
uotis affectibus, exēplo sui Patriarchæ,
ad fidele obsequium offerant ; quando-
que descendant ad castra populorum,
vt alijs prosint sanis cōsilijs, pijs admo-
nitionibus, in sacris Confessionibus, &
quo à suis Superioribus missi fuerint,
iuxta illud dictum S. Pauli D. Antonio:
*Non tantum attendas quæ tua sunt, sed &
quæ aliorum.* Alterum, spectat præce-
ptum ad Prælatos, sub quorum disposi-
tione sunt necessaria, vt ea dare non
differant indigentibus ; ne occasio de-
tur Fratribus, murmuris aut propieta-
tis ; maximè cū frequenter fiet polli-
citationibus delusio. Hi enim in primis
ostendere debent charitatem erga Fra-
tres su-

tres suos, in quorū ministerio sunt positi, ac providere non procrastinantes, non inuici; sed libenter ac hilariter: nec impropèrante aut minus, aut vilissima dando: alioqui infideles ac inutiles se ostendent ministros, ac vacuos spiritu Christi, contra quos fulgurat illa sententia Evangelica: *Seruum inutilem eijcite in tenebras exteriores, ibi erit fletus & stridor dentium*, Matth.: 25.

P R A X I S.

Adotium in Regularibus tollendum, & studia promouenda, optimus praescribitur modus in Bulla Clementis VIII, *Lectio Sacrae Scripturae, vel Casuum conscientiae, bis in Hebdomada, praescriptis diebus, in suis Monasterijs & Conuentibus habeatur: ad quam Fratres omnes conueniant, eaq; absolute mutuā collatione, circa explicatam doctrinam sese exerceant. Et iterum: Quo verò omnia ordinate peragantur, appendatur tabula in loco conspicuo uniuscuiusq; Conuentus, in qua distinctè annotetur, quid singulis horum, cuiusq; diei, quilibet Frater prestare debeat, ut, certo quoq; signo prae-*

maiore

maiore cum animi preparatione, suo muneri
satisfacere possit. Hæcibi. Porro memi-
nisse oportet, tempus præsens nobis concessum
est ad lucranda eternitatis præmia, iuxta il-
lud Scriptura: Quicquid potest operari
manus tua, instantè operare, &c. Aliàs
sicut de verbo otioso, sic de tempore, erit
danda ratio in die iudicij: multò magis de er-
ratis, quæ sæpè solent euenire, tam quoad no-
stram, quàm aliorum salutem, in diuersis
negotijs, ex negligentia discendi: de quo vide
D.D. de ignorantia inuincibili.

CAPVT XVI.

De vitandâ discordiâ.

S.

*Lites autem nullas habea-
ris, &c.*

Apostoli vox est: Non oportet seruum
Dei litigare, sed quietum esse. 2. Ti-
mot: 2. Et iterum: Si quis videtur inter
vos contentiosus esse: nos talem consuetudi-
nem non habemus, neq. Ecclesia Dei. 1. Co: 2.

Kurlus

Rursus ad Phil : 2. *Nihil per contentionem, neq; per inanem gloriam, sed in humilitate, Superiores sibi inuicem arbitantes, non qua sua sunt, singuli considerantes. Idem. Si inuicem mordetis, videte ne ab inuicem consumamini.* Gal: 5. Proinde cum dicitur: Lites autem, nullas habeatis; sic intellige: Nihil per contentionem, neque per inanem gloriam faciatis, sed in humilitate consentiatis. Hinc apparet, quàm benè congruat hoc præceptum S. Scripturæ, cui nos in omnibus accommodare debemus. Nec enim decet seruum Dei litigare, discipulum mitis Magistri cælestis contendere, qui relicto strepitu sæculi, se in loco pacifico S. Religionis constituit.

Aduerte: quibusdam hoc præceptum durum esse videtur. Sed quibus? deiectis à gratia Dei, à charitate eius, ac multum de se præsumentibus. Sed esto sit durum, quòd propemodum impossibile sit, quin emergat rixa contentioque; quod & palàm constabat D. Patris ingenio; sed tamen pro viribus fugiendæ lites: Ideò cum sciret ita posse contingere, maximè à minùs perfectis, du-

ritiam

ritiam præcepti, sequenti verbo leniuit:
Aut quam celerrimè finiat; ut ne-
mo esset, quod id non facilè posset effi-
cere, etiamsi illud in vniuersum sit, vi-
tare difficilè quibusdā. Subdit rationē:
ne ira crescat in odium. Vt si dica-
tur: Nisi protinus hostem spiritualis vi-
tæ, litem videlicet, ut primū nata sit,
finibus vestris depuleritis, aut gladio
fraternæ charitatis iugulaueritis, hæc
summa mala sequentur: nam ira minu-
ta in primis rigescet, suā mole semper
crescente in odium, fietq; velut trabs de
festucā, ut facilè miseram animam faci-
at homicidam, Scripturæ testimonio:
Omnis, qui odit fratrem suum, homicida est:
Ioan. 3. & omnis homicida, non habet vitam
in se manentem. Præstat ergo, vbi pri-
mū ira exorta fuerit, dum adhuc te-
nera est, ipsam extinguere; ut vbi pri-
mū vix efficere possumus, secundum
faciamus.

P R A X I S.

Ad vitanda iurgia, & finiendas quanto-
cius lites, hæc media passim à Patribus

spiritu-

Spiritualibus dantur. Primò in loquendo, submissâ voce uti, prout habet D. Basil: in Epist: ad Can: Christianum non debere vocem attollere; cum de Christo Isaias Cap: 42. scripserit: Non clamabit, nec audierur vox eius foris, vapore mitis, ac mansueti. Secundò: ut unus ab altero, in principio rixe, statim recedat, aut taceat: iuxta illud Psal: Turbatus sum, & non sum locutus. Sic D. Ambrosius: in Cap: 4. ad Colof: Perstreptentibus autem & animosis ad conuicia, semper cedendum: vincis enim, dum cedis. Tertiò, ad quod assuescendum est, quod S. Theresia in suis doctrinis poluit: Vt in primis verbum Deo commendemus, antequàm illud de ore nostro promamus: quæ etiam doctrina multum valebit pro silentio seruando. Quarto, non magni facere proprium iudicium, præsertim circa res nostras. Ita Cass: Coll: 16. Cap: 6. Quintò, unus alterius dissimulet dicta, aut defectus, sicut vellet suos dissimulari. Ad Ephes: 4. Cum patientiâ supponentes inuicem.

Nec valet aliquorum excusatio dicentium, sibi ab altero datam esse causam litis: aliàs canes, & aspides, patientes essent hoc pacto,

paſto, dum nullum mordent non irritati.
 Sextò: vitanda ſumopere ſuſurratio, vitium
 maximè nociuum Congregationibus Regu-
 larium; dum videlicet quis alterius dicta de
 alio offenſua, aut facta quæ poſſunt discordi-
 as ſeminare, eidem refert: maioris quippe
 hoc malitiæ eſt, quàm furtum, detractio, &
 contumelia; ſiquidem maius bonum alijs, ni-
 mirum amicitiam, aufert. Vide D. Tho-
 mam, 2. 2^æ. q. 74. ar: 1. Bonacin: Tom:
 2. diſp: 5. q. 6. p. 1. Deniq; facile quicq; vi-
 tabit rixam, dum motiuo ſpirituale proxi-
 mum diligit: de quo in Capite ſequenti.

C A P V T XVII.

De mutuâ deprecatione, & ſpi-
 rituali dilectione.

§ 1.

*Quicumq; ergo conuitio, aut
 maledictio, &c.*

TRia vitiorum genera commemo-
 rat, quibus poſſunt Monaſtici ſe
 conturbare: conuitium, maledictum,
 M crimini-

criminis obiectum; de quibus tenentur
à se inuicem veniam flagitare, paratâ
semper indulgentiâ, citra vllam alter-
cationem: propter orationes, quas cû-
primis facere debemus, quæ parum ef-
ficaces erunt sine mutuâ reconciliatio-
ne; Christo præmonente: *Si offers mu-
nus tuum ad altare, & ibi recordatus fueris
quia Frater tuus habet aliquid aduersum te:
relinque ibi munus tuum, & vade reconcilia-
ri fratri tuo, & tunc veniens offeres munus
tuum. Matth: 5.* Nullum enim sacrifi-
cij genus Deo placet, ab iratis oblatum,
qui in communi precatione, docuit nos
sic petere: *Et dimitte nobis debita no-
stra, sicut & nos dimittimus debitori-
bus nostris.* Qui sic precatur, & tene-
rancorem cōtra alium, nonnè seipsum
eludet? nonnè contra se precabitur?
Si quidem dicit: *Sicut & nos dimitti-
mus, &c.* Ac si diceret: Ego nolo iniu-
riam meam dimittere fratri meo; nec
tu dimittas tuam, quam tibi irrogavi.
Vides, frater, quàm manes in ira Dei,
& quia nisi ex corde dimiseris, non pla-
ceat tuum sacrificium. Deo, qui te est
puniturus, ob duritiam tuam. Idem,
docet

docet parabola, de nequam seruo, cui
omne debitum, dimissum, erat ab
homine Rege; quem Rex iratus, quia
conseruo centum denarios dimittere
noluit, iure tradidit tortoribus, *Mat. 18.*
Vbi Dominus, concludens parabolam,
inquit: *Sic & Pater meus cælestis faciet vo-
bis, si non remiseritis unusquisq; fratri suo, ex
cordibus vestris.* Neque verò putauerit
quisquam, sine permissione Dei hæc fie-
ri, id est, irrogari iniurias; non utique:
Deus enim vult experiri suorum con-
stantiam, & integritatem, per aduersa,
& ut per patientiam corona illis auge-
atur, utque alij fidelitate eorum ædifi-
centur. Certè nos plura committimus
aduersus Deum, opere, linguâ, & fortè
cogitatu sacrilego: vnde sicut volumus,
Deum sine vltione dimittere nobis cul-
pas, & quidem faciliter, ad primam pe-
titionem; sic & nos faciles simus in pro-
ximum in nos delinquentem, etiam si
iterârit iniuriam vsque septuagies septi-
es; quemadmodum Petrum, à Domino
doctum fuisse, meminimus. Ne ergo
dixeris supplici Fratri tuo: iam, toties
irrogasti: quoniam & Deus dicet tibi:

Tu pluries contra me deliquisti. Hic tu conferas offensam cum offensa, personam cum personâ, & à Christo disce esse mitis, & humilis corde. Caue, insuper, ne quando contra fratrem irâ commotus, durum verbum proferas, aut sub prætextu compassionis, defectum fratris indebitè coram alio referens, famam illius laceres.

§ 2.

Quando autem necessitas disciplinae, &c.

DOcentur Prælati, ut disciplinam, si ubi necessitas exposulauerit, ad malos mores coercendos adhibeant: ne per suam indulgentiam vitia foueant in discipulis, alijsq; modestioribus laxent habenas; dum non inquirunt, vel non puniunt delicta. Deinde ut nihil timidè agant inter subditos, maxime in disciplinæ executione: semper enim, Auctoritas eminere, stareq; debet in illis. Demùm, ut sola necessitas cogat eos ad acriorem correptionem; aliàs

aut

aut contemnentur, aut auersio animorum fiet ab eis. Quod si contingat eis modum excedere in corripiendis; tunc non coguntur, præcepto Regulæ, veniam petere, propter seruandam Authoritatem. Nihilominus semper curare debent, vt dum perstrepat lingua foris, paterna dilectio intus seruetur.

Et certè id vsu euenire solet, vt quò plùs aliquem diligit Prælatus, eò interdum acriùs corripiat illum; hac ratione, ne fauore indulgentiæ laxetur in aliquam immodestiam, in quo specimè quoddam futuri viri apparet. Nam & Medicus maiore diligentia medetur illi, cui propensius studet; vt cum sanat, acriori subinde pharmaco sanat. Dicit ergo: Quando necessitas disciplinæ, dicere vos dura verba cõpellit, &c. Id est: necesse est, vt Prælati aliquando, iuxta exigentiam causæ, aut peccantis conditionem, ad reprimendos malos mores, duriùs increpationem faciant; qui forsitan, si mitiùs agerent cum illis, non faciliè corrigerentur. Imò in Ordinatis Religionibus vsitatissimum est,

optimos etiam viros, ob leuia delicta, grauius admoneri, non tam delinquentium, quàm aliorum causâ; vt ob illorum patientiam, ad modestiam componantur.

Sequitur: Etiam si vos ipsi modum excessisse sentitis: Potest enim hoc contingere quandoque, quia & ipsi Prælati, humanæ conditionis fragilitati obnoxij sunt; nā sicut flatu ignis carbonis, ita & cor vehementiori impetu accenditur, quem arguentes, multiplicitate verborum, & animi contentione, dum non præuident, nec tempestiuè in se comprimunt, promouere solent. Hinc consultissimè facient, dum contra vitia ipsa inuestiuas reprehensiones, nō autem in personā fratris proferent.

I. 3.

Non autem carnalis, sed spiritalis, inter vos debet esse dilectio, &c.

Quia Regulæ suæ, pro fundamento, supposuit dilectionem, & quod hæc

hæc mutua imprimis inter nos habenda sit; ideò etiam cunctas præceptiones ab eadem dilectione, veluti è fonte, riuulos eduxit: neq; enim aliud est quicquam hætenus tractatum, nisi actus causati ab ipsa dilectione. Dilectio est animorum consensus; dilectio, mutui honoris exhibitio; dilectio, fraterna admonitio delinquentis, quòd si se non emendauerit, eiusdem denunciatio, vel etiam accusatio, optans bonum animæ illius; dilectio, est lites nullas habere, vel quantociùs sopire; dilectio, facilis iniuriæ remissio: breuiter, id totum dilectione informatur, quidquid præcipitur. Tamen vt hæc cum discretionè obseruetur, ponit hîc differentiam, inter carnalem & spiritualement dilectionem; & quòd carnalis dilectio fugienda sit, sequenda spiritualis. Per carnalem intelligitur hîc illa, quæ exclusis diuinis, terrenis aut mundanis nititur rationibus, & respectibus: quali vel maxime parentes, minus ordinate, in filios suos feruntur, cum mundanam felicitatem eis concupiscunt; cuius exemplum habemus in Matre filiorum Zebedæi. *Mat: 20.*

Item in Ioanne & Iacobo, optantibus^r quandam Samariae ciuitatem, igne caelitus misso, deflagrari; quos Dominus acri reprehensione repressit. *Luc: 9.* Hac saepenumero, culpas matres in filiis negligunt: hac nosmetipsos parum recte diligimus, nobisque impensius fauemus: hac Fratribus nostris, quos tenerius diligere videmur, saepe indulgemus, eosque defendimus, etiamsi iusta, pro delicti emendatione, disciplina esset eis imponenda. Necessario ergo praecipitur, ne istiusmodi carnalis dilectio foueatur in nobis, quaecunque illa sit, siue cum aperto crimine, siue quae speciem pietatis habeat: sed ut sola spiritualis, id est, quae lege Dei ducitur, & quae Christo obedit, illumque sequitur, illum exhibet; quali dilectione viri integre à carnalibus desiderijs abstracti, sunt affecti; quae pura & honesta est, plurimumque meriti habens, quae ita solum spectat Deum, ut contra eum nihil concupiscat, faciat nihil, nihil suadeat. Haec culpas ipsiusmet delinquentis proprias, aliorumue, non defendit; haec lapsis compatitur, & culpas eorum modestius

des
tio
erig
con
bi;
ne
nur
gen

C
ritat
Si e
amo
sem
saler
viti
sole
dilec
quip
piem
prox
prop
enim
bitu

destius tractat, accusatue; haud aliâ ratione, quàm vt errans dirigatur, labens erigatur, nutans solidetur. Breuiter. concludendo, alijs ita bona opat, vt sibi; & quidquid nolit sibi inferri, cauet, ne inferatur alijs, maximè quoad bonum animæ, in qua sola, verè vitæ agendæ iustitia perficitur, pro isto statu.

P R A X I S.

Offensa condonatio facile sequitur, ex concepto Dei amore, ex quo omnia charitatis officia, exactè proximis prestabuntur. Si enim, vt rectè monet Calag: loc: cit: Dei amor, à quo amor proximi genus ducit, cordi semel inhaeserit: esto proximus sit deformis, insolens, iracundus, importunus, rudis, & alijs vitiorum labibus notatus, quæ odium parere solent; nunquam Dei amatori, ad proximi dilectionem, ratio efficacissima deerit. Dei quippe bonitas, pulchritudo, mansuetudo, sapientia, & virtutes vniuersa, quibus fortè proximus caret, luculentissimè splendent, & propter illas proximus diligendus est. Quis enim unquam amauit, qui ob decorè quo trahitur, labores, tædium, & iniucunda multa non tulerit?

tulerit? Sed licet proximus non amabilis, appetitui nostro displiceat; rationi tamen placere potest. Est quippe (præter rationem illam à Dei decore virtutibusq; petitam) Dei filius; est æternæ beatitudinis capax; est IESU Christi sanguine redemptus; est mihi ad exercitium & meritum utilis; est fortassis, à quo ex prædestinatione æternâ salus mea dependeat. Sapienter satis D. Thomas, 2. 2^æ. q. 44. ar: 7. docet, proximum diligendum esse, sanctè, verè, iustè. Primò sanctè, ut sicut aliquis ex charitate seipsum diligit propter Deum, & secundùm dona supernaturalia, ita etiam proximum diligit. Secundò iustè, non expetendo proximo malum aliquod, sed quod bonum est. Tertiò verè, ut quis diligit proximum, propter ipsius proximi commodum, scilicet veræ amicitia.

CAPVT XVIII.

De obedientiâ Superioribus exhibendâ.

§. I.

Præposito tanquam Patri obediatur, multò magis Presbytero, &c.

Sum-

Sumptum ex Apolt: Hebr: ult. ubi scriptum est: Obedite Præpositis vestris in Domino, & subiaceite eis. Mandatum est in lege, Deut: 17. Qui autem superbie-rit, nolens obedire. Sacerdotis imperio, qui eo tempore ministrat Domino Deo tuo, ex decreto Iudicis moriatur. Habes & Regū 15. Melior est obedientia, quàm victima. Ad-vertendum est autem, quod B. P. deter-minat in hoc mandato, ad obedientiam pertinentia. Primò, cui illa debeat. Secundò, quo ordine. Tertiò, qualis debeat esse obedientia. Est ergo Præposito obediendum, sicut prædictæ authoritates Scripturarum, ostendunt. Ordinem, docet, cùm dicit: Multò magis Presbytero; haud dubiè P. Generalem totius Ordinis intelligens, cui primùm, & plùs est obediendum, quàm Præposito Domûs. Qualiter autem obediendum est, exprimit, cùm dicit: tanquam Patri; hoc est, suavi quadam subiectione, & filiali, cuius est dulcis obedientia ad parentes. Vnde Haimo, de coelesti amore: *Quantò humiliores & obedientiores fuerimus Præpositis & Patri-*

bus nostris, in tantum obediēt Deus orationibus nostris: citius enim exauditur una obediētis oratio, quā decem millia contemptoris. Sanctā ergo intentione, & cum omni alacritate, iussis Seniorum obtemperemus; & mox, ubi nobis aliquid imperatum fuerit à Superiore, ac si diuinitus imperetur, moras pati nesciamus in faciendo: quia obedientia, quæ maiōribus exhibetur, Deo exhibetur; ipse enim dicit: Qui vos audit, me audit. Pro Dei ergo amore, omni obedientiā nos subdamus maioribus nostris, ut imitatores valeamus esse Domini nostri; de quo dicit Apost: Factus obediens usq; ad mortem. ad Philip: 8.

§ 2.

Vt ergo cuncta ista seruentur, &c.

Hic mandat curam sollicitam, de Regulae obseruatione; & determinat ad quem præcipue pertineat, nimirum ad Præpositum Domus, seu Conuentus: qui si culpam emendare possit, bene

bene
sbyc
Ord
chor
præ

A
tutum

1.
manif
humil

2.
tiones

am, di
pugna

3.
benter
mentis
bocere

4.
nostran
submi

5. S
ad res

benè quidem; alioqui referat ad Presbyterum, puta Generalem Priorem Ordinis, penes quem stat summa auctoritas, & nequaquam negligenter prætereat cura observatiæ regularis.

P R A X I S.

Actus obedientia, sunt ex Alvarez deprompti, Tom: 2. de adeptione virtutum.

1. Exequi, quod iussum est à Prelatis (si manifestè malum nō sit) velociter, viriliter, humiliter, & indesinenter.

2. Aduersus affectus nostros, & inclinationes cordis, obtemperare: sicut fecit Abraham, dum decrevit filium suum (naturâ repugnante) Deo in holocaustum offerre.

3. Voluntatem nostram abnegare, & libenter, & alacriter iussa aggredi, ac liberum mentis arbitrium, voluntati præcipienti subijcere.

4. Iudicium, ac sensum nostrum cohibere, nostramq; sententiam Superioris sententiæ submittere.

5. Si duriter, stultè, verbisq; contumeliosis, ad res difficiles applicemur, libenter parere.

6. Supe-

6. Superiorum, etiam malorum, modo mala non iubentium, praecepta implere.

7. Sine ullâ excusatione, licet excusatio licita sit, iussa facere.

8. Et si Superior nihil inbeat, indicia tamen suae voluntatis exequi.

9. Nihil de se ordinare, nihilq, quod Superior notuerit, concupiscere.

10. Maiori cum auiditate, in ignobilia, quam in ea ad quae natura prona est, officia ferri.

Aduerte D. Thomam; in 2. 2^a. q. 33. ar. 2. ad 4. docere, alijsq; DD. id afferentibus: Superiores, non solum teneri corrigere peccata, quae casu vident à subditis fieri, aut ab alijs facta cognoscunt: sed etiam inquirere in vitam subditorum, ut videant, si quae in ijs fortè corrigenda sunt. Nisi enim hoc facerent, subditi faciliter impune peccarent; cum facile ipsis esset cauere, ne in conspectu Pralati peccarent, & faciliter sibi persuaderent, alios per se, sine Superioris inquisitione, ipsos non delaturos; atq; ita, cum maximo boni communis (quod Superiores tenentur conseruare) detrimento, omnia scaterent peccatis, & vigor disciplina omnino dissolueretur. Hoc tamen debent facere

cum mo-

cum moderamine prudentia, ut absit nimia sollicitudo, & intempestiva inquisitio. Vide Diannam, par: 2. Tr: 2. Resol: 42.

Certum est etiam, Superiorem teneri, in suis subditis emendare peccata venialia, quando aliis imminet periculum, ne disciplina Religiosa magnâ ex parte dissolvatur: quia Superior tenetur, quantum potest, dare operam ut hac totâ integritate servetur. Ita cum alijs multis Conichus, de act: sup: disp: 28. dub: 3. n. 24. Etiam ex rationabili suspicionemali occasiones tollenda, ac via præcludenda tempestive; aliâs ex tardâ correctione, seditiones, rebelliones, quandoq; gravissima scandala, sequi necesse est. ut Ambr: Catar: in spec: Hæret. & passim exempla docent.

CAPVT XIX.

De qualitatibus Superioris.

I.

Ipse verò, qui vobis præest, non se existimet potestate, &c.

Hic ger-

Hic certæ dantur præceptiones Prælati cuique, ut & ipse suis legibus dirigatur: Primò, ut in eo sciat se esse felicem, quòd possit in charitate seruire his, quibus præest; vnde exemplo Domini, fiat inter suos non ut dominus, sed ut seruus, quod per semetipsum testatus est, dicens: *Ego autem in medio vestri sum, sicut qui ministrat. Luc: 22.* Secundò, ut in autoritate se contineat, in medio suorum, id est, sic studiosè viuatur, ut dignè honoretur; at tamen citra Superbiam illum honorem suscipiat, ut coram Deo, in timore, putet se sub pedibus omnium esse, id est viliores, abiectioresque.

Potest & ad subditos hæc sententia propositionis referri, ut in honore habeant Prælatum: ipse verò minimè extollatur de tali honore, quin potius deputet se sub pedibus omnium esse. Tertiò, ut talis sit vita Prælati, quam omnes quærant imitari; id est, vndeque sancta, & perfecta in operibus bonis, & quæ in Dei gloriâ imprimis sint. Quartò, ut omnium mores consideret, naturam, & condiciones; idèòq; quos

viderit

viderit inquietos, affectionibus inordinatis laborantes, nec se mortificantes, vel suâ impatientiâ alios turbantes; hos corripiat, ac durioribus verbis reprimat, ut timore territi, suos mores indisciplinatos emendent, & mancant quieti. Illos verò, quos tristitiâ deiectos, fractisque animis aduerterit; consoletur, ac roboret, ne tentatione superentur, neque leui ex causâ magna coniectantes, in maiores scrupulos incidant; Christo se totaliter resignent, qui est vnicum salutis nostræ præsidium, & spes tota. Solet enim malignus spiritus, varias turbationes animis quorundam, iniicere, ut illis consternati, ad multa inutiles reddantur, qui potissimum, cōsolatione verbi Diuini sunt erigendi.

Denique suscipiat infirmos. Infirmitatis vocabulum, apud Latinos auctores, ad spiritum magis refertur, quam ad corpus: siue tamen ad corpus, siue ad animum, pertineat; infirmi hîc iubentur benignè suscipi: qui locus sumptus videtur ex Paulo, Hebr: 5. *Rogamus autem vos, Fratres, corripite inquietos, consolamini pusillanimes, suscipite infirmos, pa-*

tientes estote ad omnes. Non est dubium, quin his loqueretur, quorum intererat gregi fidelium superintendere. Quod verò ex eodem Paulo subiunctum est: *Patiens sit ad omnes*; hæc est cōsummatio summæ perfectionis Prælati: *Patientia namq[ue] opus perfectum habet.* Iac: i. Sine hac, Prælatus parùm valebit pro regimine; sicut Medicus, recusans tolerare defectum ægroti, pro sanitate impertiendâ. Hinc Prou: 33. *Impatiens operabitur stultitiam.* & 14. *Qui patiens est, multâ gubernatur prudentiâ: qui autem impatiens est, exaltat stultitiam suam.*

Sequitur: *Disciplinam libens habeat, metuendus imponat*; Duplicem pono huius loci sensum: Primò, vt disciplinam minimè inter subditos negligere debeat, cùm verò imponit per necessitatem, nihil timidè agat, sed in Authoritate, vt timeatur, seueritate quâdam vtens cum misericordiâ, & quasi qui legis præcepta negligere nequeat. Id est autem seuerum, quod secus verum; & ille seuerus dicitur, qui secus verum, & iuxta legis præcepta

cepta incedit. Alius sensus ducitur ex
D. Ambrosio, supra Paulum, qui definiens
disciplinam, modestam esse admoniti-
onem, censet, ipsa ut disciplina, sit mo-
desta admonitio. Et talem disciplinam
Prælati libens, quoad se, habeat, si à
Fratribus de aliquo defectu admonitus
fuerit. Sic Moyses sapientissimus, so-
ceri suo Iethro, monitis acquieuit. *Ex-
od: 18.* Sic David Rex & Propheta,
ab alio Propheta perstrictus, poenitenti-
am egit. *2. Reg: 12.* Chrysostomus à
mulierculâ, de subtilitate suâ in Conci-
onibus, conquerente, se correxit. San-
ctus Franciscus id voluit, imò & præce-
pit, ut à Fratre admoneretur, quod mû-
neri suo non satisfaceret. Multa etiam
exempla apud profanos Principes in-
uenies, qui à subditis suis, animo beni-
gno, monita susceperunt. Et ratio est:
quia præceptum correctionis fraternæ,
omnes, etiam subditos respectu suorum
Prælatorum, obligat: nam sicut tenen-
tur in necessitate corporali, ita multò
magis in spiritali, Prælati subuenire.
Attamen non est licitum subditis, de
peccatis suis Superiores publicè repre-

hendere, nisi illa sint publica, & vergāt in aliorum scandalum: & subditi, in hac correctione Superiorum, procedere debent tali reuerentiâ, vt obsecratio potius videatur esse, quàm increpatio; dicente Apostolo: *Seniorem ne increpaueris, sed obsecra vt Patrem.* 1. Tim: 5.

Postremò, quod dicit: Et quamuis vtrumq; sit necessarium; tamen à vobis plus amari appetat, quàm timeri: per hoc verbum, *utrumq;*, aliud non intelligo, nisi id, quod expositum est in sequenti oratione; videlicet, amorem, & timorem. Quod enim, disciplinam libens Prælatus habet; amoris omnium in se est conciliatio: quod verò, imponat metuendus, iam dignitas, reuerentia, Authoritas; & inter hæc duo incedat Prælatus, quisquis bonus & utilis esse velit: nam necesse est vt timeatur, ob Authoritatem, & zelum legis, à quo deflectere non potest; & ametur, ob vitæ sanctitatem, & quòd paratus sit admoneri, & corripi: cumque erit disciplina, siue verbi,


siue

sive virgæ; tunc maximè, paterni cuiusdam affectûs dulcedine, coram omnibus præcellet.

Iam verò, quantâ mole id opprimat Prælatum, quod sequitur! Sæper, *inquit*, cogitans, Deo se pro vobis rationem redditurum. Quis non formidet, non timeat sibi, & suis tempestivè non consulat? Hæc sententia ex Apost: decerpta est, Hebr: vlt. *Ipsi scilicet Præpositi inuigilant, quasi pro vobis rationem reddituri.* Scriptum est enim, in Ezech: *Super pastorem requiram gregem meum.* Cap: 34. Item, 3. Reg: 20. *Custodi virum istum: qui si lapsus fuerit, anima tua pro anima eius.* Neque enim contentatur Christus de rectâ vitâ Prælati, nisi & super gregem, tutelæ suæ pastoralis conceditum, quàm diligentissimè inuigilauerit, ut aliquis per negligentiam eius non pereat. Seruet autem, quantum in se est, omni studio & industriâ, hæc omnia. Quod si quis subditorum, sacris institutionibus ac directione reiectis, pereat; suo malo peribit, ut non Prælatus reddat rationem de eo. Id do-

cer textus, Ezech: Cap: 33. *Audiens autem quis sonitum buccina, & non se observauerit, veneritq; gladius, & tulerit eum; sanguis ipsius super caput eius erit. Quare sequitur: Sonum quippe buccinae audiuit, & non se observavit, &c.* qui totus ille locus in idipsum refertur. Alioqui, id est, nisi ipse disciplinam fecerit, exhortationesque; quod est sonare buccinâ; sanguis pereuntis, & anima requiretur super Pastorem: id est, peribit & Pastor, & ille qui fecit malum. Et hoc est, quod in eâdem Scripturâ dicit consequenter Deus: *Filij hominis, speculatorem dedi te domui Israël: si non fueris locutus, ut se custodiat impius à viâ suâ; ipse impius in iniquitate sua morietur, sanguinem autem eius de manu tua requiram.* In quam sententiam sequentia planè incidunt; dicitur enim: Vnde vos ad obediendum non solum vestri, sed etiam, ipsius miseremini, qui inter vos, quanto in loco superiori, tantò in periculo maiori, versatur. Quali periculo? Rei familiaris? Non adeò. Quali ergo? Animæ certè & salutis propriæ. Neque enim.

enim quod occupationibus rei familiaris aliquando distinctetur Prælatus, ideo dicitur hic maiori in periculo versari, qui non est huius loci sensus; etsi verus sit, quod in his etiam curis angustietur: tamē aliud est longē maius, quod principaliter providere debet, ad quod potissimum constitutus est, quod hoc loco indicatur. Quia scilicet Prælatus, nisi prudens sit, ac diligens, gravi in periculo, animarum suæ curæ commissarum, versatur, suæ autem, in primis. Proinde, ut possit salutaris providere suæ, & omnium salutis, obediendum est illi iucunditer ab omnibus, ut dulcius exequatur creditum sibi ministerium. Nam si colluctatio emergat illi cum suis, vel ob proterviam, aut murmura eorum; certē difficilius rem suam ager, fietque, ut plures à debitā diligentia desistant, & segnius bono communi provideant, cum magno dispendio S. Religionis, ac gravissimo reatu reluctantium disciplinæ Regulari.



P R A X I S.

HÆc petenda est cuiq; Superiori, ex statutis particularibus sui Ordinis, seriôq; curandum, ut ipsemet Superior sit lex animata, potens non tantum in sermone, sed etiam in opere: ne fortè irrideatur ministerium suum à discipulis, dum tantum monet verbis, & opere non procurat executionem; instar Sacerdotis Heli, qui unà cum filiis propter hoc perijt. 1. Reg: Cap: 4. Pro meliori autem instructione, legatur Pastorale S. Gregorij. D. Bern: de considerat: Opt: Regul: Seruat: Superior, & Medicus Scribanij, Asceticum Nigronij, &c.

De modo Regulæ obser-
uandæ.

S.

*Donet Dominus, ut obseruetis
omnia, &c.*

QVia enim præcepta hæc, instituunt
quendam summæ perfectionis vi-
rum,

rum, & talia sunt, quæ humana vis, sine
Divinâ, non perficiat; ideoq; D. P. Au-
gustinus meritò ad Dominum conuer-
titur, optans ab eo donari subsidium, ,
quatenus cœlesti virtute fulti, constan-
tius Regulæ præcepta perficiamus, tan-
quàm spiritualis pulchritudinis amato-
res, & bono Christi odore, de bonâ cō-
uersatione, fragrantēs. Duo dicit: pri-
mò, spirituales pulchritudinem; se-
cundò, bonum Christi odorem; & vn-
de hæc cooriantur, indicat, quia de bo-
nâ conuersatione. Vbi sciendum: :
quod spiritualis pulchritudo est à gra-
tiâ Dei, & à virtutibus gratiam conse-
quentibus: sicut è contra, spiritualis de-
formitas inest à peccato, per consequēs,
à gratiæ & virtutum defectu. Aposto-
lus dicit: *Christi bonus odor sumus.* 2. Cor: 2.
Is est bona fama, pericundum spirans
odorem, ex virtutibus à vitâ Christi
contractis; quarum habitus est in men-
te inhærens: pulchritudo super solem,
speciosior: odor Christi, super omnia,
aromata suavior, & gratior.

Aduerte circa hoc, quod dicitur: :
Non sicut serui sub lege, sed sicut li-

beri, sub gratiâ constituti. Ille seruus sub lege dicitur, qui necessitate coactus, & quasi inuitus, seruat legem timore, poenæ, vel amore commodi; non autem amore legis, & iustitiæ Dei: & sic non seruat in voluntate, quia vellet non esse legem prauis affectibus cupiditatibus; indeque odit iusticiam, legis, & foris tantum simulat falsas virtutes coram hominibus, fictâ obedientiâ. Non ergo sicut serui sub lege, sed sicut liberi sub gratiâ constituti. Quis liber, nisi filius in domo Patris? Filius ergo, qui habet spiritum Dei, cuius gratiâ adiutus, liberè seruat legem, & tali voluntate, ut nolle villo pacto non esse legem; imò gaudet esse legem, in quâ scit voluntatem Dei, secundum quam viuere decreuit. Atque ut summarim concludam: illi manus est in lege, huic etiam voluntas: ille cum fatuis virginibus annumeratur, hic cum sapientibus: ille hypocrita est, hic verax Dei cultor: ille nondum ad veram iusticiam peruenit, hic tenet. Quare? Quia charitatem habet, ad Deum totaliter, non ad se conuersus, nec

sus,
viu
loq
me
pta

V
dan
Chr
tan
pro
dep
lac
sua
mu
mu
con
uer
ver
mo
hab
dis
ben
eti

sus, nec sibi, sed Deo principaliter soli
vivit, & quæ grata Deo sunt, cogitat,
loquitur, operatur. Sola ergo charitas
mercedem à Domino, & gloriam accep-
tam, refert.

P R A X I S.

VT efficacius ad executionem præcepto-
rum Regule, omnemq; iustitiam sectan-
dam, nos inducat: proponit viam Regulam,
Christum Dominum; qui nobis à Deo Patre,
tanquam idea & exemplar perfectionis, est
propositus, ex cuius Evangelio hac Regula
dependet; ubi desiderat, ut non coactus, sed a-
lacri desiderio virtutum Christi, tanquam
suavi odore, coram ijs, cum quibus versa-
mur, fragrant, eosdem ad bonum allicia-
mus. Qualiter autem hunc odorem Christi
contrahere possimus, clarè docet D. Bona-
ventura, in Informat: Nouit: par: 1. c. 32.
verbis sequentibus: Describe in corde tuo
mores, & actus Christi: quàm humiliter se
habuit inter homines; quàm benignus inter
discipulos; quàm modestus in edendo & bi-
bendo; quomodo nullum spreuit, vel horruit,
etiamsi leprosus esset: quàm misericors super
paupe-

pauperes, quibus se similem fecerat per omnia; quomodo diuitibus non adulabatur: quàm verecundus; quàm patiens ad contumelias; quàm mitis in responsis; quàm compositus in gestis suis; quàm sollicitus de animarum salute: quomodo seipsum præbuit exemplum omnis boni: quomodo mulierum familiaria colloquia vitauit causâ exempli, unde etiam discipuli mirabantur, quando solus cū Samaritana loquebatur, eò quòd quasi insolitum videbatur in ipso. Item, quàm patiens laboris & penurie, &c. Et concludit: Hæc sit sapientia tua, & meditatio, & studium, semper aliquid de eo cogitare, unde prosereris ad imitandum eum.

Ad imitandum autem vitam Christi, seu ad Religiosè viuendum, præter multa spiritualia instrumenta, proponuntur nobis in Ecclesia Dei exempla Sanctorum: virtutes imprimis B. Virginis *MARIÆ*, in qua sicut lux solis in plenâ lunâ, ita Christi sanctimonia relucet. Tum actus Deo dicatorum hominū, Fundatorum ac Patronorum Religiosorum Ordinum, quos veluti duces & Antesignanos suos, quævis Religio, cum peculiaribus eorum virtutibus, sibi præcipuè sequendos statuit. Vti nostra, S. Paulum Primum Ere-

mitam,

mita
Ang
lum
um
re in
xeru

De

Vt

IV
ce
ocu
ne
tem
imp
Lig
tua

mitam, altissima contemplationi, ac puritati
Angelice deditum; S. Antonium eius amu-
lum; D. Hieronymum, S. Scriptura eximi-
um explanatorem; & alios, qui Christi odo-
re imbuti, plurimos ad vitam beatam attra-
xerunt.

CAPVT XX.

De crebrâ lectione huius Regu-
læ, & emendatione cul-
parum.

S.

*Vt autem vos in libello hoc, tan-
quàm in speculo, &c.*

Iusserat olim Deus suæ plebi, vt præ-
cepta sua gestarét in manibus, ac præ
oculis: quatenùs iugi cordis meditatio-
ne sese in ijs exercerent, nec solùm au-
tem meditarentur, sed etiam opere ad-
implerent. Sic enim præceperat illis:
*Ligabis verba mea quasi signum in manu
tua, eruntq; & mouebuntur inter oculos tu-*

os. De-

os. Deut: 6. Hoc mandatum, Pharisei iuxta literam seruare volentes, præcepta legis scilicet: *Diliges Dominum Deum, &c.* Et Dominus Deus tuus unus est, scripta ligabant etiam in fronte, propter hominum aspectus in hypocrisi. Cur ista dixerim, audi: Præceptum Regulæ est, vt ea simpliciter & pure, coram omnibus, singulis hebdomadis, semel legatur: verum Pharisaica erit obseruatio, nisi opere impleatur: igitur quisque ita audiat, vt in opus audita desumat, & studeat, pro virili perficere, quæ iubentur, seipsum castigans pro delictis, & sincero humilitatis affectu seruireque Deum exorans de auxilio pro adimplendis.

P R A X I S.

PRæter Regulæ crebram lectionem, & culparum correctionem, dantur insuper alij tres modi, qui triuant ad seruandam Regulam, apud Aluarez Tom: 2. lib: 3. par: 4. Cap: 2. Videlicet vniuersa, quæ à Regulâ mandata aut statuta sunt, magni momenti esumma, siue ipsa magna sunt, siue parua.

Deinde

Deinde illos *suspice*, illos *dilige*, illis te *associa*, quos *videris contemptores seculi*, *sectatores virtutis*, *amatores disciplinae*. Demum, ut *labentem animum* *sapius renouando*, te *habilem in dies facias*, per *crebrum exercitium*, ad *obseruantiam praeceptorum Regulae*.

Addo ex *communis sententia DD.* *Religiosum illum peccare mortaliter*, qui *ignorat pertinentiam ad statum suum*: non enim se *potest ita in illo*, ad *consequendam beatitudinem*, *gerere*, ut oportet. Item, quando ex *contemptu negligit tendere ad perfectionem*, vel ex *affectatâ negligentia*, vel quando ex *illius prauo exemplo*, *inducuntur alij ad relaxationem Regulae*. Vide S. Thomam, 2. 2^a. q. 186. ar. 2. & 9. Caiet. ibid. & alios plures apud Lezanam, Cap: 1. in *summa Quaest: Regul.*

Qui autem vult in *uitâ spiritali proficere*: *unum aliquod principale sibi fundamentum statuatur*, non *distrahendo animum* *diuersis*, ac *vnâ virtutem peculiariter colendam* (licet *alias non debet relinquere*) *eligat*, ad quam *suas intentiones dirigat*; ut *practicè docet ex alijs*, Calagur: de *Instruct: Nouit: Cap: 22.* E. G. *Religiosus Paulinus habet pro speciali exercitio*, con-

temptum rerum mundanarum, ut heroico modo, ductu S. Pauli Primi Eremitæ, in omnibus hunc exhibere studeat: **VT MENTE SUPRA OMNIA ELEVATVS, QVASI SOLVS IN MVNDO CVM DEO AGAT.** Memor verborum Apostoli: Omnia arbitratus sum, ut stercora, ut Christum lucrifaciam. ad Ephes: 3. Ita, ut in nullâ re maiorem complacentiam, nisi in solo Deo habeat, & ex bonitate creaturarum, ad ipsum maximi faciendum animû suum erigat, respectuq; gratiæ Christi, pro nihilo ducat, ac detestetur omnia, etiam gratissima.

Generaliter autem loquendo, cuiq; ad hoc principaliter attendendum, ut abnegando se, & secularia desideria, ipsi Deo viuat, & ad eius placita, omnes actus vitæ suæ referat: cuius Praxim ipse Deus posuit D. Catharinæ Senensi, in breui Dialo: his verbis: Si vis ad perfectionem gratiâ meâ peruenire, tibi est in summâ humilitate perstandum, & ex verâ, atq; intimâ, miseriæ & inopia tua cogitatione, id vnum iugiter vehementerq; affectandum, ut mihi soli pareas, meamq; voluntatem obserues. Quò autem id præstare queas, necesse est, ut per mentis conceptionem, & animi exsultationem, tibi habita-

habitu unculam circumubique concame-
tam, ex solius meae voluntatis materia consti-
tuas, teq; eò concludas, & semper inhabites;
ut quocunq; eas, nunquam progrediaris; quo-
cunq; prospicias, nunquam extra aspicias;
sed tuos mentis & corporis sensus, mea sem-
per circumstet voluntas; nec quicquid aliud
loquaris, cogites, & efficias, nisi quod mihi
placeat, & mea esse voluntatis credas: Sicq;
te, quicquid agendum erit, Spiritus San-
ctus edocebit.

Anacephalœosis,

*Seu brevis recapitulatio prace-
ptorum Regula.*

PRincipaliter iubemur, totum
cor nostrum, & amorem, a
rebus creatis, nobisq; ipsis, abstra-
ctum, ad ipsum Deum, eiusque Di-
uina placita, integrè, & totaliter re-
ferre: tū proximo sicut nobis ipsis

O

respe

respectu Dei, bonum velle. Deinde ex eo dem. Dei amore, sequentia exequi.

1. Idem, in ijs quæ Deo placent, sentire, ac velle; idque mutuis obsequiis perficere.

2. Iure proprio, dominio, ac possessione rerum temporaliū sese abdicare; solum nudum vsum rerum à Superiore petere, quem ipse necessitate exigente concedere tenetur: concessis sine murmuratione debemus contentari; superflua nulla tenere; nihil ex aliunde nobis oblati, Prælatum celare.

3. Tam pauperes, quàm diuites, se humiliant; se inuicem, respectu Dei, honorent, ac mutuò libenter sibi seruiant.

4. Omnes orationibus sæpius insistent, maximè temporibus statu-

tis;

tis ; prius mente, quàm labijs , Deo loquentes. In templo cum summâ reuerentiâ degant.

5. Pro possibili, quisq; carnem suam, ieiunijs, spiritui subijciat.

6. Cum silentio , auidèque, Sacram Scripturam, tempore refecti-
onis, audiant.

7. Si quis, necessitate exigente, suauius foueatur, nullus id moleste ferat ; quin omnes delicias perosi, parcitate exerceantur, etiam debiles, viribus receptis.

8. Morum potius, quàm vestium, honestatem quærant, simplicibus contenti.

9. Tota compositio membrorum, & habitûs, talis sit ; vt sanctimoniam vitæ redoleat.

10. Aspectus in foeminas lasciuus, vtpotè, inspectori Deo & ho-

minibus odiosus, & animabus perniciosus, omninò reprimatur.

11. Si quis in visu laxus esse, vel quidquam mali incipit agere, statim per alterum admoneatur: quòd si se non corrigit, ad Superiorem deferatur; post ab eo monitus priuatim, si non resipiscat, grauius coram alijs emendetur.

12. Magis publico, quàm priuato bono, intendant.

13. Vestimentorum vt sit mundities, Prælati est attendere; multò magis ægritudini Fratrum, per Medicum, & Infirmarium, prospicere.

14. Foras nullus exeat, nisi cum Socio, per Superiorem sibi deputato.

15. Pro instructione spiritûs, ac otio tollendo, libros petant à Superiore, horis designatis legendos.

16. Lites nunquam habendæ,
vel si

vel si casu emergant, per celerem regressum vnus ab altero, vel dissimulationem, sopiendæ.

17. Cauendum, ne Frater Fratrem, etiam verbo, offendat: læsus tamen, veniam petenti, facile condonet, eaq; omnia fiant, spirituale bonum procurando.

18. Reuerentia ac obedientia, Superiori, omnis præstanda.


19. Prælatus negligentes corrigat, seq; vilissimum, ex omnibus, coram Deo reputet. Bono exemplo præeat suis. Pij parentis, erga omnes, amorem cum prudentiâ, præferat. Authoritatem, quâ præstat, conseruet; plus tamen amari, quàm timeri, appetat.

20. Cuiq; enitendum est, vt virtutibus Christi præditus, cæteros ad bonum alliciat, sponte non coactè

iustitiam faciens. Hæc autem Regula, saltim semel in septimana legatur, ac defectus contra illam admissi, emendentur.

Quicumque hanc Regulam secuti fuerint, pax super illos, & misericordia Dei.

ad Galat : 6.



Pro fa-

*Pro faciliore exercitio suprà dicto-
rum, subditur*

VIA PRACTICA

*Ad perfectionem acquiren-
dam.*

Breuiter desumpta ex Alvarez de Paz,
Tom: i. Bernardino Resigno-
lio, & alijs.

*In viâ purgatiuâ, Religiosus faciat
quinque.*

1. **E**X timore & amore Dei, omnia peccata, etiâ venialia, pro virili deuitet, ac tentationibus mundi, carnis, Diaboli, seridè resistat.
2. Vitia, seu malas consuetudines, præcipuè sibi familiares, in se eradictet, contra illas vigilando, se reprehendendo, actus contrarios illis exercendo: pro negligentia sibi poenam iniungat, ac iterum animum, ad illas tollendas, renouet.
3. Res huius mundi: vti sunt, diuitiar,

deliciae, honores, vilipendat, ob multiplicem vanitatem earum, & ad quas non est creatus.

4. Corpus, cum sensibus exterioribus, per continentiam mortificet, imaginationes prauas, per pia phantasmata, Quatuor nouissimorum, Passionis Christi, &c. elidat: ac passiones animi; ut sunt, amor, desiderium, gaudium, odium, fuga, tristitia, spes, desperatio, audacia, timor, ira, edomet: cogitando, dum mens turbatur, iucundis vel acerbis rebus, meliora esse bona in coelo, acerbiora in inferno: ac propter hæc non debere spiritu confundi, sed ut viuat rationis ductu, quæ homo; quæ Christianus, lege Euangelij; quæ Religiosus, exemplo Christi, agendum.

5. Proprium iudicium, ac propriam, voluntatem, quæ dissonat à bonis, amoremque sui inordinatum prorsus abneget; suam miseriam, & se cognoscendo, vilipendendo, ac seuerius secum agendo.

*In viâ illuminatiuâ, exhibeat
quinque.*

1. Virtutum actus exerceat cogitatione, verbo, & opere, cogitando quotidie aliquid de virtute, sibi præfixa legendo, vel conferendo, intentione illius exercendæ quidpiam faciendo, aut perferendo.
2. Bono exemplo alijs præluceat,
3. Alios, pro virili, in bono instruat.
4. Humilitatis actus, sublimiori modo præstet.
5. Patientiæ onera alacriter perferat.

*In viâ unitiuâ, sequentes gradus
ascendere conetur.*

1. Primus est, derelictis omnibus creaturis, familiaris & intima conuersatio cum Deo, & Sanctis eius.
2. Postpositis omnibus respectibus, purum desiderium, soli Deo placendi, tam in actiuâ, quàm in contemplatiuâ vitâ.
3. Ingens feruor, ad omnia bona o-

pera præstanda : & præstanda
more heroico.

4. Sincera resignatio Diuinæ voluntati, tam in agendis, quàm in relinquendis actibus; quod etiam, heroico modo exhibendum est.
5. Continua memoria præsentia Dei, in rebus creatis, & alijs supernaturalibus existentis, cum seruido affectu erga ipsum. De his latissime tractat *Alvarez de Paz*, Tom: 1. & 2. perfectionis Christianæ.

Ad prædictam viam perfectionis,

*Plurimum valet vita Monastica; cuius
partes sunt:*

1. Paupertas, quâ renuntiatur proprietati, possessioni, dominio, usu-fructui.
2. Castitas, quâ renuntiatur immunditijs corporalibus, & spiritalibus.
3. Obedientia, quâ renuntiatur proprio iu-

prio iudicio, voluntati, sui ipsius regimini.

4. Abnegatio, quâ renuntiatur sibi, consanguineis, iuri polytico.
5. Contemplatio, quâ renuntiatur phantasmatibus, cogitationibus, simulachris, mentem à vero fine impediens.

Ad Paupertatem pertinet.

Vilitas vestium, tenuitas victus, necessariorum etiam minimorum distributio per Prælatos: abstinere in sermone, à meo proprio, & tuo; communio rerum, prohibitio dandi, & accipiendi.

Ad Castitatem.

Ieiunia, cilicia, castigationes corporis, durior lectus, vigiliæ nocturnæ, dormitio in vestibulis, seclusio mulierum, oculorum in terram demissio.

Ad Obedientiam.

Humi-

Humiliationes, seruitia mutua, vltionæ & publicæ accusationes, Prælatio Superiorum.

Ad abnegationem.

Conuersio morum, secularium, in Regulares, omnimoda modestia, significatio qualitatis vestium, vita communis, diuersa exercitia Monastica, culparum correptiones, rigor vitæ Regularis.

Ad contemplationem.

Lectioes Sacrae, Meditationes, cognitio Dei, cognitio sui, diffidentia de se, Examen conscientia, crebra sui reollectio, renouatio piorum propositorum, silentium, solitudo, memoria praesentia Diuina, frequens sui oblatio Deo penes merita Christi, ac SS. Virginis MARIAE, & Sanctorum Dei, electio melioris boni, in profectu spirituali; officia Diuina, frequentatio Sacramentorum Poenitentia & Eucharistia,

stia, loca sacra, in quibus quotidie versari neceſſè est.

Horum omnium finis

Vnio cum Deo, seu Diuinæ charitatis perfectio;

Tandem beatificatio.

Intrate per angustam portam: quia lata porta, & spatioſa via est, quæ ducit ad perditionem. Mat:7.

Regnum cælorum vim patitur, & uiolenti rapiunt illud. Matth:11.



*Oratio D. Thomæ, ad postulandam
perfectionem.*

Concede mihi misericors Deus, quæ
tibi placita sunt, ardentè concupi-
scere; prudenter inuestigare, veraciter
agnoscere, perfectè adimplere, ad lau-
dem & gloriam nominis tui, ordina-
statum meum, & quod à me requiris vt
faciam, tribue vt sciam: & da exequi, si-
cut oportet, & expedire animæ meæ. Da
mihi Domine Deus meus, inter prospe-
ra & aduersa non deficere; vt in illis nō
extollar, & in istis non deprimar: de
nullo gaudeam, vel doleam, nisi quod
ducat ad te, vel abducat à te. Nulli pla-
cere appetam, vel displicere timeam,
nisi tibi. Vilescant mihi Domine, o-
mnia trāsitoria, & cara mihi sint omnia
tua, propter te, & tu De^o præter omnia.
Tædeat me gaudij, quod est sine te, nec
aliud cupiam, quod est extra te. Dele-
ctet me, Domine, labor, qui est pro te,
& tædiosa sit mihi omnis quies, quæ est
à te. Frequenter da mihi Domine,
cor meum ad te dirigere, & defectus

meos

meos, cum emendationis propolico,
dolendo pensare. Fac me, Domine De-
us, obedientem sine contradictione;
pauperem sine defectione; castum sine
corruptione; patientem sine murmu-
ratione; humilem sine fictione; & hila-
rem sine dissolutione; tristem sine de-
iectione; maturum sine grauitate; agi-
lem sine leuitate; timentem te sine de-
speratione; veracem sine duplicitate;
operantem bona, sine praesumptione;
proximum corrigere, sine elatione;
ipsum aedificare, verbo & exemplo, si-
ne simulatione. Da mihi, Domine
Deus, cor peruigil, quod nulla abdu-
cat à te curiosa cogitatio. Da nobile,
quod nulla deorsum trahat indigna af-
fectio. Da rectum, quod nulla sinistror-
sum obliquet praua intentio. Da inui-
ctum, quod nulla frangat tribulatio.
Da liberum, quod nulla sibi vendicet
peruersa & violenta affectio. Largire
mihi, Domine Deus meus, intellectum
te cognoscentem; diligentiam, te
quarentem; sapientiam, te inuenien-
tem; conuersationem tibi placentem;

perse-

perseuerantiam, te fideliter expectan-
tem; & fiduciam, te finaliter ample-
ctentem: tuis poenis configi per poeni-
tentiam: tuis beneficijs vti in via, per
gratiam; & tandem tuis gaudijs in
patriâ perfrui, per gloriam.

A M E N.

